



精校
大字
漢魏叢書九十六種

上海大通書局發行
武進唐鈔者

14
2023
9



2023
9

華陽國志目錄

巴志

漢中志

蜀志

南中志

公孫述劉二牧志

劉先主志

劉後主志

大同志

李特雄期壽勢志

漢中士女志

梓潼士女志

西州後賢志

序志

序志後語

附江

原士女志

華陽國志引

先王之制自二十五家之間書其恭敏任恤等而上之或曰書其學行或歲考其道德故民之賢能衰惡其更無不與知之者焉漢魏以還井地廢而王政闕然猶時有所考察旌勸而州郡中正之職尚修於郡國鄉閭士女之行多見於史官隋唐急事緩政此制遂廢而不舉潛德隱行非野史紀述則悉無見於時民日益漓俗日益卑此有志之士所為歎惜也晉常璩作華陽國志於一方人物丁甯反覆如恐有遺雖蠻髦之民井臼之婦苟有可紀皆著於書且云得之陳壽所為者舊傳按壽嘗為郡中正故能著述若此之詳自先漢至晉初踰四百歲士女可書者四百人亦可謂眾矣復至晉初至于周顯德僅七百歲而史所紀者無幾人忠魂義骨與塵埃野馬同沒於邱原者益亦多矣豈不重可歎惜哉此書雖繁富不及承祚之精微然議論忠篤樂道人之善蜀記之可觀未有過於此者鏤行於世庶有益於風教云宋元豐戊申秋日呂大守防微仲撰

巴志

晉常璩著 萬載袁廷鼈校

昔在唐堯洪水滔天鯀功無成聖禹嗣興導江疏河百川蠲脩封殖天下因古九圍以置九州仰稟參伐俯壤華陽黑水江漢為梁州厥土青黎厥田惟下上厥賦惟下中厥貢瓊璫銀鏤怒磬熊羆狐狸織皮於是四奧既宅九州道同六府孔脩庶土交正庶民財賦成貢中國蓋時雅之化東被西漸矣歷夏殷周九州牧伯率職周文為伯西有九國

華陽國志

華陽國志

及武王克商并徐合青省梁合雍而職方氏猶掌其地辨其土壤甄其寶利迄於秦帝漢興高祖藉之成業乃改雍曰涼革梁曰益故巴漢庸蜀屬益州至魏咸熙元年平蜀始分益州巴漢七郡置梁州治漢中以相國參軍中山耿黼為刺史元康六年廣漢益州更割雍州之武都陰平荊州之新城上庸魏興以屬焉凡統郡一十一縣五十八洛書曰人皇始出繼地皇之後兄弟九人分理九州為九圍人皇居中州制八輔華陽之壤梁岷之域是其一圍圍中之國則巴蜀矣其分野輿鬼東井其君上世未聞五帝以來黃帝高陽之友庶世為侯伯及禹治水命州巴蜀以屬梁州禹娶於塗山辛壬癸甲而去生子啟呱呱啼不及視三過其門而不入室務在救時今江州塗山是也帝禹之廟銘存焉會諸侯於會稽執玉帛者萬國巴蜀往焉周武王伐紂實得巴蜀之師著乎尚書巴師勇銳歌舞以凌殷人倒戈故世稱之曰武王伐紂前歌後舞也武王既克殷以其宥姬封於巴爵之以子古者遠國雖大爵不過子故吳楚及巴皆曰子其地東至魚復西至夔道北接漢中南極黔涪土植五穀牲具六畜桑蠶麻紵魚鹽銅鐵丹漆茶蜜靈龜巨犀山雞白雉苗潤鮮粉皆納貢之其果實之珍者樹有荔枝蔓有辛筠園有芳菊香茗給客橙葵其藥物之異者有巴戟天椒竹木之瑣者有桃支靈壽其名山有塗籍靈臺石書刊山其名質真好義士風敦厚有先民之流故其詩曰川崖惟平其稼多黍旨酒嘉穀可以養父野惟阜邱彼稷多有嘉穀旨酒可以養母共祭祀之詩曰惟月孟春懶祭彼崖永言孝思享祀孔嘉彼黍既潔彼儀惟澤蒸命良辰祖考來格其好古樂道之詩曰日月明明亦惟其民誰能長生不朽難獲又曰惟德實寶富貴何常我思古人令問令望而其失在於重遲魯鈍俗素樸無造次辨麗之氣其屬有濮賓直共奴獯夷蚩之蠻周之仲世雖奉王職與秦楚鄧為比春秋魯桓公九年巴子使韓服告楚請與鄧為好楚子使道胡將巴客聘鄧鄧南郟攻而奪其幣巴子怒伐鄧敗之其後巴師楚師伐申楚子驚巴師魯莊公十八年巴伐楚克之魯文公十六年巴與秦楚共滅庸哀公十八年巴人伐楚敗於鄆地後楚主夏盟秦擅西土巴國分遠故於盟會希與戰國時嘗與楚婚及七國稱王巴亦稱王周之季世巴國有亂將軍有曼

子請師於楚許以三城楚王救巴巴國既甯楚師請城曼子曰藉楚之靈克弭禍難誠許楚王城將吾頭往謝之城不可得也乃自刎以頭授楚使王歎曰使吾得臣若巴曼子用城何為乃以上卿禮葬其頭巴國遂其亦以上卿禮周顯王時楚國衰弱秦惠文王與巴蜀為好蜀王弟苴私親於巴巴蜀世戰爭周慎王五年蜀王伐苴侯苴侯奔巴巴為求救於秦秦惠文王遣張儀司馬錯救苴巴遂伐蜀滅之儀貪巴苴之富因取巴執王以歸置巴蜀及漢中郡分其地為二縣儀城江州司馬錯自巴涪水取楚商於地為黔中郡秦昭襄王時白虎為害自秦蜀巴漢患之秦王乃重募國中有能然虎者邑萬家金帛稱之於是夷胸忠廖仲樂何射虎秦精等乃作白竹弩於高樓上射虎中頭三節白虎常從羣虎嗅毒盡得然羣虎大响而死秦王嘉之白虎歷四郡害千二百人一朝患除功莫大焉欲如要王嫌其夷人乃刻石為盟要復夷人頃田不租十妻不害傷人者論然人顧死俟錢賦蠻夷盟曰秦犯夷輸黃龍一雙夷犯秦輸清酒一鍾夷人安之漢興亦從高祖定秦有功高祖因復之專以射白虎為事石歲出資錢口四十故世號白虎復夷一曰板楯蠻今所謂弱頭虎子者也漢高帝滅秦為漢王王巴蜀閬中人范目有恩信方畧知帝必定天下說帝為募發資民秦地既定封目為長安建章鄉侯帝將討關東資民皆思歸帝嘉其功而難傷其意遂聽還巴謂目曰富貴不歸故鄉如衣繡夜行耳從封閬中慈鄉侯目固辭乃封渡沔縣侯故世謂三秦亡范三侯也目復除民羅朴督鄧度夕龔七姓不供租賦閬中有渝水資民多居水左右天性勁勇初為漢前鋒陷陣銳氣喜舞帝善之曰此武王伐紂之歌也乃令樂人習學之今所謂巴渝舞也天下既定高帝乃分巴置廣漢郡孝武帝又兩割置犍為郡故世曰分巴割蜀以成犍廣也自時厥後五教雍和茂秀挺逸英偉既多而風謠旁作故朝廷有忠貞盡節之臣鄉黨有主文歌詠之音巴郡誰君黃仕成哀之世為諫議大夫數進忠言後違避王莽又不事公孫述述怒遣使齎藥酒以懼之君黃笑曰吾不省樂乎其子瑛納錢八百萬得免國人作詩曰肅肅清節士執德實固貞違惡以授命沒世遺令聲巴郡陳紀山為漢司隸校尉嚴明正直西虜獻眩王庭試之分公卿以為

嬉紀山獨不視京師稱之巴人歌曰築室載直梁國人以貞真邪嫉不揚目枉行不動身姦軌僻乎遠理義協乎民
 巴郡嚴王思為揚州刺史惠愛在民每當遣官吏塞路攀轅詔遂留之居官十八年卒百姓若喪考妣義送者齊
 錢百萬欲以贍王思家其子徐州刺史不受送更義崇不忍持還乃散以為食食行客巴郡太守汝南應季先善而
 美之乃作詩曰乘彼西漢漣漣其淵君子愷悌作民二親沒世遺愛式鏡後人漢安帝時巴郡太守連失道國人風
 之曰明明上天下土是觀帝選元后求定民安孰可不念禍福由人願君奉詔惟德日親永初中廣漢漢中羌反虐
 及巴郡有馬妙祈妻義王元憤妻姬趙蔓君妻華夙喪夫執共妻之節守一醮之禮號曰三貞遭亂兵迫匿懼見拘
 辱三人同時自沈於西漢水而沒死有黃鳥鳴其亡處徘徊馬國人傷之乃作詩曰關關黃鳥爰集于樹窈窕淑女
 是繡是黼惟彼繡黼其心匪石嗟爾臨川邈不可獲永建中泰山吳資元約為郡守屢獲豐年民歌之曰習習晨
 風動澍雨潤乎苗我后邱時務我民以優饒及資遷去民人思慕又曰望遠忽不見惆悵嘗位何恩澤實難忘悠悠
 心永懷孝桓帝時河南李盛仲和為郡守貪財重賦國人刺之曰狗吠何諠諠有吏來在門披衣出門應府記欲得
 錢語窮乞請期吏怒反見尤旋步顧家中無可與思往從鄰貸鄰人以言置錢錢何難得令我獨憔悴漢末政
 衰牧守自擅民人思治作詩曰混混獨沼魚習習激清流溫溫亂國民業業仰前脩其德操仁義文學政幹若洛下
 閎任文公馮鴻卿龐宜孟文和趙溫柔龔并侯楊文義等播名立事言行表世者不勝次載者也孝安帝元初三
 年梁州羌反入漢中殺太守董炳擾動巴中中即將尹就討之不克益州諸郡皆起兵禦之三府舉廣漢王堂為巴
 郡太守撥亂致治進賢達士貢孝子嚴承隱士黃錯名儒陳髦俊士張瑞皆至大位益州刺史張喬表其尤異徙石
 扶風民為立祠孝桓帝以并州刺史秦山但望字伯圖為巴郡太守勲郵民隱郡文學掾宕渠趙芬宏農馮允墊江
 龍禁王祈李溫臨江嚴就胡良文愷安漢陳禧閬中黃閻江州毋成陽舉喬就張紹牟存平直等詣望自訟曰郡境
 廣遠千里給吏兼將人從冬往夏還夏單冬複唯踰時之役懷怨曠之思其昏喪吉凶不得相見解緩補綻下至薪

菜之物無不躬買於市富者財德自供貧者無以自久是以清儉天枉不聞加以水陸艱難山有猛獸思迫期會隕
 身江河投死虎口咨嗟之難歷世所苦天之應感乃遭明府欲為更新童兒匹婦懼喜相賀將去遠就近釋危蒙安
 縣無數十民無遠近思如未生澤及來世魏魏之功勒於金石乞以文書付計掾史人鬼同符必獲嘉報分等幸甚
 望深納之郡戶曹史枳白望曰公等前後百餘人歷政訟訴未蒙感悟明府運機布政稽當皇極為民庶請命救患
 德合天地澤潤河海開闢以來今遇慈父經曰奕奕梁山惟禹甸之有倬其道韓侯受命比隆等感於斯為美永興
 二年三月甲午望上疏曰謹按巴郡圖經境界南北四千東西五千周萬餘里屬縣十四鹽鐵五官各有丞史戶四
 十六萬四千七百八十口百八十七萬五千五百三十五遠縣去郡千二百至五百里鄉亭去縣或三四百或及
 千里土界遐遠令尉不能窮詰姦凶時有賊發督郵追案十日乃到賊已遠逃蹤跡絕滅罪逮捕證驗文書詰訊
 即從春至冬不能究訖繩憲未加或遇德令是以賊盜公行奸宄不絕榮等及隴西太守馮舍上谷太守陳宏說往
 者至有劫閭中令楊殷終津侯美具傷尉蘇鴻彭亭侯孫魯雅亭侯陳已殷侯樂普又有女服賊千有餘人布散千
 里不即發覺謀成乃誅其水陸覆害然郡掾枳謝盛塞威張御魚復令尹尋王簿胡直若此非一給吏休謁往還數
 千閉囚須報或有彈劾動使歷年吏坐踰科恐失冬節侵疑先死如當移傳不能待報輒自刑戮或長吏忿怒冤枉
 弱民欲赴訴郡官每憚還往太守行桑農不到四縣刺史行部不到十縣郡治江州時有溫風遙縣客吏多有疾病
 地勢剛險皆重屋累居數有火害又不相容結舫水居五百餘家承三江之會夏水漲盛壞散顛溺死者無數而江
 州以東濱江山險其人半楚姿態敦重墊江以西土地平敞精敏輕疾上下殊俗情性不同敢欲分為二郡一治臨
 江一治安漢各有桑麻丹漆布帛漁池鹽鐵足相供給兩近京師榮等自欲義出財帛造立府寺不費縣官得百姓
 懽心孝武以來亦分吳蜀諸郡聖德廣被民物滋繁增置郡土釋民之勞誠聖王之盛業也臣雖貪大郡以自優暇
 不忍小民顛顛蔽隔謹具以聞朝議未許遂不分郡之議始於是矣順桓之世板楯數反太守蜀郡趙溫恩信

降服於是宕渠出九德之未胸忍有連理之木光和二年板楯復叛攻害三蜀漢中州郡連年苦之天子欲大出軍時征役疲弊問益州計曹考以方畧益州計曹椽程包對曰板楯七姓以射白虎為業立功先漢本為義民復除徭役但出賞錢口歲四十其人勇敢能戰昔羌數入漢中郡縣破壞不絕若緣後得板楯來虜彌盡號為神兵羌人畏忌傳語種輩勿復南行後建甯後漢作建和二年羌復入漢牧守違違復賴板楯破之若微板楯則蜀漢之民為左衽矣前車騎將軍馮緄南征雖授丹楊精兵亦倚板楯近益州之亂朱鮪以并涼勁卒討之無功太守李顥以板楯平之忠功如此本無惡心長吏鄉亭更賦至重僕役過於奴婢華楚降於囚虜至乃嫁妻賣子或自劬割陳寃州郡牧守不理去關庭遙遠不能自聞含怨呼天叩心窮谷愁於賦役困乎刑酷邑域相聚以致叛戾非有深謀至計僭號不軌但選明能牧守益其資穀安便賞募從其利隙自然安集不煩征伐也昔中即將尹就伐羌擾動益部百姓諺云虜來尚可尹將殺我就徵還後羌自破退如臣愚見權之遣軍不如任之州郡天子從之遣太守曹謙宣詔降赦一朝清戢獻帝初平元年征東中即將安漢趙穎建議分巴為二郡穎欲得巴舊名故白益州牧劉璋以墊江以上為巴郡江南龐義為太守治安漢以江州至臨江為永甯郡胸忍至魚復為固陵郡巴遂分矣建安六年魚復塞眉白璋爭巴名璋乃改永甯為巴郡以固陵為巴東徙義為巴西太守是為三巴於是涪陵謝本白璋求以丹興漢髮二縣為郡初以為巴東屬國後遂為涪陵郡分後屬縣七戶二萬去洛三千七百八十五里東接胸忍西接蔣縣南接涪陵北接安德漢陽

巴子時雖都江州或治墊江或治平都後治閬中其先王陵墓多在枳其畜牧在沮今東突破下畜沮是也又立市於龜亭北岸今新市里是也其郡東枳有明月破廣德嶼故巴亦有二破巴楚數相攻伐故置杆關陽關及沔關漢中郡治江州巴水北有柑橘官今北府城是也後乃遷南城劉先主初以江夏費璿為太守領江州都督後都護李嚴更城大城周迴十六里欲穿城後山自汶江通水入巴江使城為州求以五都置巴州丞相諸葛亮不許亮將北征召嚴漢中故穿山不連然造倉龍白虎門別郡縣倉皆有城嚴子豐代為都督豐解後梓潼李福為都督延熙中車騎將軍鄧芝為都督治陽關十七年省平郡樂城常安咸熙元年但四縣以鎮西參軍龐西洽思和為太守二部守軍 江州縣郡治塗山有禹王祠及塗后祠北水有銘書詞云漢初魏為張君為太守忽得仙道從此升度今民曰張府君祠縣下有清水穴巴人以此水為粉則膏暉鮮芳貢粉京師因名粉水故世謂江州墮林粉也有荔芝園至熟二千石常設厨膳命士大夫共會樹下食之縣北有稻田出御米陂池出蒲弱蘭席其冠族有波鈇母謝然溢楊白上官程常世有大官也 枳縣郡東四百里治涪陵水會土地確瘠時多人士有章常連黎年楊郡冠首也臨江縣枳東西百里接胸忍有鹽官在監除二溪一郡所仰其豪門亦家有鹽井又嚴甘文楊杜為大姓晉初文立實作常伯納言左右楊宗符稱武隆人在吳為孫氏虎臣也 平都縣蜀延熙時省大姓殷呂蔡氏 墊江縣郡西北中水四百里有桑蠶牛馬漢時龔榮以後才為荆州刺史後有龔楊趙敏令德為巴郡太守淳于長甯雅有美貌黎夏杜皆大姓也 樂城縣在西州江三百里延熙十七年省常安縣亦省

巴東郡先主人益州改為江關都尉建安二十一年以胸忍魚復羊渠按晉志巴東郡有羊渠及宜都之巫北井六縣為固陵郡武陵康立為太守章武元年胸忍徐慮魚復襄機以失巴名上表自訟先主聽復為巴東南郡輔匡為太守先主征吳於夷道還薨斯郡以尚書令李嚴為都督造設圍戍嚴還江州征西將軍汝南陳到為都督到卒官以征北大將軍南陽宗預為都督預還內領軍襄陽羅獻為代蜀平獻仍其任拜凌江將軍領武陵太守泰始二年吳大將步闡唐咨攻獻獻保城咨西侵至胸忍故蜀尚書郎巴郡楊宗告急于洛未還獻出擊闡大破之闡咨退獻還監軍假節安南將軍封西鄂侯入朝加錫御蓋朝服吳武陵太守孫恢寇南浦安蠻護軍楊宗計之退走因表以宗為武陵太守住南浦誘郵武陵蠻夷行三縣初附民獻卒以捷為太守天水楊攸為監軍攸還梁州刺史朝議以唐彬及宗為代晉武帝問散騎常侍文立曰彬宗孰可用立對曰彬宗俱立事績在西不可失者然宗才誠佳有酒嗜彬亦其人

性在財欲惟陛下裁之帝曰財欲可足酒嗜難改遂用彬為監軍加廣武將軍廷吳平巴東後省羊渠置南浦晉太
 康初將巫北并還建平但五縣去洛二千五百里東接建平南接武陵西接巴郡北接房陵奴獯夷蠻之蠻民魚
 復縣郡治公孫述更名白帝章武二年改曰永安咸熙初復有橘官又有澤水神天旱鳴鼓於傍即雨也 胸忍縣
 郡西二百九十里水道有東陽下瞿數灘山有大小石城並靈壽木鹽井靈龜咸熙元年獻靈龜於相府大姓扶先徐
 氏漢時有扶徐荆州着石楚訪有弱頭白虎復夷者也着石楚訪四字未詳 弱其兩切又趨移切 漢豐縣建安
 二十一年置在郡西北彭溪源 南浦縣郡南三百里晉初置主夷郡郡與楚接人多勁勇少文學有將帥材
 涪陵郡巴之南鄙從枳南入折丹涪水本與楚商於之地接秦將司馬錯由之取楚商於地為黔中郡也後恆有都
 尉守之舊屬縣五去洛五千一百七十里東接巴東南接武陵西接牂柯北接巴郡土地山險水灘人多慧勇多獯
 蠻之民縣邑阿黨圖訟必死無蠶桑少文學惟出茶丹漆蜜臘漢時赤甲軍常取其民蜀丞相亮亦發其勁卒三千
 人為連弩士遂移家漢中延熙十二年大姓徐巨反車騎將軍鄧芝討平之見元猿綠其山芝性好弩手自射後中
 之猿子拔其箭卷木葉塞其創芝嘆曰嘻吾傷物之性其將死矣乃移其家徐蘭謝范五十家於蜀為獵射官分羸
 弱配督將韓將名為助郡軍遂世掌部曲為大姓晉初移弩士于馮翊蓮勺其人性質直雖徒他所風俗不變故迄
 今有蜀漢關中涪陵其為軍在南方者猶存山有大龜其甲可卜其緣可作乂世號靈乂出涪陵縣郡治 丹興縣
 蜀時省山出名丹 漢平縣延熙十三年置 萬甯縣孝靈帝時置本名永甯 漢髮縣有鹽井諸縣北有獯蠻又
 有蟾夷也

巴西郡屬縣七去洛二千八百一十五里東接巴郡南接梓潼北接涼西城土地山原多平有牛馬桑蠶其人自先漢
 以來僂儻儻冠冕三巴及郡後叔布榮始周群父子程公宏等或學兼三才或精秀奇逸其次馬城衡承伯才
 藻清妙龔德緒兄弟英氣嗒然黃公衡應權通變馬德信王子均勺孝鯁張伯岐建功立事劉二王之世稱美荆楚

乃先漢以來馮車騎范鎮南皆植斯鄉故曰巴有將蜀有相也及晉譙侯修文於前陳君煥炳於後並遷雙固倬群
 穎世甄在傳記縉紳之徒不勝次載焉 閬中縣郡治有彭池大澤名山靈臺見文緯書議大姓有三孤五馬蒲趙
 任黃嚴也 南充國縣和帝時置有鹽井大姓侯譙氏 安漢縣號出人士大姓陳范閻趙 平州縣其二縣為郡
 宕渠郡延熙中置以廣漢王士為太守郡建九年省永興元年李雄復置今遂為郡長老言宕渠蓋為故賈國今有
 寶城盧城秦始皇時有長人二十五丈見宕渠秦史胡母敬曰是後五百年外必有異人為大人者及雄之王祖世
 出自宕渠有識者皆以為應之先漢以來士女賢貞縣民車騎將軍馮緄大司農元賀大鴻臚龐雄桂陽太守李溫
 等皆建功立事有補於世緄溫各塋所在常以三月二子之靈還鄉里水蟲漲郡縣吏民莫不於水上祭之其列女
 節義在先賢志 宕渠縣郡治有鐵官石蜜山圖所採也 漢昌縣和帝時置大姓句氏 宣漢縣今省 右巴國
 分為五郡二十三縣

謬曰巴國遠世則黃炎之友封在周則宗姬之戚親故於春秋班倂秦楚示甸衛也若蔓子之忠烈范目之果毅風
 悖俗厚世挺名將斯乃江漢之含靈山岳之精爽乎觀其俗足以知其教一矣昔紗麓崩卜偃言其後當有聖女興
 元城郭公謂王翁孺屬當其時故有政君李雄宕渠之廝伍略陽之黔首耳起自流隸君獲士民其長人之魄良有
 以也

漢中志

晉常璩著

漢中郡本附庸國屬周赧王二年秦志文王置郡因水名也漢有二源東源出武都氏道漾山因名漾禹貢流漾
 為漢是也西源出隴西嶓冢山會白水經葭萌入漢始源曰沔故曰漢沔在詩曰滔滔江漢南國之紀其應上昭于
 天又曰惟天有漢其分野與巴蜀同占其地東接南郡南接廣漢西接隴西陰平北接秦川厥壤沃美賦貢所出

漢中志

華陽國志

五

畧年三蜀六國時楚強盛畧有其地後為秦恆成爭地漢高帝既克秦獲子嬰項羽封高帝為漢王王巴蜀三十一縣帝不悅丞相蕭何謀曰雖王漢中之惡不猶愈於死乎且語曰天漢其稱其美夫能屈於一人之下則伸於萬乘之上者湯武是也願大王王漢中撫其民以致賢人收用巴蜀還定三秦天下可圖也帝從之都南鄭及項籍殺義帝高帝東伐蕭何常居守漢中足食足兵既定三秦蕭何鎮關中決其眾卒平天下以田叔為漢中守屬縣十二去洛一千九十一里叔既饋以軍餼又致名材立宮室帝嘉之後為魯相然以帝業所興不封藩王自叔之後世修文教有倣儻之士異人並挺鄧公抗言於孝景之朝以明忠枉之情張敖持以蒙險遠為孝武帝開綠邊之地賓沙越之國致大宛之馬入南海之象而車渠瑪瑙珊瑚琉璃琥珀水晶琉璃火浣之布蒲桃之酒筇竹筠醬殊方奇玩盈於市朝振揚威靈被於幽裔遂登九列杖節繡衣剖符博望谷口子真秉箕穎之操湛然岳立不營不求德聲薰流楊王孫應至人之概自建武以後羣儒修業開按圖緯漢之宰相當出坤鄉於是司徒李公屢登七政太傅子堅奕世論道其珪璋瑚璉之器則陳伯臺李季子申伯之徒文秀璋暉其州牧郡守冠蓋相繼於西州為盛蓋濟濟焉莽時公孫述據蜀跨有漢中當秦隴之徑每罹其害安帝永初二年陰平武都羌反入漢中殺太守董炳沒畧吏民四年羌復來太守鄭廔出屯褒中欲與羌戰王簿段崇陳禪以為但可堅守來虜乘勝其鋒不可當廔不從戰敗績崇與門下吏王宗原展及崇子勃兄子伯生力戰捍廔并命功曹程信素居守馳來赴難冒寇殞殞廔虜遂大盛天子乃拜已郡陳禪為漢中太守虜素憚禪更來盟結禪知攻守未可卒下而年荒民困乃矯詔赦之大小咸服既誅其亂首天子善之徙禪左馮翊太守程信怨恥乃結故吏冠蓋子弟嚴孽李容姜濟陳已曹廉勾矩劉旌等二十五人誓志報羌各募壯士豫結同死以待寇太守鄧成命信為五官掾等門下官屬元和二年羌復來已郡板楯救之信等將其士卒力奮討大破之信被八創二十五人戰死自是後羌不敢南向五年天子下詔褒歎信崇等賜其家穀各千斛宗展孽等家穀各五百斛列畫東觀每新太守到必先存問其家以羌畏

服陳禪拜禪子澄漢中太守漢末沛國張陵學道於蜀鶴鳴山造作道書自稱太清元元以惑百姓陵死子衡傳其業衡死子魯傳其業魯字公祺以鬼道見信於益州牧劉焉魯母有少容往來焉家初平中以魯為督義司馬往漢中斷谷道魯既至行寬惠以鬼道教立義舍置義米義肉其中行者取之量腹而已不得過多云鬼病之其市肆賈平亦然犯法者三原而後行刑學道不信者謂之鬼卒後乃謂祭酒巴漢夷民多使之其供通限出五斛米故世謂之米道扶風蘇固為漢中太守魯遣其黨張修攻固城固人陳調素遊俠學兵法固以為門下據說固守杆禦寇之術固不能用踰牆走投南鄭趙嵩高將俱逃賊盛固遣嵩求隱避嵩未還固又令鈴下偵賊賊得鈴下遂得殺固嵩痛憤仗劍直入調亦聚其賓客百餘人攻修戰死魯遂有漢中數害漢使焉上書言米賊斷道至劉焉子璋為牧時魯益驕恣璋怒建安五年殺魯母弟魯率巴夷杜叢朴胡亥約等叛為讐敵魯時使使漢朝亦慢驕帝室以亂不能征就拜中郎將漢甯太守不置長吏皆以祭酒為治民璋數遣龐義李思等討之不能克而巴夷日叛乃以義為巴西太守又遣楊懷高沛守關頭請劉先主討魯先主更襲取璋二十年魏武帝西征魯魯走巴中先主將迎之而魯功曹巴西閻圃說魯北降歸魏武贊以大事宜附託不然西結劉備以歸之魯勃然曰甯為曹公作奴不為劉備上客遂委質魏武魏武拜魯鎮南將軍封襄平侯又封其五子皆列侯時先主東下江安巴漢稽服魏武以巴夷王杜叢朴胡亥約為三巴太守留征西將軍夏侯淵及張郃益州刺史趙雲等守漢中遷其民於關隴二十四年春先主進軍攻漢中至定軍山卻顯來戰大為先主所破將軍黃忠斬淵顯首魏武帝復西征先主先主曰孟德雖來無能為也我必有漢川矣先主遂為漢中王將還成都當得重將以鎮漢中眾皆以必張飛張飛心亦自許先主乃以牙門義陽魏延為鎮遠將軍漢中太守先主大會群臣問延曰今安卿以漢中卿居之若何對曰若曹操舉天下而來請為大王拒之若偏將十萬而來請為大王吞之眾壯其言初魏武之留淵郃也以難筋示外人莫察惟王簿楊修知之故曰夫雞肋棄之如可惜食之無所得以比漢中也是後處蜀魏界固險重

守自丞相大司馬大將軍皆鎮漢中蜀平梁州治沔陽

大康中晉武帝子漢王迪受封更曰漢國郡但六縣 南鄭縣郡治周貞王十六年秦厲公城之有池水從早山來入沔大姓李鄭趙氏 沔陽縣州治有鐵官又有度水水有二源一曰清檢二曰濁檢有魚穴清水出鯽濁水出鮒常以二月八月取蜀丞相諸葛亮莖定軍山 褒中縣孝昭帝元鳳六年置本都尉治也山名扶水有唐公房祠也 城固縣蜀時以沔陽為漢城城固為樂城 蒲池縣 西鄉縣

魏興郡本漢中西城縣哀平之世縣民錫光字長冲為交州刺史徙交趾太守王莽篡位拒郡不附莽方有事海內未以為意尋值所在兵起遂自守更始即位正其本官世祖嘉其忠節徵拜為大將軍朝侯祭酒封鹽水侯後漢中數寇亂縣土獨存漢季世別為郡建安二十四年劉先主命宜都太守孟達從神歸北伐房陵上庸自漢中又遣副軍中郎將劉封乘沔水會達上庸以申耽弟儀為建信將軍西城太守達既降魏黃初二年文帝轉儀為魏興太守封鄖鄉侯蜀平遂治西城屬縣六戶萬去洛一千七百里土地險隘其人半楚風俗畧與荊州沔中郡同 西城縣郡治元康元年封越騎校尉蜀郡何攀為國公也 錫縣 安康縣 興晉縣晉置 鄖鄉縣本名長利縣 縣有鄖鄉 洵陽縣洵水所出

上庸郡故庸國楚與巴秦所共滅者也秦時屬蜀後屬漢中漢末為上庸郡建安二十四年孟達劉封征上庸上庸太守申耽稽服遣子弟及宗族詣成都先主拜耽征北將軍封鄖鄉侯仍郡如故黃初中降魏魏文帝拜耽懷集將軍徙居南陽省上庸并新城孟達誅後復為郡屬縣五戶七千去洛一千七百里

上庸縣郡治 北巫縣 安樂縣咸熙元年為公國封劉後主也 武陵縣 安富縣 微陽縣 晉書上庸郡有新陽縣 新城郡本漢中房陵縣也秦始皇徙呂不韋舍人萬家於房陵以其隘地也漢時宗族大臣有罪亦多徙此縣漢末以為房陵郡建安二十四年孟達征房陵殺太守蒯祺進平三郡與劉封不和封奪達鼓吹關羽圍樊城求助於封

達封達以新據山郡未可擾動為辭羽為吳所破殺達既忍封又懼先主見責遂拜書先主告叛降魏文帝善達姿才容貌以為散騎常侍建武將軍襲劉封封敗走達據房陵文帝合三郡為新城以達為太守後蜀丞相諸葛亮將北伐招達為外援故貽書曰嗟乎孟子度適者劉封侵凌足下以傷先帝待士之望慨然永歎每存足下平素之志豈虛托名載策者哉都護李嚴亦與書曰吾與孔明並受遺詔思得良伴吳王孫權亦招之達遂背魏通吳蜀表請馬弩於文帝撫軍司馬宣王以為不可許帝曰吾為天下主義不先負人當使吳蜀知吾心乃多與之過其所求明帝太和初達叛魏歸蜀時宣王死宛知其情乃以書喻之曰將軍昔棄劉備託身國家委將軍以疆場之任任將軍以圖蜀之事可謂心貫白日蜀人愚智莫不切齒於將軍諸葛亮欲相破惟苦無路耳模之所言 郭模亮洩孟達謀者 非小事也亮豈輕之而今宣露此殆易知耳達乃以書與亮曰宛去洛八百去此千二百里聞吾舉事當表上天子比相反復一月間也則吾城已固諸軍足辦則吾所在深險司馬公必不自來諸將來吾無患矣及兵到達又告亮曰吾起事八日而兵至城下何其神速也亮以其數反復亦不救遂為宣王所誅滅宣王分為三郡新城屬縣四戶二萬去洛一千六百里 房陵縣郡治有維山維水所出東入瀘 瀘字疑誤當作漢志新城郡有維水所出亦云東入瀘 沔鄉縣 昌魏縣 緩陽縣 右三郡漢中所分也在漢中之東故蜀漢謂之東三郡蜀時為魏屬荊州晉元康六年始還梁州山水艱阻有黃金子午馬聰建鼓之阻又有作道九君搏土作人處而其記及漢中記不載又不為李雄所據據識其大梗概未能詳其小委曲也

梓潼郡本廣漢屬縣也建安十八年劉先主自葭萌南攻州牧劉璋留中郎將南郡霍峻守葭萌城張魯遣將楊帛誘峻求共守城峻曰小人頭可得城不可得也帛退劉璋將向存扶禁由巴閬水攻峻峻餘不能克峻眾才八百人存眾萬計更為峻所破敗退走成都既定先主嘉峻功二十二年分廣漢置梓潼郡以峻為太守屬縣六戶萬去洛二千八百三十八里東接巴西西南接廣漢西接陰平北接漢中土地出金銀丹漆藥蜜也世有雋考人侔於巴

梓潼縣郡治有五婦山故蜀五丁士所拽地崩山處也有善板祠一曰亞子民歲上雷杼十枚歲盡不復見
云雷取去四姓文景雍鄧者也 涪縣去成都三百五十里水通于巴為蜀東北之要蜀時大將軍鎮之有石田本
稻田屏水出屏山其源出金銀鑛洗取火融合之為金銀陽泉出石丹大司馬蔣琬葬此大姓楊杜李人士多見
者舊傳也 晉壽縣本段萌城劉氏更曰漢壽水通于巴西又入漢川有金銀鑛民今歲歲洗取之蜀亦大將軍鎮之
漆樂蜜所出也大將軍費禕葬此山大姓葬此者多 白水縣有閬尉故州牧璋將楊懷高沛守也 廣漢縣
德陽縣 有劍閣道三十里至險有閬尉桑下兵民也

武都郡本廣漢西部都尉治也元鼎六年別為郡屬縣九戶萬去洛一千八百七十八里東接梓潼西接天水北接
始平土地險阻有麻田氏使多羌戎之民其人半秦多勇黠出名馬牛羊漆蜜有瞿堆百頃嶮勢氏使常依之為
叛漢世數征討之分徙其羌遠至酒泉燉煌其攻戰壘戍處所亦多建安二十四年先主遣將軍雷同吳蘭平之
為魏將曹洪所破殺魏益州刺史天水楊阜治此郡阜以濱蜀境移其氏使於汧雍及天水畧陽建興七年丞相諸
葛亮遣護軍陳戒伐之遂平武都陰平二郡還屬益州魏將夏侯淵張郃徐晃征伐常由此郡而蜀丞相亮及魏
延姜維等多從此出秦川遂荒無晉民其氏使楊漢屬魏魏遂置其郡屬蜀平屬雍州太康六年還梁州八年
氏使齊萬年反郡隴其寇晉民流徙入蜀及梁州永嘉初天水氏使楊茂搜率種人為寇保據其郡貢獻長安愍
帝以胡寇方盛欲懷來戎程拜驃騎將軍左賢王劉曜破長安丞相平昌公上隴據天水茂搜數饋平昌公拜茂搜
長子難敵征南將軍少子堅頭龍驤將軍種彊破東梁州南連李雄威服羌戎時平昌公為劉曜所破陳安
作賊于時并氏使如一國茂搜死敵堅代為主數歲曜自攻武都敵堅南奔雄至晉壽遣子為質又厚賂雄兄晉
壽守將稚曜不獲敵堅引還武都恃嶮驕慢攻走雄陰平太守羅演演稚勇也稚念惠白兄舍與雄求征之雄使舍
將稚數千人攻之時敵妻死葢于陰平舍稚征至下辦入武街城以深入無繼盡為氏使所破敵堅死子磐殺復

代為主按下辨縣名有赤亭咸康四年敵從弟初熬殺兄弟代為主迄今自茂搜父子之結據也通晉家及李雄劉曜石
勒石虎張駿皆稱臣奉貢受其官號所向用其官及其年號下辦縣郡治一曰武街 武都縣東漢水所出有天地
澤一本云上祿縣 故道縣 河池縣 泉街水入沮合漢也 沮縣河池水所出東狼谷也上祿故道二縣平
樂縣 脩成縣 嘉陵縣

陰平郡本廣漢北部都尉永平後羌虜數反遂置為郡屬縣四戶萬去洛二千三百四十四里東接漢中南接梓潼
西接隴西北接酒泉土地山嶮人民剛勇多氏使有黑白水羌紫羌胡虜風俗所出與武都畧同漢安帝永初二年
羌反燒郡城郡人退往白水會漢陽諸羌反溢入漢殺太守漢陽杜琦自稱將軍叛亂廣漢郡也段萌漢使御史
大夫唐喜討琦進討羌經年不下詔賜死更遣中郎將尹就討羌亦無功諸郡太守皆亡涪元初五年巴郡板楯軍
救漢中漢中大破羌乃退郡復治置助郡都尉劉先主之入漢中也第二郡不得建興七年諸葛亮始命陳戒
平之魏亦遂置其郡屬雍州自景谷有步道徑江由左儋行出涪鄧艾從之伐蜀元康六年還屬梁州永嘉末太
守王暨相暴郡民毛深左騰等逐出之相率降李雄晉民盡出蜀氏羌為楊俊搜所占 陰平縣郡治漢曰陰平
道也 甸氏縣有白水山徼外入漢 平武縣有關尉自景谷有步道徑江由左儋出涪鄧艾伐蜀道也劉主時置
義守號關尉 剛氏縣涪水所出有金銀鑛 右梁州

誤曰漢河彪炳靈光上照在天壁為雲漢於地畫為梁州而皇劉應之洪祚攸長蕭公之云不亦宜乎

蜀志

晉常璩著
蜀之為國肇於人皇與巴同囿至黃帝為其子昌意娶蜀山氏之女生子高陽是為帝嘗封其支庶於蜀世為侯伯
歷夏商周武王伐紂蜀與焉其地東接于巴南接于越北與秦分西奄岷嶓地稱天府原曰華陽故其精靈則并

絡垂耀江漢導流河圖括地象曰岷山之下為井絡帝以會昌神以建福夏書曰岷山導江東別為沱泉源深盛為四瀆之首而分為九江其寶則有璧王金銀珠碧銅鐵鉛錫楮堊錦繡麝犀象氈氍丹黃空青桑漆麻紵之饒滇獠賈僮僕六百之富其卦值坤故多斑綵文章其辰值未故尚滋味德在少昊故好辛香星應靈鬼故君子精敏小人鬼黠與秦同分故多悍勇在詩文王之化被乎江漢之域秦幽同詠故有夏聲也其山林澤漁園圃果瓜四時代孰靡不有焉有周之世限以秦巴雖秦王職不得與春秋盟會君長莫同書軌周失綱紀蜀先稱王有蜀侯蠶叢其目縱始稱王死作石棺石槨國人從之故俗以石棺槨為縱目人家也次王曰栢灌次王曰魚鳧魚鳧王田於浦山忽得仙道蜀人思之為立祠後有王曰杜宇教民務農一號杜宇時朱提有梁氏女利遊江源字悅之納以為妃移治郫邑或治瞿上七國稱王杜宇稱帝號曰望帝更名蒲甲自以功德高諸王乃以褒斜為前門熊耳靈關為後戶玉壘峨眉為城郭江潛綿洛為池澤以汶山為畜牧南中為園苑會有水災其相開明決玉壘山以除水害帝遂委以政事法堯舜禪授之義遂禪位于開明帝升西山隱焉時適二月子鵲鳥鳴故蜀人悲子鵲鳥鳴也巴亦化其教而力農務迄今巴蜀民農時先祀杜宇君開明位號曰叢帝叢帝生盧帝盧帝攻秦至雍生保子帝帝攻首衣雄張獠幾九世有開明帝始立宗廟以酒曰醴樂曰荆人尚赤帝稱王時蜀有五丁力士能移山舉萬鈞母王薨輒立大石長三丈重千鈞為墓志今石第是也號曰笮里未有謚列但以五色為主故其廟稱青赤黑黃白帝也開明王自夢廓移乃徙治成都周顯王之世蜀王有褒漢之地因獵谷中與秦惠王遇惠王以金一笥遺蜀王王報珍玩之物物化為土惠王怒群臣賀曰天承我矣王將得蜀土地惠王喜乃作石牛五頭朝馮金其後曰牛便金有養卒百人蜀人悅之使使請石牛惠王許之乃遣五丁迎石牛既不便金怒遣還之乃嘲秦人曰東方牧犢兒秦人笑之曰吾雖牧犢當得蜀也武都有一丈夫化為女子美而艷蓋山精也蜀王納為妃不習水土欲去王必留之乃為東平之歌以樂之無幾物故蜀王哀之乃遣五丁之武都擔土為妃作冢蓋地數畝高七丈上有石鏡今成都

北角武擔是也後王悲悼作史邪歌龍歸之曲其親埋作塚者皆立方石以志其墓成都縣內有一方折石圍可六尺長三文許去城北六十里曰毗橋旁有一折石亦如之長老傳言五丁士擔土擔也公孫述時武擔石折故治中從事任文公歎曰噫西方智士死吾其應之歲中卒周顯王二十二年蜀侯使朝秦秦惠王數以美女進蜀王感之故朝焉惠王知蜀王好色許嫁五女於蜀蜀遣五丁迎之還到梓潼見一大蛇入穴中一人覽其尾掣之不禁至五人相助大呼批蛇山崩時壓殺五人及秦五女并將從而山分為五嶺直頂上有平石蜀王痛傷乃登之因命曰五婦冢山川平石上為望婦塚作思妻臺今其山或名五丁冢蜀王別封弟葭萌於漢中號直侯命其邑曰葭萌馬直侯與巴王為好巴與蜀讎故蜀王怒伐直侯直侯奔巴求救於秦秦惠王方欲謀楚群臣議曰夫蜀西僻之國戎狄為鄰不如伐楚司馬錯中尉田直黃曰蜀有桀紂之亂其國富饒得其布帛金銀足給軍用水通於楚有巴之勁卒浮大船船以東向楚楚地可得得蜀則得楚楚亡則天下并矣惠王曰善周慎王五年秋秦大夫張儀司馬錯都尉墨等從石牛道伐蜀蜀王自於葭萌拒之敗績王逃走至武陽為秦軍所害其傳相及太子退至蓬鄉死於白鹿山開明氏遂亡凡王蜀十二世冬十月蜀平司馬錯等因取直與巴馬周報王元年秦惠王封子通國為蜀侯以陳壯為相置巴郡以張若為蜀國守戎伯尚強乃移秦民萬家實之三年分巴蜀置漢中郡六年陳壯反殺蜀侯通國秦遣度長甘茂張儀司馬錯復伐蜀誅陳壯七年封子惲為蜀侯司馬錯率巴蜀眾十萬大船舩萬艘米六百萬斛浮江伐楚取商於之地為黔中郡五年惠王二十七年儀與若城成都周迴十二里高七丈郫城周迴七里高六丈臨邛城周迴六里高五丈造作下倉上皆有屋而置觀樓射圃成都縣本治赤里街若徙置少城內城營廣府舍置鹽鐵市官并長丞修整里閭市張列肆與咸陽同制其築城取土去城十里因以養魚今萬歲池是也惠王二十七年也城北又有龍壩池城東有千秋池城西有柳池冬夏不竭其園圃因之平陽山亦有池澤蜀之漁畝之地也報王十四年蜀侯惲祭山川獻饋於秦秦文王惲後母害其寵加毒以進王王將嘗之後母曰饋從二

千里來當試之王與近臣近臣即斃文王大怒遣司馬錯賜劍使自殺憚懼夫婦自殺秦誅其臣郎中令嬰等二十七人蜀人蔣暉郭外十五年王封其子綰為蜀侯十七年聞暉無罪冤枉死使使入莖之郭內初則災旱三月後又霖雨七月車溺不得行喪車至城北門忽陷入地中蜀人因名北門曰咸陽門為蜀侯暉立祠其神有靈能興雲致雨水旱禱之三十年疑蜀侯綰反王復誅之但置蜀守張若因取筭及其江南地焉周滅後秦孝文王以李水為蜀守水能知天文地理謂汶山為天彭門乃至蒲氏縣見兩山對如關因號天彭關鬚髯若見神遂從水上立祠三所祭用三牲珪璧沈漬漢興數使使者祭之冰乃壅江作壩穿郫江檢江別支流雙過郡下以行舟船岷山多梓柏大竹賴隨水流坐致材木功省用饒又溉灌三郡開稻田於是蜀沃野千里號為陸海旱則引水浸潤雨則杜塞水門故記曰水旱從人不知饑饉時無荒年天下謂之天府也外作石犀五頭以厭水精穿石犀溪於江南命曰犀牛里後轉置犀牛二頭一在府市市橋門今所謂石牛門是也一在淵中乃自前堰上分穿辛摩江灌江西於玉女房下自涉郵作三石人立三水中與江神要水竭不至足感不沒肩時青衣有沫水出蒙山下伏行地中會江南安觸山脇瀾崖水脈漂疾破害舟船歷代患之冰發卒鑿平瀾崖通正水道或曰冰鑿崖時水神怒冰乃操刀入水中與神鬪至今蒙福變道有故蜀王兵關亦有神作大灘江中其崖嶄峻不可鑿乃積薪燒之故其處懸崖有赤白五色冰又通笮通汶井江徑臨邛與蒙溪分水白木江會武陽天社山下合江又導洛通山洛水或出瀑口經什邛別江會新都大渡又有綿水出紫巖山經綿竹入洛東流過資中會江陽皆溉灌稻田膏潤稼穡是以蜀川人稱郫繁曰膏腴綿洛為浸沃也又識齊水脈穿廣都鹽井諸陂池蜀於是盛有養生之饒焉漢祖自漢中出三秦伐楚蕭何發蜀漢米萬船而給助軍糧收其精銳以補傷疾雖王有巴蜀南中不賓也高祖六年始分置廣漢郡高后六年城勢道關青衣孝文帝末年以廬江文翁為蜀守穿濬江口溉灌繁田七百頃是時世平道治民物阜康承秦之後學校陵夷俗好文刻勒乃立學選更子弟就學遣高士張叔等十八人東詣博士受七經還以教授學徒鱗萃蜀學比於齊魯也漢亦立文學孝景帝嘉之今天下郡國皆立文學因翁倡其教蜀為之始也孝武帝皆徵入叔為博士叔明天文災異始作春秋章句官至侍中揚州刺史元光四年置蜀四部都尉元鼎二年置成都十八郭於是郡縣多城觀矣六年分廣漢置犍為郡元封元年分犍為置梓潼郡二年分梓潼置益州郡六年以廣漢西部蜀南郡為越雋郡北部冉龐為汶山郡功笮為沅黎郡合置二十餘縣天漢四年罷沅黎置兩部都尉一治旄牛主外羌一治青衣主漢民孝宣帝地節三年罷汶山郡置北部都尉時又穿臨邛蒲江鹽井二十所增置鹽鐵官蜀自漢興至於哀平皇德隆熙牧守仁明宣德立教風雅英偉之士命世挺生感於帝恩於是爾書文馳於斜谷之南玉帛踐乎梁益之鄉而西秀彥盛或龍飛紫閣允陟璿璣或盤桓利居經綸皓素故司馬相如耀文上京揚子雲齊聖廣淵嚴君平經德秉哲王子淵才高名雋李仲元湛然岳立林翁儒訓誥元遠何君公謨明弼諧王延世著勳河平其大楊杜何顯得意之徒恂恂焉斯蓋華岷之靈標江漢之精華也故益州刺史王襄悅之命王褒作中和頌令曹子作鹿鳴聲歌之以上孝宣帝帝曰此盛德之事朕何以堪之即拜為郎降及建武以後爰迄靈獻文化彌純道德彌臻趙志伯三遷台衡子柔兄弟相繼元輔司空張公宣融皇極太常仲經為天下材英廣陵太守張文紀號天下整理武陵太守杜伯持能決天下所疑王稚子震名華夏常茂尼流芳京尹其次張俊秦必英辯博通董扶楊厚究知天文任定祖訓徒同風洙泗其孝悌則有姜詩感物寤靈禽堅精動殊俗隗通石橫中流吳順赤烏來巢其忠貞則王皓隕身不傾朱遵絆馬必死王累懸頸州門張任守節故主其淑媛則有元常紀常程瑛及吳幾先絡郡之二姚殷氏兩女趙公夫人自時厥後龍宗有麟鳳集有異摺紳邵石之疇比肩而進世載其美是以四方述作有志者莫不仰其高風範其儀則擅名八區為世師表矣其忠臣孝子烈士貞女不勝詠述雖魯之詠洙泗齊之禮稷下未足尚也故漢徵八士蜀有四焉然秦惠文始皇克定六國輒徙其豪俠於蜀資我豐土家有鹽銅之利戶專山川之材居給人足以富相尚故工商致結駟連騎豪族服王侯美衣娶嫁設太牢之厨膳歸女有百兩

之徒車送莖必高墳瓦椽祭奠而羊豕夕牲贈槨兼加贈賻過禮此其所失原其由來染秦化故也若卓王孫家
僮千數程鄭各八百人而郗公從禽卷無行人簫鼓歌吹擊鐘肆懸富侔公室豪過田文漢家食貨以為稱首蓋
亦地沃土豐奢侈不期而至也

蜀郡州治屬縣五戶漢廿七萬晉六萬五千去洛三千一百二十里東接廣漢北接汶山西接漢嘉犍為州治大城
郡治少城西南兩江有七橋直西門郡江中沖治橋西南石牛門曰市橋下石犀所潛淵中也城南曰江橋南渡流
曰萬里橋西上曰夷里橋上曰笮橋橋從沖治橋西出折曰長昇橋郡江上西有永平橋長老傳言李冰造七橋上
應七星故世祖謂吳漢曰安軍宜在七星間城北十里有昇仙橋有送客觀司馬相如初入長安題市門曰不乘赤
車駟馬不過汝下也其郡西上有永平橋於是江眾多作橋故蜀立里多以橋為名按水經注沖治作沖里其大江自前堰下
至犍為有五津始曰白華津二曰里津三曰江首津四曰涉頭津劉璋時召東州民居此改曰東州頭五曰江南津
入犍為有漢安橋玉津東沮津津亦七始文翁立文學精舍講堂作石室一作玉室在城南永初後堂遇火太守陳
留高耿更修立又增造二石室州奪郡文學為州學郡更於夷里橋南岸道東邊起文學有女牆其道西城故錦官
也錦工織錦濯其中則鮮明濯他江則不好故命曰錦里也西又有車官城其城東西南北皆有軍營壘城其郡四
出大道道實二十里有衢今言十八里者昔蜀王女未嫁年二十亡王哀悼不忍言二十故言十八也王女墓在城
北今王女陌是也其太守著德垂績者前漢莫聞建武以來有弟五倫廉范叔度特垂惠愛百姓歌之曰廉叔度來
何暮來時我單衣去時重五袴其後漢中趙瑤自扶風太守來之郡司空張溫謂曰第五伯魚從蜀郡為司空今掃
吾第以待足下瑤與廣漢陳留高耿亦播文教太尉趙公初為九卿適子甯還蜀朕命為文學撰鄉俗記亦能屈士
如此廣漢王商犍為楊洪皆見詠懷及晉建西夷府太守多遷為西夷校尉亦遷益州刺史 成都縣郡治有十二
鄉五都尉漢戶七萬晉三萬七千名難治時廣漢馮顯為令而太守京兆劉宣不奉法令顯奏免之立文學學徒八百

人實戶口萬八千開稻田百頃治蹟尤異後有廣漢劉龐為令大姓恣縱諸趙倚公故多犯法漢陽太守趙子真父
子強橫龐治其罪莫不震肅郡民楊伯侯奢侈大起塚營因龐為郡令伯侯遂徙占成都龐復為成都豪右敬服有
蜀侯祠大姓有柳杜張趙郭楊氏豪富先有程鄭郭公後有郭子平奮豪楊伯侯兄弟 郡縣郡西北六十里冠冕
大姓何羅郭氏 繁縣郡北九十里有泉水溢田三張為甲族 江原縣郡西渡大江濱文井江去郡一百二十里
有青城山稱江祠安漢上下朱邑出好麻黃潤細布有羌筒盛小亭有好稻田東方常氏為大姓文井上有守捉三
十里上有天馬祠 臨邛縣郡西南二百里本有邛民秦始皇徙上郡實之有布濮水從濮來合文井江有火
井夜時光映上昭民欲其火光以家火投之頃許如雷聲火焰出通耀數十里以竹筒盛其光藏之可搜行終日不
滅也井有二水取井火煮之一斛水得五斗鹽家火煮之得無幾也有古石山有石礦大如蒜子火燒合之成流支
鐵甚剛因置鐵官有鐵祖廟祠漢文帝時以鐵銅賜侍郎鄧通通假民阜王孫歲取十足故王孫貨累巨萬億鄧
通錢亦盡天下王孫女文君能鼓琴時有司馬長卿者臨邛令王吉與之遊王孫家文君因奔長卿漢世縣民陳立
歷邑郡祥柯天水太守有異政陳氏劉氏為大姓冠蓋也 廣都縣郡西三十里九朔二年置有鹽井漁田之饒大
豪馮氏有魚池鹽井縣凡有小井十數所及魚田之饒江有魯漕梁山有鐵鑛江西有安稻田穿山崖過水二十里
漢時縣民朱辰字元燕為邑郡太守其著德惠辰卒官郡獲民北送及墓懷璧鼓刀辟踊感動路人於是墓所草
木頃許皆倣之曲折迄今蜀人莫不歎辰之德靈為之感應今朱氏為首族也成都市官本有長建武十八年省蜀
郡太康初屬王國改號曰成都內史王改封乃復舊

廣漢郡高帝六年置屬縣八漢戶十七萬晉四萬去洛三千九里南去成都百二十里西接汶山北接梓潼東接巴郡
本治繩鄉安帝永和中陰平漢中羌反元初二年移治後治雒城王莽改曰就都公孫述名曰子同益州以蜀郡
廣漢犍為為三蜀土地沃美人士俊又一州稱望然漢選蜀郡廣漢太守每重德高俊故前有趙護第五伯魚後有

蔡陳表章禮物殊於諸郡其太守著功德者有劉感孫賓蔡陳寵伯魚自郡徑遷司徒寵亦至三公而後諷尹睦鮮于定趙瑤皆公望也鮮鴻革卿佐也而許靖亦為上公及何祗常閭皆有梅望以處州中益州恆治此郡初平中益州牧劉焉自綿竹移雒縣城築關門云其地不王乃留孫修據之建安十八年劉先主自涪攻圍且一年軍師龐統中流矢死先主痛惜言則涕泣廣漢太守南陽張存曰統雖可惜違大雅之體先主怒曰統殺身成仁非仁者乎即免存官十九年牧雒城援襄陽馬良書詒諸葛亮曰承雒縣已下尊兄配業先國魄兆見安時州或治成都時復治雒為蜀淵府 雒縣郡治汎鄉有孝子姜詩田地宅姓族有鍾李郭翟氏 綿竹縣劉焉初所治綿與雒各出稻稼畝收三十斛有五五十斛漢時任定祖以儒學教號侔洙泗有多士秦杜為首族也 什邡縣山出好茶楊氏為大姓美田有鹽井 新都縣蜀以成都廣都新都為三都號名城有金堂山水通於巴漢時五倉名萬安倉有棗魚梁多名士有楊厚董扶又有四姓馬史汝鄭者也 五城縣郡東南有水通於巴漢時置五倉發五縣民尉部主之後因以為縣出龍骨云龍升其山值天門閉不達墮死於此後沒地中故掘取得龍骨 郫縣有山原田富國鹽井濮出好棗宜君山出麋尾持好入貢大姓王李氏又有高馬家世常部曲蜀時高勝馬泰皆叛伏誅 廣漢縣有山原田蜀時彭義有雋才晉世改號令德故二姓為甲族也 德陽縣有青石祠山原肥沃有澤漁之利士女貞孝望山樂水土地易為生事車騎將軍鄧芝雅有終焉之思後遂葬其山太守夏侯纂時古濮為功曹康古索氏為四姓大族之甲者也劉氏延熙中分廣漢四縣置東廣漢郡咸熙初省泰始末又分置新都郡太康省末年又置蜀王國蜀郡常憲為內史永嘉末勝

為都尉治南夷道元光五年郡移治南廣太初四年益州刺史任安城武陽孝昭元年郡治楚道後徙武陽至晉屬縣五戶二萬去洛三千二百七十里東接江陽南接朱提北接蜀郡西接廣漢王喬升其北山彭祖家其彭蒙白虎仁於廣德寶鼎見於江源綏和五年又上寶曆十六劉向以為美化所降用立辟雍而士多仁孝女姓貞專王莽改曰西順郡人不曾更始都南陽遠奉責職及公孫述有蜀郡拒守述伐之郡功曹朱遵逆戰眾寡不敵遵絆馬死戰遂為述所并而任君業閉戶費貽素隱光武帝嘉之曰士大夫之郡也郡去成都百五十里渡大江昔人作大橋曰漢安橋廣一里半每秋夏水盛斷絕歲歲修理百姓苦之建安二十一年太守南陽李嚴乃鑿天社山尋江通車道省橋三津吏民悅之嚴因更造趙府寺觀壯麗為一州勝宇二十四年黃龍見武陽赤水九日蜀以劉氏瑞應其太守漢興以來鮮有顯者 武陽縣郡治有王喬彭祖祠蒲江大堰灌郡下六門有朱遵祠山出鐵及白玉特多大姓有七陽五李諸姓十二也 南安縣郡東四百里治青衣江會縣既有名灘一曰雷垣二曰鹽灘李水所平也有相橋官社漢有鹽井南安武陽皆出名茶多陂池西有熊耳南有峨眉山去縣八十里孔子地圖言有仙藥漢武帝遣使者祭之欲致其藥不能得有四姓能宣謝審五大族楊費又有信士呂孟貞紀至行也楚道縣在南安東四百里拒郡百里高后六年城之治馬湖江會水通越舊本有楚人故秦紀言楚童之富漢民多漸斥徙之有荔支薑蒟濱江有兵欄後漢書注引本志云有五兵蘭疑兵欄 李水燒之崖有五色赤白映水元黃魚從楚來至此而止畏崖映水也有韓原素祠又有孝子隗通為母汲江喬水天為出平石生江中今石在馬湖江而孝子吳順養母赤鳥巢其門明容江出好磨石朋江多魚民失在於徵巫好鬼妖大姓吳隗又有楚石薛相者 牛鞞縣受新都江去郡三百里元鼎二年置相陽明鹽井程韓氏為冠蓋之族資中縣受牛鞞江也 江陽郡先有王延世著勳河平後有董鈞為漢定禮王董張趙為四族二縣在中多山田少種稻之地本犍為枝江都尉建安十八年置郡漢安程徵石謙白州牧劉璋求立郡璋聽之以都尉廣漢成存為太守屬縣四戶五千去洛

四千八十里東接巴郡南接梓潼西接廣漢隸為北接廣漢有荔枝巴菽桃枝筠給橙俗好文刻少儒學多樸野
 蓋天性也 江陽縣郡治江維會有方山蘭祠江中有大關小關李春黃龍堆沒關即平昔云世祖微時過江陽有
 一子望氣者曰江陽有貴兒氣王莽求之縣人殺之後世祖為子立祠謫江陽民不使冠帶者數世有富義鹽井又郡
 下百二十里者曰伯塗魚梁六伯氏女為塗氏婦造此梁四姓王孫程鄭八族又有魏趙先周也有荔枝巴菽桃枝筠
 給橙字與上文巴志
 序所稱菓蔓
 名大同小異 漢安縣郡東五百里土地雖迫山水特美好宜蠶桑有鹽井魚池以百數家家有馬一郡豐沃四姓
 程石姚郭八族張李趙董而程石傑立郡常東議論選之 符縣郡東二百里元鼎二年置治安樂水會東接巴
 蜀樂城南水通平羌懸縣永建元年十二月縣長趙社遣吏先尼和拜煨巴蜀守過成瑞灘死子賢求喪不得女絡
 年二十五適分金珠作二錦囊繫免頭下至二年二月十五日女絡乃乘小船至父沒所哀哭自沈見夢告賢曰至
 二十一日與父屍俱出至日父子浮出縣言郡太守蕭登高之上尚書遣戶曹掾為之立碑人為語曰符有先絡焚
 道張帛求其人天下無有其偶者矣按魏道黃帛張貞妻也沈
 身求貞事類此語乃云 新樂縣郡西二百八十里元康五年置西楚楚道
 有鹽井大姓魏呂氏

汶山郡本蜀郡北部冉駝都尉孝武元封四年置舊屬縣八戶二十五萬去洛三千四百六十三里東接蜀郡南接
 漢嘉西接梁州酒泉北接陰平有六夷羌胡羌虜白蘭峒九種之戎牛馬旄氈斑罽青頓氍毹羊毼之屬特多雜
 藥名香土地剛鹵不宜五穀惟種麥而多水寒盛夏凝凍不釋故夷人冬則避寒入蜀庸賃自食夏則避暑反落
 歲以為常故蜀人謂之作五百石子也宣帝地節元年武都白馬羌反使者駱武平之因拜越雋太守迎者如雲後
 蜀郡趙温亦著治績故王莽遣任貴為鎮戍大尹守之自建武後數叛章武三年越雋 粵大帥高定元稱王志睢
 遣都督李承之殺將軍梓潼焦璜破沒郡土丞相亮遣越雋太守龔祿住安上縣遙領太守安上去郡八百里有名
 而已建興三年蜀安南將軍馬忠率越雋郡夷剛狼皆鵠視忠率越雋太守張嶷將所領之郡誘殺蘇祈邑君

冬達及其弟隗渠等懷集種落感信尤著諸種漸服又斬斯都督即李承之首及手殺焦璜龔祿者也又討叛鄱降
 夷人安種落蠻夷率服疑始以郡邦宇類更築小鳩居之舊本記此段訛不可重敘姑
 考事之本末畧加整頓刻之 延熙二年乃還雋郡更城
 郡城夷人男女莫不致力興復七縣疑遷後復頗奸究雖有四部斯兒乃七營軍不足固守乃置赤甲北軍二牙門
 及斯兒督軍中堅衛夷微 卬都縣郡治因卬邑名也卬之初有七部後為七部營軍又有四部斯兒南山出銅有
 温泉穴冬夏熱其温可湯鷄豚下流治疾病餘多惡水水神護之不可污穢及沈亂髮照面則使人被惡疾一郡通
 云然 臺登縣有孫水一曰白沙江入馬湖水山有磐石火燒成鐵剛利禹貢厥賦磐是也又有漆漢末夷皆有之
 嶷取焉張嶷
 也 閬縣故卬人邑卬都接寒關今省 蘇示縣漢末夷王及弟隗渠數偕叛以服諸種張嶷先殺王
 弟隗渠又叛遁入西徼遣親信二人使嶷嶷知奸計以里賂使使殺渠渠死夷微肅清縣晉省 會無縣路通甯州
 渡瀘得住狼縣故漢人邑也今有漢人家不閉戶其穴多有碧珠人不可取之不祥有天馬河馬日千里後死
 于蜀莖江原小亭今天馬冢是也縣有天馬祠初民家馬牧山下或產駿駒云天馬子也今其天馬運厥迹存焉
 河中有銅船今以羊祀之可取河中見存土地時產犀牛山色青碧後漢書註引
 本志曰元馬 大竿縣漢末省也 定筰縣筰
 笮夷也汶山曰夷南中曰昆明漢嘉越雋曰笮蜀曰卬皆夷種也縣在郡西渡瀘水賓剛微白摩沙夷有鹽池積薪
 以齊水灌而後焚之成鹽漢末夷皆錮之張嶷往爭夷帥岑樂木不肯服嶷會檣殺之厚賞賜餘類皆安官迄有
 之北沙河是 三縫縣一曰小會無音三播音三播
 字疑誤 通道甯州渡瀘得蜻蛉縣有長谷石時平中有石豬子母數千
 頭長老傳言夷昔牧豬於此一朝豬化為石迄今夷不敢往牧於此 卑水縣去郡三百里水流通馬湖 潛溪
 縣漢末置晉初省 安上縣 馬湖縣水通燧道入江晉初省 右益州漢初統郡五後漸分建蜀郡及巴郡又分
 為五郡廣漢漢中隸為四郡又開益州五郡合二十五郡又甯州梁州建復增七郡蜀於是三州四十二郡一
 百九十六縣州州分後益州凡新舊郡九縣四十八戶夷晉二十二萬

漢魏叢書

漢曰蜀之為邦天文并絡繹其地理岷嶓鎮其域五岳則華山表其陽四瀆則汶江出其微故上聖則大禹生其鄉媾姻則黃帝婚其女顯族大賢彭祖育其山列仙王喬升其岡而寶鼎輝光於中流驪龍仁虎躍乎淵陵開闢及漢國富民殷府腐穀帛家蘊畜積雅頌之聲充塞天衢中林之詠侔乎二南蕃衍三州土廣萬里方之九區於斯為盛固乾坤之靈囿先王之所經緯也

南中志

晉常璩著

甯州晉泰始六年初置蜀之南中諸郡庾亮都督治也南中在昔蓋夷越之地滇濮句町夜郎葉榆桐師焉唐侯王國以十數編髮左社隨蕃遷徙莫能相雄長下永昌縣周之季世楚威王遣將軍莊跨沂沅水出且蘭以伐夜郎植祥柯繫船於是且蘭既克夜郎又降而秦奪楚黔中地無路得反遂留王滇池跨楚莊王苗裔也以祥柯繫船因名且蘭為祥柯國分候支章傳數百年秦并蜀通存人道置更王之漢興遂不賓有竹王者興於避水有一女子浣於水濱有三節大竹流入女子足間推之不肯去聞有兒聲取持歸破之得一男兒長養有才武遂雄夷狄氏以竹為姓捐所破竹於野成竹林今竹王祠竹林是也王與從人嘗止大石上命作羹從者曰無水王以劍擊石水出今王水是也破石存焉後漸驕恣武帝使張騫至大夏國見印竹蜀布問所從來曰吾賈人從身毒國得之身毒國蜀之西國今永昌是也騫以白帝東越攻南越大行王恢救之恢使番陽令唐蒙曉喻南越南越人食有蒟醬蒙問所從曰祥柯來蒙亦以白帝因上書曰南越地東西萬里名為外臣實一州主今以長沙豫章往水道多絕難行竊聞夜郎精兵可得十萬若從番禺浮船祥柯出其不意此制越之一奇也可通夜郎道為置更主之帝乃拜蒙中郎將發巴蜀兵千人奉幣帛見夜郎侯喻以威德為置更旁小邑皆貪漢繒帛以為道遠漢終不能有也故皆且聽命司馬相如亦言西戎印竹蜀之後園可置為郡帝既感印竹又甘蒟醬乃拜為中郎將往喻意皆聽命後西南夷數反發運興

役費甚多相如知其不易也乃假巴蜀之論以諷帝且以宣指便於百姓檄文在卒開棘門通南中相如持節開越舊按道侯韓說開益州武帝轉拜唐蒙為都尉開祥柯以重幣喻告諸種侯王侯王服從因斬竹王置祥柯郡以吳霸為太守及置越雋雋提益州四郡後夷濮阻城咸怨許竹王非血氣所生求立後嗣霸表封其三子列侯死配食父祠今竹王三郎神是也昭帝始元元年益州廉頭姑繒等二十四縣民反水衡都尉呂被奴募吏民及發健為蜀郡奔命擊破之後三歲姑繒復反都尉呂辟胡擊之敗績明年遣大鴻臚田廣明等大破之斬首捕虜五萬人獲畜產十萬餘頭富將中國封其渠帥亡波為句町王以助擊反者故也廣明賜爵邑成帝時夜郎王興與句町王禹漏卧侯愈更相攻擊帝使太中大夫張匡持節和解之句町夜郎王不服乃刻木作漢使射之大將軍王鳳薦金城司馬蜀郡陳立為祥柯太守何霸為中郎將出益州立既到郡單至夜郎召興與與邑君數千人來見立立責數斬興邑君皆悅服興妻父翁指與興子恥復反立討之威震南裔平帝末梓潼文齊為益州太守公孫述時拒郡不服光武稱帝以南中有義按漢書述據益土齊固守拒險述向齊妻子許以封侯終不降聞光武即位遣關平封齊成義侯益州西部金銀寶貨之地居其官者皆富及十世孝明帝初廣漢鄭純獨尚清廉毫毛不犯夷漢歌詠表薦無數上自三司下及卿士莫不歎賞明帝嘉之因以為永昌郡拜純太守章帝時蜀郡王章為益州太守治化尤異神馬四匹出滇池河中甘露降白鳥見始興文學漸遷其俗安帝永初中漢中陰平廣漢羌反征戰連年元初四年益州永昌越雋諸夷封離等反眾十餘萬多所殘破益州刺史張喬遣從事蜀郡楊疎將兵討之疎先以詔書告喻不從方畧滌討凡殺虜三萬餘人獲生口千五百人財物四千餘萬降赦夷三十六種舉劾貪貪長吏九十人黃綬六十人諸郡皆平疎以傷死故功不錄自是後少甯五十餘年迄靈帝熹平中蠻夷復反擁沒益州太守雍陟遣御史中丞朱龜將并涼勁兵討之不克朝議不能征欲依朱崖故事棄之太尉掾巴郡李翽獻陳方策以為可討帝乃拜翽益州太守與刺史龐芝伐之徵龜還顯將巴郡板楯軍討之皆破陟得生出後復更叛梓潼景毅為益州太守承喪亂後民夷困餓

吳鬼書

華陽國志

米一斗千錢皆離散殺至安集後米一斗八錢建安十九年劉先主定蜀遣安遠將軍南鄭方以朱提太守來降都督治南昌縣輕財果毅夷漢敬其威信方為先主問代於治中從事建寧李恢對曰西零之役趙充國有言莫若老臣先主遂用恢為都督治平夷縣先主薨後越雋更帥高定元殺郡將軍焦璜舉郡稱王以叛益州大姓雍闓亦殺太守正昂更以蜀郡張裔為太守闓假鬼教曰張裔府君如瓠壺外雖澤而內實粗殺之不可令縛與吳於是執送裔於吳吳王孫權適用闓為永昌太守遣故劉璋子闓為益州刺史處交益州際牂柯郡丞朱提朱褒領太守恣睢丞相諸葛亮以初遭大喪未便加兵遣越雋太守巴西龔祿住安上縣遙領郡從事蜀郡常頌行部南人以都護李嚴書既喻聞闓答曰愚聞天無二日土無二王今天下派分正朔有三遠人惶惑不知所歸其傲慢如此願至牂可收郡主簿考訊姦褒因然願為亂益州夷復不從闓使建寧孟獲說夷曰官欲得烏狗三百頭鷹前盡黑蝮腦三斗斷木構三文者三千枚汝能得不夷以為然皆從闓斷木堅剛性委曲高不至二丈故獲以欺夷建興三年春亮南征自安上由水路入越雋別遣馬忠伐牂柯李恢向益州以捷為太守廣漢王士為益州太守高定元自旄牛定笮卑水多為壘守亮欲俟定元軍眾集合并討之軍卑水定元部曲殺雍闓及士庶等孟獲代闓為主亮既斬定元而馬忠破牂司李恢敗於南中夏五月亮渡瀘進征益州生虜孟獲置軍中聞曰我軍如何獲對曰恨不相知公易勝耳亮以方務在北威也邊民長不為惡兵秋遂平四郡改益州為建寧以李恢為太守加安漢將軍領交州刺史移治味縣分建寧越雋置雲南郡以呂凱為太守又分建寧牂柯置興古郡以馬忠為牂司太守移南中勁卒青羌萬餘家於蜀為五部所當無前號為飛軍分其羸弱配大姓焦雍婁孟量毛李為部曲置五部都尉號五子故南人言四姓五子也以夷多剛狠不賓大姓富豪乃勸令出金帛聘策惡夷為家部曲得多者奕世襲官於是夷人貪貨物以漸服屬於漢成夷漢部曲亮收其後傑建寧蠻習朱提孟瑋及獲為官屬習官至領軍瑋輔漢將軍獲御史中丞出其金銀丹漆耕牛戰

馬給軍國之用都督常重用人李恢卒後以蜀郡太守健為張翼為都督翼持嚴法不得殊俗和夷帥劉曾反徵翼以馬忠為代忠未至翼修功戰方略資儲群下懼翼曰吾方臨戰場豈可以絀退之故廢公家之務乎忠至承以滅宵賈賜翼爵關內侯忠在南柔遠能通甚垂惠愛官至鎮南大將軍卒後南人為之報祠水旱禱之以蜀郡張表為代加安南將軍又以捷為楊羲為秦軍副貳之表後以南郡閭宇為都督南郡霍弋為秦軍弋甚善秦毗之禮遂代宇為監軍安南將軍撫和異俗為之立法施教輕重允當夷晉安之及晉世因仍其任時交趾不附假弋節還領交州刺史得以便宜選用長吏令官和解夷人及適罰之皆依弋故事弋卒子在龔領其兵和諸姓晉以巴西太守吳靜在官數年撫卹失和軍司鮮于嬰表徵靜還嬰因代之泰始六年以益州大分南中四郡為甯州嬰為刺史咸甯五年尚書令衛瓘奏兼并州郡太康三年罷甯州置南夷以天水李毅為校尉持節統兵鎮南中統五十八部夷族都監行事每常欲與南夷府人牛金旃馬動以萬計皆豫作恚恚致校尉官屬其供郡縣亦然南人以為饒自四姓子弟仕進必先經都監夷人大種曰昆小種曰叟皆曲頭木耳環鐵裹給無大侯王如汶山漢嘉夷也夷中有桀黠能言議屈服種人者謂之耆老使為王論議好譬喻物謂之夷經今南人言論雖學者亦半引夷經與夷為姓曰違耶諸姓為自有耶世亂犯法輒依之藏匿或曰有為官所法夷或為執仗與夷至厚者謂之百世違耶恩若骨肉為其通逃之數故南人輕為禍變恃此也其俗徵巫鬼好詛盟投石結草官常以盟詛要之諸葛亮乃為夷作圖譜先畫天地日月君長城府次畫神龍生夷及牛馬羊後畫部主吏乘馬備蓋巡行安卹又畫牽牛負酒齎金寶詣之象以賜夷夷人重之許致生口直又與瑞錦鐵券今皆存每刺史校尉至齎以呈詣動亦如之毅後承昌呂祥為校尉祥後數人李廣漢從雲南捷為郡守為校尉久之建寧太守巴西杜俊朱提太守梓潼雅約儒純無治政以賄成俊奪大姓鐵官令毛詵中郎李督部曲致說弟耐罪朱提大姓太中大夫李猛有才幹弟為功曹分當察舉而俊約受都尉雷達賂舉達子昭孝廉不禮猛猛等怨之大安元年秋詵督猛逐俊以叛猛遺之書曰昔魯侯失

道李氏出之天之愛民君師所治知足下追踵古人見賢思齊足下箕帚枉漸吾郡亦遂約應之作亂眾數萬殺討破之斬誅首獻走依違耶五蔡夷帥于陵承猛箋降曰生長遐荒不達禮教徒與李雄和光合勢雖不能營師五丈畧地涓濱冀北斷襄斜東據永安退考靈符晉德長久誠非狂夫所能干輒表革面歸罪有司殺惡其言遂誘殺之行部永昌從事江陽生辨上南中形勢七郡斗絕晉弱夷強加其土人屈寒應復甯州以相鎮慰冬十一月丙戌詔書復置甯州增統祥柯益州未提合七郡為刺史加龍驤將軍進封成都縣侯二年于陵承詣殺請恕督罪殺許之獻至羣下以為說獻破亂州土必殺之殺不得已許諾及獻死于陵承及說猛違耶怒扇動謀反奉建甯太守巴西馬恢為刺史燒郡偽發毅方疾作力出軍初以救恢及聞其情乃殺恢夷愈強盛破壤郡縣殺吏民會毅疾威軍連不利晉民或入交州或入永昌祥柯半亦為夷所困虜夷因攻圍州城毅但併力固孤城病篤不能戰討時李雄作亂益州而所在有事救援莫致毅上疏陳謝不能式遏寇虐疾與事遇使虜遊魂兵殺既單器械窮盡而求救無望坐待殄斃若必不垂矜憂乞請大使及臣尚存加臣重罪若臣已死陳屍為戮光熙元年春三月毅薨子釗任洛還赴到祥可路塞停住交州文武以毅女秀明達有父才遂奉領州事秀初通漢嘉太守廣漢王載載將家避地在南故共推之又以載領南夷龍驤秦軍秀與厲戰討食糧已盡人但茹草爰鼠為命秀伺夷怠緩輒出軍掩破首尾三年釗乃得達丁喪文武復逼釗領州府事毅故吏毛孟等詣洛求救至欲自刎懷帝乃下交州使救助之以釗為平寇將軍領南夷護軍遣御史趙濤贈毅少府諡曰威侯交州刺史吾彥遣子威遠將軍洛以援之朝廷以廣漢太守魏興王孫為南夷校尉甯州刺史代毅自永嘉元年受除四年乃至遙舉建甯董敏為秀才郡久無太守功曹周悅行郡事輕敏不下其板遂至怒殺悅悅弟秦臧長周曷合夷更謀以趙濤父混首為建甯有德惠欲殺遂樹濤避誅之并殺濤夷晉莫不惶懼表到為朱提太守治南廣禦雄時荒亂後倉無斗粟眾無一旅官民虛竭繩紀弛廢邈惡衣來食招集夷民夷徵厭亂漸亦返善勞來不怠數年克復以五茶夷昔為亂首圖討之未有致罪會夷發夜

郎莊王墓遜因此遂討滅之及討惡獠剛夷數千落威震南方官至平西安南將軍又兼益州刺史加散騎常侍封褒中伯而嚴猛太過多所誅鋤健為太守朱提雷焯流民陰貢平樂太守董霸破祥柯平夷南廣北降李雄建甯慶量與益州太守李易梁水太守董謹保興古槃以南叛雄遣叔父驥破越雋代甯州遂使督護雲南姚岳距驤於螳螂縣遠遜指授雖大破之驥不獲太興四年遜發病薨州人推中子堅領州事永昌元年晉朝更用雲陵太守南陽尹奉為甯州刺史南夷校尉加安西將軍奉威刑緩鈍政治不理咸和八年遂為雄弟壽所破獲南中盡為雄所有惟祥柯謝恕不為壽所用遂保郡獨為晉官至撫夷中郎將甯州刺史冠軍是咸咸和八年也

祥柯郡漢武帝元鼎二年開屬縣漢十七戶六萬及晉縣四戶五千去洛五十六百一十里郡上值天井故多雨獠俗好鬼巫多禁忌畚山為田無蠶桑頗尚學書少威儀多儒法實畜產雖有僮僕方諸郡為貧王莽更名祥柯曰同亭郡不服會公孫述時三蜀大姓龍傳尹童氏與功曹謝暹保郡聞漢世祖在河北乃遠使使由番禺江出奉貢漢朝世祖嘉之號為義郎明章之世母斂人尹珍字道真以生遐裔未漸庠序乃遠從汝南許叔重受五經又師事應世叔學圖緯通三材還以教授於是南域始有學焉珍以經術選用居尚書丞郎荆州刺史而世叔為司隸校尉師生並顯平夷傳寶夜郎尹貢亦有名德歷尚書郎長安令巴郡太守彭城相號南州人士郡特多阻嶮有延江霧赤煎水為池衛少有亂惟朱爰見誅其郡守垂功名者前有吳霸陳立後有漢中張亮則廣漢劉龍健為費詩巴西馬忠皆著勳烈晉元帝世太守建甯孟才以驕暴無恩郡民王清范朗逐出之刺史王遜怒分覽半為平夷郡夜郎以南為夜郎郡四縣 萬壽縣郡治有萬壽山沮本有鹽井漢末時夷民共詛盟不開今三郡皆無鹽 且蘭縣漢曰故且蘭有柱浦關也 按地道記 唐談縣母斂縣有剛火也

平夷郡晉元帝建興元年置屬縣二千戶 平夷縣郡治有硤津安樂水山出茶蜜 覽縣故健為郡城也不狼山出覽水入沅有野生辟可食大姓王氏 夜郎郡夜郎國也屬縣二千戶 夜郎縣郡治有避水通廣鬱林有竹

王三郎祠其有靈響也按漢書談指縣出丹注云有不津江有聲氣

晉甯郡本益州也元鼎初屬梓柯越漢武帝元封二年更及遣將軍郭昌討平之因開為郡治滇池上號曰益州漢屬縣二十四戶二十萬晉縣七戶萬去洛五十六百里司馬相如韓說初開得牛馬羊屬三十萬漢乃募徙死

罪及奸豪實之郡土太平故原田多長松皇有鸚鵡孔雀鹽池田漁之饒金銀畜產之富俗奢豪難撫御惟文齊王阜景毅李顯及南郡董和為之防檢後遂為善蜀建興三年丞相亮之南征以郡民李恢為太守改曰建甯治味縣甯州別建為益州郡後太守李暹恢孫也與前太守董暹建甯慶量共叛甯州刺史王遜表改益州為晉甯郡滇

池縣郡治故滇國也有澤水周迴二百里所出深廣下流淺狹如倒流故曰滇池長老傳言池中有神馬或交焉即生駿駒俗稱之曰滇池駒日行五百里水神祠祀亦有溫泉如越雋溫水又有白帽山山無石惟有帽也 同勞縣

同安縣 連然縣有鹽泉南中共仰之 健伶縣 母單縣 秦臧縣

建甯郡治故東降都督也也南人謂之也下屬縣晉太安二年分為益州平樂二郡合縣十三戶萬去洛五十六百三十九里有五部都尉四姓及霍家部曲 味縣郡治有明月社夷晉不奉官則官與共盟於此社也 升麻縣山

出好升麻有塗水按漢書為牧靡李奇曰靡音麻晉書建甯郡有牧麻 同樂縣大姓慶氏 穀昌縣漢武帝將軍郭昌討夷平之因名郭昌以威夷孝章時改為穀昌也 同賴縣按漢書地理道記曰賴山米水所出 雙柏縣 存馳縣雍閭反結壘於縣山繫馬柳柱生

成林今夷言無雍梁夷言馬也 昆澤縣 漏江縣九十里出蟻口 談彙縣有濮捺 冷邱縣有主捺 脩雲縣 新定縣

平樂郡元帝建興元年刺史劉建甯新定興遷二縣新立平樂三沮二縣合四縣為一郡後太守建甯董霸叛降李雄郡縣遂省甯州北屬雄復為郡以朱提李壯為太守朱提郡本犍為南部孝武帝元封二年置屬縣四建武後省為犍為屬國至建安二十年鄧方為都尉先主因易名太守屬縣五戶八十去洛五十三百里先有梓潼文齊初為屬

國穿龍池溉稻田為民興利亦為立祠大姓朱魯雷興仇逸高李亦有部曲其民好學演犍為號多士人為甯州冠冕 朱提縣郡治 螳螂縣因山名也出銀鉛白銅雜藥有螳螂附子 南秦縣自犍道南廣有八亭道通平夷

漢陽縣有漢水延江 南昌縣故都督治有鄧安遠城也 南廣郡蜀延熙中置以蜀郡常竺為太守蜀朝召竺入為侍中巴西令狐衷代之建武九年省元帝世刺史王遜移

朱提治郡南廣太守李釗數破雄殺賊大將樂初後刺史尹奉却郡還舊治及雄定甯州復置郡以興古太守朱提李播為太守屬縣四戶千自犍道至朱提有水步道道有黑水及羊官水至險難行步道度三津亦艱阻故行人

為語曰猶溪赤水盤蛇七曲盤羊鳥籠氣與天通看都漢泚住柱呼尹庾降賈子左儋七里又有牛叩頭馬搏坂其險如此土地無樞田蠶桑多蛇蛭虎狼俗妖巫惑禁忌多神祠 南廣縣郡治漢武帝大初元年置有鹽官 臨利

縣 常遷縣 新興縣 永昌郡古哀牢國哀牢山名也其先有一婦人名曰沙壹後漢作沙壹 依哀牢山下居以捕魚自給忽於水中觸一沈木

遂感而有娠度十月產子男十人後沈木化為龍出謂沙壹曰君為我生子今在手而九子驚走惟一小子不能去陪龍坐龍就而舐之沙壹與言語以龍與陪坐因名曰元隆猶漢言陪坐也沙壹將元隆居龍山下元隆長大才武

後九兄曰元隆能與龍言而點有智天所貴也共推以為王時哀牢山下復有一夫一婦產十女元隆兄弟妻之由是始有人民皆象之衣後着十尾臂脛刻文元隆死世世相繼分置小王往往邑居散在溪谷絕域荒外山川阻深

生民以來未嘗通中國也南中昆明祖之故諸葛為其國譜也孝武時通博南山度蘭滄水渚溪置舊唐不韋二縣徙南越相呂嘉子孫宗族實之因名不韋以彰其先人惡行人歌之曰漢德廣開不賓渡博南越蘭津渡蘭滄

為他人渡蘭滄水以取哀牢地哀牢轉哀至世祖建武二十三年王扈栗後漢作賢栗 遣兵乘單船南攻鹿多鹿多民弱小將為所擒會天大震雷疾風暴雨水為逆流單船沈沒溺死者數千人後扈栗復遣六王攻鹿多鹿多王迎戰

大破袁軍殺其六王袁軍人埋六王夜虎掘而食之袁軍人驚怖引去扈乘懼謂諸耆老曰袁軍暑微自古以來初不如此今攻鹿多輒被天誅中國有受命之王乎是何天祐之明也漢威甚神即遣使詣越雋太守願帥種人歸義奉貢世祖納之以為西部屬國其地東西三千里南北四千六百里有穿骨儋耳種閩越漢鳩獠其渠帥皆曰王孝明帝永平十二年袁軍抑根遣子奉獻明帝乃置郡以蜀郡鄭純為太守屬縣八戶六萬去洛六千九百里甯州之極西南也有閩漢鳩獠越躒獠身毒之民土地沃腴黃金光珠虎魄翡翠孔雀犀象蠶桑綿絹采帛文繡又有貂獸食鐵狸獸能言其血可以染朱罽有大竹名濮竹節相去一丈受一斛許有梧桐木其花柔如絲民績以為布幅廣五尺潔白不受汚俗名曰桐華布以覆亡人然後服之乃賣與人有蘭干細布蘭干獠言紵也織成文如綾錦又有蜀程帛疊水精瑠璃軻蟲蚌珠宜五穀山出銅錫太守著名績者自鄭純後有蜀郡張化常員巴郡沈稚黎彪然顯者猶鮮章武初郡無太守值諸郡叛亂功曹呂凱奉郡丞蜀郡王伉保境六年丞相亮南征高其義表曰不意永昌風俗乃爾以凱為雲南太守伉為永昌太守皆封亭侯李恢遷濮民數千落于雲南建寧界以實二郡凱子祥太康中獻光珠五百斤遷臨本郡遷南夷校尉祥子元康末為永昌太守值南夷作亂閩濮反乃南移永壽去故郡千里遂與州隔絕呂氏世官領郡於今三世矣大姓陳趙謝楊氏不韋縣故郡治 北蘇縣 哀牢縣 永壽縣今郡治 雋唐縣有周水從微外來 雍鄉縣 南詔縣有翡翠孔雀 博南縣西山高四十里越之得蘭滄水有金沙以火融之為黃金有光珠穴出光珠有虎魄能吸芥又有珊瑚

雲南郡蜀建興三年置屬縣七戶萬去洛六千三百四十三里本雲川地有熊倉山上有神鹿一身兩頭食毒草有上方方夷亦出華布孔雀常以二月來翔月餘而去土地有稻田畜牧但不蠶桑 雲南縣郡治 葉榆縣有河州州遂久縣有繩水按廣志曰有縹碧石有綠碧 棟棟縣有無血水水出連山 蜻蛉縣有鹽官濮水向出山有碧鷄金馬光影倏忽民多見之有山神漢宣帝遣諫議大夫蜀郡王褒祭之欲致雞馬褒道病卒故不宣著 其縣二別為郡

河陽郡刺史王遜分雲南置蜀縣四戶千 河陽縣郡治在河中源州上也

梁水郡刺史王遜分置在興古之盤南 梁水縣郡治有振山出銅 貴古縣采山出銀鉛銅鐵 西隨縣按地道記曰梁水西受微外東至

興古郡建興三年置屬縣十一戶四萬去洛五千八百九十里多鳩獠濮持有瘴氣自梁水興古西平三郡少穀有枕椰木可以作麵以牛酥酪食之人民資以為糧欲取其木先當祠祀 溫縣郡治元鼎二年置 律高縣西有石

空山出錫東南有瞿町山出錫 鐘封縣有溫水 句町縣故句町王國名也其置自漢王姓母漢時受封迄今

漢興縣 勝休縣有河水也一本云河水從廣百四十里深數十丈道地記曰水東至母投入橋水 唐都縣故名雲夢縣

西平郡刺史王遜時蠻量保盤南遜出軍攻討不能克及遜薨後寇掠州下吏民患之刺史尹奉重募徵外夷刺殺量而誘降李邊盤南平奉以功進安西將軍封遷陵伯乃割興古雲南之盤江來如南零三縣為郡 右甯州統郡

十四縣六十八

咸熙元年吳交趾郡吏呂興殺太守孫靖內附魏拜興安南將軍時南中監軍霍弋表遣建甯蠻谷為交趾太守率牙門將軍建甯董元毛晃孟幹孟通蠻熊李松王素等領部曲以討之谷未至興已為功曹李統所殺泰始元年谷等徑至郡撫和初附無幾谷卒晉更用馬忠子融代谷融卒遣健為楊稷代之加綏遠將軍又進諸牙門皆雜號將軍封吳侯交州刺史劉峻大都督修則領軍三攻稷皆為稷所敗鬱林九真皆附稷表遣將軍毛晃董元等攻合浦戰于古城大破吳軍殺峻則稷因表吳為鬱林太守元為九真太守元病亡更以益州王素代之數攻交州諸郡泰始七年春吳王孫皓遣大都督許瑁交州刺史陶璜帥二十萬軍興扶嚴惡夷合十萬伐交趾稷遣吳及將軍建甯孟岳等禦之戰于封溪眾寡不敵吳等敗績僅以身還交趾固城自守破敗之後眾纔千人并新附可有四千男女萬餘口陶璜圍之杜塞蹊徑救援不至雖班量約食猶不供繼至秋七月城中食盡病餓死者大半交趾人廣

野將軍王約反應陶璜以梯援外吳人遂得入城得稷等皆囚之即斬稷長史張登將軍孟通及吳并交趾人邵暉等二千餘人受皓詔傳稷林陵故皓稷及孟幹夔熊李松四人于吳通四遠消息稷至合浦發病嘔血死傳首林陵棄其屍喪於海幹松熊至吳將加斬刑或說皓宥免幹等可以勸遣將皓原之欲徙付臨海郡初稷等私誓不能死節困辱虜手若蒙未死必當思求北歸稷既路死幹等恐北路轉遠以吳人愛蜀側竹弓弩言能作之皓轉付部為弓工九年幹自吳逃返洛陽松熊為皓所殺初晉武帝以稷為交州刺史大封半道稷城陷或傳降故不錄幹至表狀乃追贈交州刺史封松熊後嗣侯焉古城之戰毛吳手殺修則則子允隨陶璜璜以吳壯勇欲赦之而允必欲求殺吳吳亦不屈於璜璜怒乃裸身囚結面縛呵曰晉兵賊吳亦列聲呵曰吳狗何等為賊吳人生割其腹允割其肝罵曰虜腹吳罵不斷曰尚欲斬汝孫皓汝父何死狗也吳人斬之武帝聞而哀矜即詔吳子襲爵封諸子三人關內侯九真太守王素以交趾敗與董元牙門王承等欲還南中為陶璜別將衛濮所獲功曹李祚見交趾民殘害還遂率吏民保郡為晉祚舅黎見為吳將攻伐祚不下數遣人解喻降之祚答曰舅自吳將祚自晉臣惟力是視矣邵暉子循先為父使詣洛拜奉車都尉北還暉敗亡循依祚固守求救南中南中遣為之援諸姓得世有部曲弋遣之南征固以功相承也

誤曰南域處印笮五夷之表不毛閩濮之鄉固九服之外也而能開土列郡爰建方州踰博南越蘭滄遠撫西垂漢武之跡可謂大業然要荒之俗不與華同安邊撫遠務在得才故高祖思猛士作歌孝文想頗牧咨嗟斯靜禦之將信王者所詳擇也馬霍王尹得失之際足以觀矣交趾雖異州部事連南中故并志焉

晉常璩著

先王命史立典遠則經紀人倫三才炳煥品物章矣然而有志之士猶敢議論於鄉校之下留菟之人加之謠誦於

林野之中管閩贅言君子有採所以綜核羣善休風惟照也公孫述劉二牧主之廢興存亡漢書國志固以詳矣統之州部物有條貫必申斯篇者格之前憲左氏素臣之功王侯之載籍也而八國之語作焉五傳淵邃大義洋洋聖人之微言也而八覽之書興焉苟在宜稱雖道同世出一事身見遊精博志無嫌其繁矣

漢十二世孝平皇帝祚短促國統三絕孝元后兄子安漢公新都侯魏郡王莽篡盜稱天子改天下郡守為又改蜀郡為導江遷故中散大夫茂陵公孫述字子陽為導江卒正治臨邛而劉辟起兵廣漢更始劉聖公在南陽蜀欲應之會宗成垣副王岑等作亂述率吏民拒禦之所在討破作圍守防遏逸越斬首萬計遂據成都威有巴漢政治嚴刻民不為非更始誅王莽都關中為赤眉賊所敗建武元年世祖光武皇帝即位河北述夢人謂已曰公子

系後漢作八十二為期述以語婦婦曰朝聞道夕死尚可況十二乎會夏四月龍出府殿前以為瑞應述遂稱皇帝號大成建元龍興以莽尚黃乃服色尚白自以興西方為金行也以功曹李熊為大司徒巴郡任滿為大司空弟恢為太尉具置百官造十層赤樓射蘭改益州為司隸蜀郡為成都尹時世祖方平河北而荆邯延牙並歸述盡有益州置鐵錢官廢銅錢百姓貧貴不行蜀中童謡曰黃牛白腹五銖當復謂莽黃牛述為白腹五銖漢錢言漢當復也故主簿李隆後漢作張隆常少數諫述歸帝稱藩述不納天水隗囂亦據隴連述蜀土清晏述乃移檄中國稱引圖緯

以惑眾世祖報曰西狩獲麟識曰乙子卯金即乙未歲授劉氏非西方之守也光廢昌帝立子公孫即霍光廢昌邑王立孝宣帝也黃帝姓公孫自以土德君所知也漢家九百二十歲以蒙孫亡受以丞相其名當塗高高豈君身也按後漢書曰代漢者當塗高若豈高之身耶又按東觀記載帝與述書曰承赤者黃也姓當塗其名高吾自繼祖而興不稱受命求漢之斷莫過王莽近張滿作惡兵圍得之歎曰為天文所誤恐君復誤也又使述舊交馬援喻述述不從荆邯說述曰昔湯以七十里王天下文王方百里臣諸侯其次漢祖敗而復征傷痍復戰故能擒秦亡楚以弱為強況今地方數千杖戟百萬天下之心未有所歸不東出荆門北陵關隴與之進取則王業不全子孫不久安也述悅之乃出軍荆門陳倉欲震盪秦楚多改易郡

縣分封子弟淫恣過度然國富民殷戶萬餘萬世祖未遑加兵與述及隗囂書輒署公孫皇帝七年嘗背漢降述述封為王厚資給之十年世祖命大司馬吳漢與大司徒鄧禹討囂平隴右述聞而惡之城東素有秦時空倉述更名白帝倉使人宣言白帝倉暴出米巨萬公卿以下及國人就視之無米述曰倉去此數里虛妄如此按後漢本傳述復如此矣隗王在數千里外言破壞真不然矣十一年世祖命征南大將軍岑彭自荆門伊江征述又遣中郎將來歙及述舊交馬援奉詔喻述少諫令服從述怒曰自古未有降天子乎尚書解文卿大夫鄭文伯初亦諫述繫之暴室六年二子幽死自是莫有言者彭破述荆門關及沔關徑至彭亡述使刺客殺彭由是改彭亡曰平無言無賊也又使刺客殺歙於武都世祖重遣吳漢與劉尚征述又遣臧宮從斜谷道入述使妹婿延牙距宮大司徒謝豐距漢連戰出北漢到城下軍其江橋及其少城豐在廣都牙引還成都述謂曰事當奈何牙對曰男兒貴死中求生敗中求成無愛財物也述乃大發金帛開門募兵得五千餘人以配牙牙告漢戰因偽遣鼓角麾幟渡市橋漢兵爭觀牙因放奇兵擊漢大破之漢溺水緣馬尾至盎底得出後宮兵已至北門述復城守占書曰虜死城下述以為漢等是虜乃自出戰之當漢牙當宮大戰牙殺宮兵數百三合三勝士卒氣驕漢益鼓之自旦至日中饑不得食倦不得息日昃後述兵敗漢騎士高平以戟刺述中頭即墜馬叩心者數十人都知是述前取其首牙等悵然還城吏民窮急即夜開門出降漢盡誅公孫氏及牙等諸將帥二十餘人放兵大掠多所殘害是歲十二年也漢搜求隱逸旌表忠義以述臣常少李隆忠諫發憤病死表更遷葬贈以漢卿官屬蜀郡王皓王嘉廣漢李業劉首死節表其門閭捷為未遵紳馬死戰贈以將軍為之立祠賜貽任永君業馮信等閉門素隱公車特徵文齊守義益州封為列侯董鈞習禮明經貢為博士程烏李育本有才幹權而用之於是西土宅心莫不嚮義建武十八年刺史郡守撫郵失和蜀郡史歆怨吳漢之殘掠蜀也擁郡自保世祖以天下始平民未忘兵而歆唱之事宜必克復遣漢平蜀多行誅戮世祖諫讓於漢漢深陳謝自是守藩供職自建武至于中平垂二百載府盈西南之貨朝多華氓之士矣

漢二十二世孝靈皇帝政治衰缺王室多故太常劉焉字君郎江夏竟陵人漢魯恭王之裔建議言刺史太守貨賂為官割剝百姓以致離叛可選清名重臣以為牧伯鎮安方夏焉內求州牧以避世難侍中廣漢董扶私謂焉曰京都將亂益州分野有天子氣焉惑之意在益州會刺史河南郗儉賊繁擾流言遠聞而并州刺史張壹按蜀書壹作益涼州刺史耿鄙焉議得行漢帝將徵儉加刑以焉為監軍使尋領益州牧董扶亦求為蜀西部都尉太倉令巴郡趙韙去官從焉中平元年涼州黃巾逆賊馬相趙祗等聚眾綿竹殺縣令李升募疲役之民一二日中得數千人遣王饒趙播等進攻洛城殺刺史儉并下蜀郡捷為旬月之間破壞三郡相自稱天子眾以萬數又別破巴郡殺太守趙韙部州從事費龍素領家兵在捷為之青衣率吏民攻相破滅之州界清淨龍乃選吏卒迎焉焉既到州移治綿竹撫納離叛務行小惠時南陽三輔民數萬家避地入蜀焉恣饒之引為黨與號東州士遣張魯斷北道枉誅大姓巴郡太守王咸李權等十餘人以立威刑前後左右部司馬擬四軍統兵位皆二千石漢獻帝初平二年捷為太守任岐與費龍惡焉之陰圖異計也舉兵攻焉燒成都邑下焉禦之東州人多為致力遂克岐龍焉意漸盛乃造乘輿車服千餘僭擬至尊焉長子範為左中郎將仲子誕治書御史李子璋奉車都尉皆從獻帝都長安惟叔子別部司馬瑁隨焉焉聞相者相陳留吳懿妹當大貴為瑁聘之荆州牧山陽劉表上焉有子夏在西河疑聖人論帝遣璋曉喻焉焉留璋不遣反四年征西將軍馬騰自郿與焉通謀襲長安治中從事唐漢王商亟諫不從謀泄範受誅議郎河南龐參以通家將範誑諸子入蜀而天火燒焉車乘蕩盡延及民家興平元年焉徙治成都既痛二子又感秋災疽發背卒州帳下司馬趙韙治中從事王商等貪瑁溫仁共表代又京師大亂不能更遣天子除瑁監軍使者領益州牧以韙為征東中郎將率眾劉表

瑁字季玉既襲位懦弱少斷張魯稍驕於漢中巴夷杜濩朴吳表約等叛詣魯瑁怒殺魯母弟遣和德中郎將龐參討魯不克巴人日叛乃以參為巴郡太守屯閬中禦魯魯以宜須兵衛輒召漢昌實民為兵或構參于瑁瑁與之情

好携隙趙建諫不從亦甚恨也建安五年趙建起兵數萬將以攻璋璋逆擊之明年建敗義懼遣使程郁宣旨於郁父漢昌令畿索益實兵畿曰郡合部曲本不為亂縱有讒說要在盡誠遂懷異志非所聞也義令郁重往畿曰我受牧恩當為盡節汝自郡吏宜念効力不義之事莫有二意義恨之使人告曰不從太守家將及禍畿曰昔樂羊會子非無父子之恩大義然也今雖美子畿飲之矣義乃厚謝於璋璋善畿遣為江陽太守十年璋聞曹公將征荆州遣中郎將河內陰溥致敬公表加璋振威將軍兄瑁平寇將軍十二年璋復遣別駕從事蜀郡張肅送使兵三百人并雜御物公辟肅為掾拜廣漢太守十三年仍遣肅弟松為別駕詣公時已定荆州遣劉主不存禮松加表望不足但拜趙焉比蘇令松以是怨公會公軍不利兼以疫病而劉主尋取荆州松還疵毀曹公勸璋自絕因說璋曰劉豫州使君之肺腑更可與通時扶風法正字孝直留客在蜀不見禮恨望松亦以身抱利器付璋不足與有為常與正竊歎息松舉正可使交好劉主璋從之使正將命正作為不得已行又遣正同郡孟達將兵助劉主守禦前後賂遺無限十六年璋聞曹公將遣司隸校尉鍾繇代張魯有懼心松進曰曹公兵強無敵天下若因張魯之資以向蜀土誰能禦之者乎璋曰吾固憂之而未有計松對曰劉豫州使君之宗室而曹公之深讎也善用兵使之伐魯魯必破破魯則益州疆曹公雖來無為也且州中諸將龐羲李異等皆恃功驕豪欲有外意不得豫州則敵攻其外民叛於內必敗之道也璋然之復遣法正迎劉先主主簿巴西黃權諫曰左將軍有號名今請到欲以部曲遇之則不滿其心欲以客賓待之則一國不容二君客有太山之安則主有累卵之危璋不聽從事廣漢王果倒懸於州門以死諫璋璋一無所納正既宣旨陰獻策曰以明將軍之英才棄劉牧之懦弱張松之股肱以響應於內然後資益州之富為天府之險以此成帝業猶反手也劉主大悅乃留軍師中郎將諸葛亮將軍關羽張飛鎮荆州率萬人沂江西上璋初勅所在供奉入境如歸劉主至巴郡巴郡嚴顏村心歎曰此所謂獨坐窮山放虎自衛者也劉主由巴水達涪璋在見之松復令正白劉主曰今因此會便可執璋則將軍無用兵之勞坐定一州也軍師中郎將襄陽龐

統亦言之劉主曰此大事也初入他國恩信未着不可倉卒歡飲百餘日璋推劉主行大司馬司隸校尉劉主推璋行鎮西大將軍領牧如故益劉主兵使伐張魯又令督白水軍併三萬軍車甲精實而別璋遠州劉主次葭萌厚樹恩德以收眾心十七年曹公征吳吳主孫權呼劉主自救劉主貽璋書曰孫氏與孤本為唇齒今樂進在清泥與關羽相距不往赴救進必大克轉侵州界其憂有甚於魯魯自守之賊不足慮也求益萬兵及資實璋但許四千他物半給張松書與劉主及法正曰今大事垂可立如何釋此去乎松兄廣漢太守肅懼禍及己白璋露松謀璋殺松劉主歎曰君矯殺吾內王乎嫌隙始構璋勅諸關守不內劉主龐統說曰陰選精兵晝夜兼行徑襲成都璋既不武又無素豫一舉而定此上計也揚懷高沛璋之名將各仗強兵據守關頭數有賊諫璋遣將軍還將軍遣與相聞說當東歸並使速裝二子既服將軍名又嘉將軍去必乘輕騎來見將軍因此執之進取其兵乃向成都此中計也退還白帝連引荆州徐還圖之此下計也劉主跋其中計即斬懷等遣將黃忠卓膺魏延等勒兵前行梓潼令南陽王連固城堅守劉主義之不逼攻也進據涪城置酒作樂謂龐統曰今日之會可謂樂矣統對曰伐人之國而以為歡非仁者也劉主曰武王伐紂前歌後舞豈非仁也統退出劉主尋請還謂曰向者之談阿誰為失統曰君臣俱失十八年璋遣將劉瓚冷苞張任鄧賢吳懿等拒劉主於涪皆破敗還保綿竹縣令懿詣軍降拜討逆將軍初劉主之南伐也廣漢鄭度說璋曰左將軍懸軍襲我眾不滿萬百姓未附野穀是資計莫若驅巴西梓潼民內涪水以南其倉廩野穀一皆燒除高壘深溝以待之彼請戰不許久無所資不過百日必禽矣先主聞而惡之法正曰璋終不能用無所憂也璋果謂羣下曰吾聞據敵以安民未聞動民以避敵絀度不用故劉先主所至有資進攻綿竹璋復遣護軍南陽李嚴江夏費觀等督綿竹軍嚴觀率眾降同拜裨將軍進圍璋子循於雒城十九年關羽統荆州事諸葛亮張飛趙雲等沂江降下巴東入巴郡巴西趙雲拒守張飛攻破之獲將軍嚴顏謂曰大軍至何以不降敢逆戰顏對曰卿等無狀侵奪我州我州但有斷頭將軍無降將軍也飛怒曰韋去砍頭顏正色曰砍頭便砍何為怒也

飛義之引為賓客趙雲自江州分定江陽捷為飛攻巴西亮定德陽巴西功曹襲謀迎飛璋帳下司馬蜀郡張裔距亮敗于柏下裔退還夏劉主克雒城與飛等合圍成都而偏將軍扶風馬超率眾自漢中請降劉主遣建寧督李恢迎超超徑至璋震怒所署蜀郡太守汝南許靖踰城出降璋知不敢誅被圍數十日城中有精兵三萬穀支二年眾咸欲力戰璋曰父子在州二十餘年無恩德以加百姓攻戰三年肌膚草野以璋故也何以能安遂遣張裔奉使詣劉主主許裔禮其君而安其民劉主又遣從事中郎涿郡簡雍說璋璋素雅敬雍遂與同輿而出降吏民莫不歔歔泣涕劉主復其所佩振威將軍印綬還其財物遷璋于南郡之公安吳主孫權之取荊州也以璋為益州刺史劉主東征璋還吳卒也

譏曰公孫述籍導江之資值王莽之虐民莫援者得跨巴蜀而欺天罔物自取滅亡者也然妖夢告終期數有極奉身歸順猶可以免而於愚遂非何其頑哉劉馬器非英傑圖射僥倖璋才非人雄據土亂世其見奪取陳子以為非不幸也皆齊侯嗤晉魯之使旅蒙易乘之困魏君賤公叔之侍人亦受割地之辱量才懷遠誠君子之先畧也觀劉璋曹公之侮慢法正張松二憾既徵同怨相濟或家國覆亡或三分天下古人一饋十起輟沐揮洗良有以也

劉先主志

晉常璩著

先主諱備字元德涿郡涿縣人漢景帝中山靖王勝後也勝子貞元狩六年封涿縣陸城亭侯因家焉祖父雄察孝廉為東郡范令父宏早亡先主幼孤其母販履織席自業舍東南有桑樹生高五丈餘遙望童童如車蓋人皆異之或謂當出貴人先主少時與宗中諸兒戲於樹下言吾必乘此羽葆蓋車叔父子敬謂曰汝勿妄言滅吾門也年十五母遣行學與宗人劉德然逢西公孫瓚俱事故九江太守同郡盧子幹德然父元起常資給先主與德然等元起妻曰各自一家何能常爾起曰宗中有此兒非常人也而瓚深與先主善瓚年長先主兄事之喜狗馬音樂

美衣服長七尺五寸垂臂下膝顧自見耳能下人喜怒不形於色善交結豪俠年少爭附之中山大商張世平蘇雙等見而奇之多與之金先主由是得合從眾河東關羽雲長同郡張飛翼德並以壯烈為之禦侮先主與二子寢則同牀食則共器恩若弟兄然於稠人廣眾中侍立終日中平元年從校尉鄒靖討黃巾賊有功除安喜尉求謁督郵不得乃入縛執之杖二百以綬繫督郵頭頸着馬柳柱委官亡命頃之應大將軍何進募有功除下密丞復為高堂尉遷為令璣為中郎將表先主為別部司馬拒冀州牧袁紹數有戰功守平原令進領平原相郡民劉平恥為之下使客刺之客服其德告之而去北海相魯國孔融為黃巾賊所圍使太史慈求救於先主先主曰孔文舉聞天下有劉備乎以兵救之廣陵太守下邳陳登元龍太尉球孫也有雋才輕天下士謂功曹陳矯曰閨門雍穆有行吾敬陳元方父子冰清玉潔有德有言吾敬華子魚博聞強識奇偉卓犖吾敬孔文舉雄姿傑出有王霸之畧吾敬劉元德名器畫此徐州牧陶謙表先主為豫州刺史徐州牧陶謙病篤謂別駕東海糜竺曰非劉備不能安此州也謙卒竺率州人迎先主先主未許廣陵太守下邳陳登進曰今漢室陵遲海內傾覆立功之事在於今日鄙州殷富戶口百萬欲屈使君撫臨州事先主曰袁公路近在壽春此君四世五公海內所歸可以州與之登曰公路驕豪非治亂之主今欲為使君合騎步騎十萬上可以匡王濟民成五霸之業下可以割地守境書功於竹帛若使君不見聽許登亦未敢聽使君也北海相孔融謂先主曰表術豈憂國忘家者也家中枯骨何足介意今日之事百姓與能天與不取悔不可追先主遂領徐州牧建安元年曹公表為鎮東將軍封宜城亭侯先主與袁術相拒而下邳守將曹豹叛為呂布所敗先主失妻子轉軍海西糜竺進妹為夫人及奴客二十金銀寶物資之先主因而獲振連和於布布還其妻子先主眾萬餘移軍小沛布惡之自攻先主先主歸曹公以為豫州牧益其軍使伐布失利布將高順復虜先主妻子送布公使夏侯惇助先主不能克三年公自征布生禽之布曰使布為明公將騎天下不足定也公有疑色先主曰公待布能如丁建陽董太師乎公領之布曰先主曰大耳兒最巨信者也遂殺布先主還得妻子從公還許為左將軍公禮之

其重出則同輿坐則同席又拜關羽張飛皆中郎將公謀臣程昱郭嘉勸公殺先主公慮失英豪望不許袁術自淮南欲經徐州北就袁紹獻帝舅車騎將軍董承受命衣帶中密詔當殺公承先與先主及長水校尉中郎將將軍吳子蘭王子服等同謀以將行未發公從容謂先主曰天下英雄惟使君與操本初之徒不足數也先主方食失匕箸會天震雷先主曰聖人言迅雷風烈必變良有以也一震之威乃至於此也公亦悔失言先主還沛解公使覘之見其方披葱使斲人為之不端正舉仗擊之公曰大耳翁未之覺也其夜先主急東行昱嘉復言之公馳使追之不及先主遂殺徐州刺史車胄以叛留關羽行下邳太守事身還小沛而承等謀洩受誅先主眾數萬遣從事北海孫乾自結於袁紹公遣將軍劉岱王忠擊之不克五年公東征先主先主敗績妻子及關羽見獲先主奔青州刺史袁譚奉迎道路馳以白父紹紹身出鄆二百里與先主相見公壯羽勇銳拜偏將軍初羽隨先主從公圍呂布於濮陽時秦宜祿為布求救於張楊羽啟公妻無子下城乞納宜祿妻公許之及至城門復白公疑其有色自納之後先主與公獵羽欲於獵中殺公先主為天下惜不聽故羽常懷懼公察其神不安使將軍張遼以情問之羽歎曰吾極知曹公待我厚然吾受劉將軍恩誓以共死不可背之要當立効以報曹公公聞而義之是歲紹征官渡遣臧孫康將良政東郡太守劉延於白馬公使遼羽為先鋒羽望見良麾蓋策馬刺良於萬眾中斬其首還紹將莫敵遂解延圍公即表封羽漢壽亭侯重加賞賜羽盡封其物拜書告辭而歸先主左右欲追之公曰彼各有主先主說紹南連荊州收劉表紹遣將其本兵至汝南公使將蔡陽擊之先主謂曰吾勢雖不便汝等百萬來未如吾何曹孟德單車來吾自去陽等必戰為先主所殺公既破紹自南征汝南先主遣糜竺孫乾詣劉表表郊迎之待以上賓使屯新野川徐元直致鄆郡諸葛亮曰孔明卧龍也將軍願見之于先主曰君與俱來庶曰此人可就見不可屈致也先主遂造亮凡三因屏人曰漢室傾頽姦臣竊命主上蒙塵孤不度德量力欲信大義於天下而智術淺短遂用猖獗至于今日志猶未已君謂計將安出亮對曰自董卓以來豪傑並起跨州連郡不可勝數曹操比於袁紹則名微而眾寡然遂能克紹以弱為強雖云天時抑人謀也今操已擁百萬之眾挾天子而令諸侯此誠不可與爭鋒也孫權據有江東已歷三世國險而民附賢能為之用此可以為援而不可圖也荊州北據漢河利盡南海東連吳會西通巴蜀此用武之國而其主不能守殆天所以資將軍也益州險塞沃野天府之土高祖因之以成帝業劉璋闇弱張魯在北國富民殷而不知郵賢能之士思得明君將軍既帝室之胄信義著於四海總覽英雄思賢如渴若跨有荆益保其險阻西和諸戎南撫夷越結好孫權內修政政天下有變命一上將將荊州之軍以向宛洛將軍身率益州之眾出於秦川天下孰不箪食壺漿以迎將軍者乎如此則霸業可成漢室可興矣先主曰善與亮情好日密自以為猶魚得水也十三年表卒少子琮襲位曹公南征琮遣使請降先主屯樊不知曹公卒至至宛先主乃知遂將其眾去比到當陽眾十餘萬人車數千兩日行十餘里別遣關羽乘船會江陵或謂先主曰宜速行雖擁大眾披甲者少曹公軍至何以禦之先主曰夫濟大事以人為本今人歸吾何忍棄之公以江陵有軍實恐先主據之乃釋輜重以輕騎五千追先主一日一夜行三百里及於當陽之長坂先主棄妻子與諸葛亮張飛等數十騎走公盡獲其民眾急追先主張飛據水斷橋橫馬按矛曰我張翼德也可來決死公徒乃止先主徑趨漢津適與羽船會而趙雲身抱先主弱子後主及雅先主甘夫人相及濟江亮曰事急矣請奉命求救於孫將軍時權軍柴桑既服先主大名又悅亮奇雅即遣周瑜程普水軍三萬助先主拒曹公大破公軍於赤壁焚其舟船曹公引歸先主表琦為荊州刺史又南征四郡武陵太守金璇長沙太守韓元桂楊太守趙範零陵太守劉度皆降會琦病死羣下推先主為荊州牧治公安權稍畏之進妹恩好權遣使云欲共取蜀荊州主簿殷觀進曰若為吳先驅進未能克蜀退為吳所乘大事去矣今但可然贊其伐蜀而自說新據諸郡未可與動吳必不敢越我而獨取蜀如此進退之計可以收吳蜀之利先主從之權果輟計還觀為別駕從事十六年益州牧劉璋遙聞曹公向漢中討張魯內懷恐懼別駕從事蜀郡張松說璋曰曹公兵強無敵若因張魯之資以取蜀土誰能禦之璋曰吾固憂之而未有計松曰劉豫州使

華陽國志

君之宗室而曹公之深讎也善用兵若使之討曹魯必破魯破則益州強曹公雖來無能為也璋然之遣法正迎先
 主正因陳益州可取之策先主留諸葛亮關羽等守荊州自將萬人入益州至涪璋出迎相見甚歡張松令法正白
 先主及謀臣龐統說便可於會所襲璋先主曰此大事也不可倉卒璋推先主行大司馬領司隸校尉先主亦
 推璋持鎮西大將軍益州牧璋增先主兵使擊張魯璋還成都先主到葭萌未即討魯樹恩德以收眾心明年曹公
 征孫權權呼先主自救先主遣使告璋曰曹公征吳吳憂危急孫氏與孤本為唇齒又樂進在青泥與關羽相拒今
 不往救羽進必大克轉侵州界其憂有甚於魯魯自守之賊不足慮也乃從璋求萬兵及資寶欲以東行璋但許兵
 四十其餘皆給半張松書與先主及法正曰今大事垂可立如何釋去松兄廣漢太守肅懼禍及已白璋發其謀于
 是璋斬松嫌隙始構矣璋救關成諸將文書勿復關通先主怒召璋白水軍督楊懷責以無禮斬之使黃忠卓
 膺勒兵向璋先主徑至關中質諸將并士卒妻子引兵與忠膺等進到涪據其城璋遣劉瓚等拒先主於涪皆敗退
 保綿竹璋復遣李嚴督綿竹諸軍嚴率眾降先主先主軍益強分遣諸將平下屬縣諸葛亮張飛趙雲等將兵沂
 流定白帝江州江陽惟關羽留鎮荊州先主進軍圍雒時璋子循守城被攻且一年 十九年夏雒城破進圍成都
 數十日璋出降蜀中殷盛豐樂先主置酒大饗士卒取蜀城金銀分賜將士先主遂領益州牧以諸葛亮為軍師將
 軍署左將軍府事法正揚武將軍蜀郡太守關羽督荊州事張飛為巴西太守馬超平西將軍不用許靖法正說曰
 有獲虛譽而無實者靖也然其浮名稱播海內人將謂公輕士乃以為長史龐羲為司馬李嚴為犍為太守費觀
 為巴郡太守徵益州太守南郡董和掌軍中郎太守漢嘉王謀為別駕廣漢彭羸為治中辟零陵劉巴為西曹掾廣
 漢長黃權為偏將軍於是亮為股肱正為謀主飛羽超為爪牙靖羲及糜竺簡雍孫乾山陽伊籍為賓友和嚴權本
 劉璋所授用也吳懿費觀璋之婚親也彭羸璋所排擯也劉巴已所宿恨也皆處之顯位盡其器能有志之士無不
 競勸羣下勸先主納劉瑁妻先主嫌其同族法正曰論其親疎何異晉文之於子圍乎從之正既臨郡睚眦之怨

一餐之惠無不報復或謂諸葛亮曰法正蜀郡大縱橫將軍宜啟主公亮曰公之在公安也北畏曹操之強東憚孫
 權之逼內慮孫夫人興變於肘腋之下孝直為輔翼遂翻飛翺翔不可復制如何禁法使不得行其志也孫夫人才
 捷剛猛有諸兄風侍婢百人皆仗劍侍立先主每下車心常慄慄正勸先主還之 二十年孫權使使報先主欲得
 荊州先王報曰吾方圖涼州涼州定以荊州相與孫權怒遣呂蒙襲奪長沙零陵桂陽三郡先主下公安令關羽入
 益州會曹公入漢中張魯走巴西黃權進曰若失漢中則三巴不振此割蜀人股臂也於是先主與吳連和分荊州
 江夏長沙桂陽東屬南郡零陵武陵西屬引軍還江夏以權為護軍迎魯魯已北降曹公權破公所署三巴太守杜
 濩朴胡亥約等公留征西將軍夏侯淵益州刺史趙顛及張郃守漢中公東還郃數犯掠巴界先主率張飛等進
 軍宕渠之蒙頭拒郃相持五十餘日飛從他道邀郃戰於陽石遂大破郃軍郃失馬緣山獨與麾下十餘人從間
 道還南也 二十一年先主還成都 二十二年蜀郡太守法正進曰曹操一舉降張魯定漢中不因此勢以圖巴
 蜀而留淵郃身據北還非智不逮力不足將內有憂逼耳今算淵郃才畧不勝我將率眾往討則必可禽天以與
 我時不可失也先主從之以問儒林校尉巴西周群群對曰當得其地不得其民若出偏軍必不利先主遂行諸葛
 亮居守足食足兵也 二十三年先主急書發兵軍師亮以問從事犍為楊洪洪對曰漢中蜀之喉咽存亡之機若
 無漢中則無蜀矣此家門之禍男子當戰女子當運發兵何疑亮以法正從行白先主以洪領蜀郡太守後遂即真
 初洪為犍為太守李嚴功曹去郡數年已為蜀郡嚴故在職而蜀郡何祇為洪門下書佐去郡數年已為廣漢太守
 洪故在官是以西土咸服亮之能攬拔英秀也後洪祇俱會亮門下洪謂祇曰君馬何駛祇對曰故吏馬不為駛明
 府馬不進耳 二十四年先主定漢中斬夏侯淵張郃率吏民內徙先主遣將吳蘭雷同入武都皆沒乃舉群茂才
 時州後部司馬張裕亦知占術坐漏言言先主得蜀寅卯之間當失漢凶年在庚子誅曹公為魏王王西征聞法正
 策曰固知元德不辨此又曰吾收奸雄畧盡獨不得正邪群下上先主為漢中王大司馬以許靖為太傅法正為

尚書令零陵賴恭為太常南陽黃權為光祿勳王謀為少府武陵廖立為侍中關羽為前將軍張飛為右將軍馬超為左將軍皆假節鉞又以黃忠為後將軍趙雲胡軍將軍其餘各進官號軍師諸葛亮曰黃忠名望本非關張馬超之倫也今張馬在近親見其功猶可喻指關遙聞之恐必不悅先主曰吾自解之時關羽自江陵圖曹仁於樊城遣前部司馬捷為費詩拜假節羽怒曰大丈夫終不與老兵同列不肯受拜詩謂曰昔蕭曹與高祖幼舊陳韓亡命後至論其拜爵韓最居上未聞蕭曹以為怨此今王以一時之功隆崇於漢升忠意之輕重甯當與君侯齊乎王與君侯譬猶一體禍福同之愚謂君臣不宜計官號之高下爵位之多少也羽即受拜初羽聞馬超來降素非知故書與諸葛亮問其人才亮知羽忌前答曰孟起黥彭之徒一世之傑當與翼德並驅爭先猶不如髯之絕倫也羽省書忻悅以示賓客羽美髯髯故亮稱云髯也羽臂嘗中流矢每天陰疼痛醫言矢鋒有毒須破臂刮毒患乃可除羽即伸臂使治時適會客臂血流離盈於盤器而羽引酒割炙言笑自若魏王遣左將軍于禁督七軍三萬人救樊漢水暴長皆為羽所獲又殺魏將龐德威震華夏魏王議徙許都以避其銳而孫權襲江陵將軍傅士仁南郡太守糜芳降吳羽久不拔城魏右將軍徐晃救樊羽退還遂為孫權所殺吳盡取荊州以劉璋為益州牧住秭歸是歲尚書令法正卒謚曰翼侯以尚書劉巴為尚書令 二十五年春正月魏武王薨嗣王丕即位改元延康蜀傳聞漢帝見害先主乃發喪制服追謚曰孝慈皇帝所在並言眾瑞故議即楊泉亭侯劉豹青衣侯向舉偏將軍張裔黃權司馬屬殿純別駕趙作治中楊洪從事祭酒何宗議曹從事杜瓊勸學從事張爽尹默譙周等上河洛符驗孔子所甄赤三日德昌九世會備合為帝際洛書寶號命曰天度帝道備稱皇又言周羣父未亡時數言西南有黃氣立數十丈而景雲祥鳳從璇璣下來應之如圖書必有天子出方今大王應際而生與神合契願速即洪業以甯海內先主未許冬魏王丕即皇帝位改元黃初漢獻帝遜位為山陽公 章武元年魏黃初二年也春太傅許靖安漢將軍糜竺軍師將軍諸葛亮太常賴恭光祿勳黃權少府王謀等乃勸先主紹漢絕統即帝號先主不許亮進曰昔吳漢取

會等歡世祖世祖辭讓耿純進曰天下英雄嗚呼莫有所望若不從議者士大夫各歸求主無從公也世祖感之令曹氏篡漢天下無主大王紹世而起乃其宜也士大夫隨大王久勤苦者亦欲望尺寸之功如純之言耳先主乃從之亮與博士許慈議即孟光建立禮儀擇令辰費詩上疏曰殿下以曹操父子逼主篡位故乃羈旅萬里糾合士眾將以討賊今大敵未克而先自立恐人心疑惑昔高祖與楚約先破秦者王及屠咸陽獲子嬰猶推讓況今殿下出門便欲自立愚臣誠不為殿下取也朝廷左遷詩部永昌從事夏四月丙午先主即帝位大赦改元章武以諸葛亮為丞相假節錄尚書許靖為右司徒張飛車騎將軍領司隸校尉進封西鄉侯馬超驃騎將軍領涼州刺史封葦鄉侯北督臨沮偏將軍吳懿為關中都督進魏延鎮北將軍李嚴輔漢將軍襄陽馬良為侍中楊儀為尚書蜀郡何宗為鴻臚立宗廟祭高皇帝世祖光武皇帝五月辛巳立皇后吳氏吳懿妹劉璋兄瑁妻也子禪為皇太子六月立子永為魯王理為梁王先主將東征以復關羽之恥命張飛率巴西萬兵將會江州飛帳下將張達范疆殺飛持其首奔吳初飛勇冠三軍俱稱萬人之敵羽善待小人而驕士大夫飛愛敬君子而不卹小人是以致先主常戒之曰卿刑殺過差鞭撻健兒令在左右此取禍之道飛不悟故敗先主聞飛營軍都督之有表也曰噫飛死矣命丞相亮領司隸校尉秋七月先主東伐羣臣多諫不納廣漢秦宓上陳天時必無其利先主怒繫之于理孫權送書請和先主不聽吳將陸議李異劉阿等軍姊歸左右領軍南郡馮習陳留吳班自建平攻破異等軍次秭歸武陵五谿蠻夷遣使請兵 二年春正月先主軍秭歸吳班陳成等水軍屯夷陵夾江東西岸二月將軍黃權諫曰吳人悍戰而水軍沂流進易退難臣請為先驅以當寇陛下宜為後鎮先主不從以權為鎮北將軍督江北軍先主連營稍前軍於夷道虎亭遣侍中馬良經恨山安慰五溪蠻夷夏六月黃氣見自秭歸十餘里中廣十餘丈後十數日與吳人戰先主敗績馮習及將軍南皆死先主嘆曰吾之敗天也委舟舫由步道還魚復將軍義陽傅彤為後殿兵眾死盡形氣益烈吳將喻令降形罵曰吳狗何有漢將軍降者遂戰死從事祭酒程畿獨沂江退眾曰後追

已至宜解躬輕行畿曰吾在軍未習為敵之走况從天子乎亦見殺黃權偏軍孤絕遂北降魏李異劉阿等踵躡先主屯南山先主改魚復曰永安丞相亮聞而歎曰法孝直若在則能制主上使不東行既復東行必不傾危矣八月司徒靖卒是歲驃騎將軍馬超亦卒臨沒上疏曰臣宗門二百餘口為孟德所誅略盡唯從弟岱當為微宗血食之係深託陛下岱自平北將軍拜彤子儉左中郎將冬十月詔丞相亮營南北郊於成都孫權聞先主在白帝甚懼遣使請和先主使太中大夫南陽宗璋報命十有一月先主寢疾十有二月漢嘉太守黃元素亮所不善聞先主疾病慮有後患舉兵拒守三年春正月召丞相亮於成都詔亮省疾于永安元燒臨邛城治中從事楊洪啟太子遣將軍陳習鄭綽由青衣水伐元滅之二月亮至永安先主謂曰君才十倍曹丕必能安國終定大事若嗣子可輔輔之如其不才君可自取亮涕泣對曰臣敢竭股肱之力效忠貞之節繼之以死先主又為詔敕太子曰汝與丞相從事事之如父亮與尚書令李嚴並受寄託夏四月先主崩于永安宮時年六十三亮表後主曰大行皇帝邁仁樹德覆育無疆昊天不弔今月二十四日奄忽升遐臣妾號咷如喪考妣乃顧遺詔是惟太宗百察發哀三日除服到葬期復服其郡國宰相令長丞尉三日除服五月梓宮至成都諡曰昭烈皇帝秋八月葬惠陵

譏曰漢末大亂群雄並起若董卓呂布二袁韓馬張楊劉表之徒兼州連郡眾喻萬計叱咤之間皆自謂漢祖可踵桓文湯邁而魏武神武幹畧戡屠盡于時先主名微人鮮而能龍興鳳舉伯豫君徐假翼荆楚翻飛梁益之地元省漢祚而吳魏與之鼎峙非英才命世孰克如之然必以曹氏替漢宜扶信順以明至公還乎名號為義士所非及其寄死託孤於諸葛亮而心神無二陳子以為君臣之至公古今之盛軌也

劉後主志

晉常璩著

後主諱禪字公嗣先主太子甘夫人所生也襲位時年十七 建興元年夏五月後主即位尊皇后吳氏曰皇太后

大赦改元於魏黃初四年吳黃武二年也立皇后張氏車騎將軍張飛女也封丞相亮武鄉侯中護軍李嚴假節加光祿勳封都鄉侯督永安事軍師衛尉魯國劉琰亦都鄉侯中護軍趙雲江州都督費觀屯騎校尉丞相長史王連中部督襄陽向寵及魏延吳懿皆封都亭侯楊洪王謀等關內侯南中諸郡並叛亂亮以新遭大喪未便加兵遣尚書南陽鄧芝固好於吳吳王孫權曰吾誠願與蜀和親但主幼國小慮不自存芝對曰吳蜀二國之地吳有三江之阻蜀有重險之固大王命世之英諸葛一時之傑合此二長共為唇齒進可兼并天下退可鼎足而踣大王如臣服於魏魏則上望大王入朝其次求太子入侍若其不從則奉辭伐叛蜀必順流見可而進如此江南之地非復大王之有也吳王大悅與蜀和親使聘歲通芝後累往權曰若滅魏之後二主分治不亦樂乎芝對曰滅魏之後大王未深識天命者戰爭方始耳權曰君之誠懇乃至於此書與亮曰丁宏挾張蜀志宏作本孫權謂宏言多言浮艷陰化不實和合二國惟惟有鄧芝 二年丞相亮開府領益州牧事無巨細咸決於亮亮乃撫百姓示儀軌約官職從權制盡忠益時者雖讎必賞犯法怠慢者雖親必罰服罪輸辭者雖重必釋遊辭巧飾者雖輕必戮善無微而不賞惡無纖而不貶庶事精練物究其本循名責實虛偽不齒終乎封域之內畏而愛之刑政雖峻而無怨者以其用心平勸戒明也辟尚書郎蔣琬及廣漢李邵巴西馬勳為掾南陽宗預為主簿皆德舉也秦宓為別駕雋為五梁為功曹梓潼杜微為主簿皆州俊彥也而江夏費禕南郡董允郭攸之始為侍郎贊揚日月吳遣中郎將張溫來聘報鄧芝也將返命百官餞馬惟宓未往亮累催之溫問曰彼何人也亮曰益州學士者也及至溫問宓曰君學乎答曰五尺童子皆學何況小人溫曰天有頭乎在何方也宓曰在西詩云乃眷西顧知其在西又曰天有耳乎宓曰詩不云乎鶴鳴九皋聲聞于天若無其耳何以聽之又曰天有足乎曰有詩云天步艱難之子不猶若其無足何以步之又曰天有姓乎曰姓劉何以知之曰其子姓劉又曰日生於東乎曰雖生於東終沒於西答問如響之應聲溫大敬服宓亦尋還右中郎將長水校尉大司農 三年春長水校尉廖立坐謫訕朝廷改徙汶山自立荆州與龐統並見知而性傲侮後更兇散

怨望致黜廢三月亮南征四郡以宏農太守楊儀為秦軍從行步兵校尉襄陽向朗為長史統留府事秋南中平
 軍資所出國以富饒冬亮還至漢陽與魏降人李鴻相見說新城太守孟達委仰於亮無已亮方北圖欲推達為外
 援謂秦軍將琬從事費詩曰歸當有書與子度相問對曰孟達小子昔事振威不忠後奉先帝背叛反覆之人何足
 與書亮不答詩數率意而言率意凌遲語在蜀書傳中故凌遲於世十有二月亮至郡官皆道迎而亮命侍郎費禕乘禮官小
 年幼眾士於是莫不易觀 四年永安都護李嚴還督江州巴郡以征西將軍汝南陳到督永安封亭侯是歲魏文帝
 崩明帝立 五年魏太和元年也春丞相亮將北伐上疏曰今天下三分益州疲弊此乘危急存亡之秋也然侍衛
 之臣不懈於內忠志之士亡身於外者咸追先帝之遇欲報之陛下也先帝以臣謹慎故臨崩寄臣以大事受命以
 來夙夜憂歎故五月渡瀘深入不毛今南方以定兵甲以足當獎率三軍北定中原庶竭駑鈍攘除奸凶克復漢室
 還乎舊都此臣所報先帝而忠於陛下願陛下下詔以討賊興復不效則治臣之罪以告先帝之靈陛下亦宜自謀
 諮詛善道察納雅言不宜引喻失所塞忠諫之路也又曰親賢臣遠小人先漢所以興隆昵小人疎君子後漢所
 以傾覆侍中郭攸之費禕侍郎董允先帝聞拔以遺陛下斟酌規益進盡忠言則其任也宮省之事悉以諮之必能
 裨補闕漏有所廣益也以尚書南陽陳震為中書令治中張裔為留府長史與秦軍將公琰知居府事二月亮出屯
 漢中營沔北陽平石馬以鎮北將軍魏延為司馬 六年春丞相亮揚聲由斜谷道取郿使鎮東將軍趙雲中監
 軍鄧芝據箕谷為疑軍魏大將軍曹真舉眾當之亮身率大眾攻祁山賞罰肅而號令明天水南安安定三郡叛魏
 應亮關中響震魏明帝西征長安命張郃拒亮亮使秦軍襄陽馬謖裨將軍巴西王平及張休李盛黃襲等在前違
 亮節度為郃所破平獨飲眾為殿而雲芝亦不利亮拔將西縣千餘人還漢中戮謖及休盛以謝眾奪襲兵貶雲秩
 長史向朗以不時臧否免罷超還平秦軍進位討寇將軍封亭侯統軍五年亮上疏曰臣以弱才叨竊非據親秉旌
 鉞以厲三軍不能訓章明法臨事而懼至有街亭違令之闕箕谷不戒之失咎皆在臣臣授任無方春秋責帥臣職

是當請自貶三等以督厥咎於是亮為右將軍行丞相事辟天水姜維為倉曹掾加奉義將軍封當陽亭侯亮書
 與長史張裔秦軍將琬稱維曰姜伯約西州上士馬季常李永南不如也冬亮復出散關圍陳倉糧盡還魏將王雙
 追亮亮合戰斬雙 七年春丞相亮遣護軍陳戒攻武都陰平魏雍州刺史郭淮出將擊戒亮自至建威淮退遂平
 二郡後主詔策亮曰街亭之敗咎由馬謖而君引愆深自抑損重違君意聽順所守前年耀師敵斬王雙今歲爰征
 郭淮遂走降集氏羌興復二郡威震山暴功勳赫然復君丞相君其母辭夏四月吳主孫權稱尊遣衛尉陳震慶問
 與蜀約分天下冬城漢樂 八年春丞相亮以秦軍楊儀為長史加綏遠將軍遷姜維護軍征西將軍秋魏大將軍
 司馬宣王由西城征西車騎將軍張郃由于午大司馬曹真由斜谷三道將攻漢中丞相亮軍城固表進江州都護
 李嚴驃騎將軍將二萬人赴漢中嚴初求以五郡為巴州書告亮言魏大臣陳群司馬懿並聞府亮乃加嚴中都護
 以嚴子豐為江州都督大雨道絕直等還丞相亮以當西北征因留嚴漢中署留府事嚴改名平丞相司馬魏延將
 軍吳懿西入羌中大破魏後將軍費耀雍州刺史郭淮于陽溪延還前軍師鎮西將軍封南鄭侯懿左將軍高陽
 鄉侯徙魯王永為甘陵王梁王理為安平王皆以魯梁在吳分故也 九年春丞相亮復出圍祁山始以木牛運泰
 軍王平守南圍司馬宣王拒亮張郃拒平亮慮根運不繼設三策告都護李平曰上計斷其後道中計與之持久下
 計還在黃土時宣王等糧亦盡盛夏雨水平恐運漕不給書白亮宜振旅夏六月亮承平指引退張郃至清封交戰
 為亮所殺秋八月亮還漢中平懼亮以運不辦見責欲殺督運領岑述驚問亮何故來還又表後主言亮偽退亮
 怒表廢平為民徙梓潼奪平子豐兵以為從事中郎與長史蔣琬共知居府事時費禕為司馬也 十年春丞相亮
 休士勸農車騎將軍劉琰與軍師魏延不和還成都秋旱亮練兵講武 十一年魏青龍元年也丞相亮治斜谷閣
 運糧谷口 十二年春丞相亮以流馬運從斜谷道出武功據五文原與司馬宣王對於渭南亮每患根不繼使志
 不伸乃分兵屯田為久任之基耕者雜於渭濱居民之間百姓安堵軍無私馬秋八月亮疾病卒于軍時年五十四

還差漢中定軍山塚足容棺斂以時服謚曰忠武侯鎮西大將軍魏延與長史陽儀素不和亮既恃延勇猛又惜儀
 籌畫不能偏有所廢常恨二人之不平為作甘威論二子不感延常舉刀擬儀涕淚交流惟護軍費禕和解中間
 終亮之世盡其器用儀欲案亮成規將喪引退使延斷後姜維次之延怒舉軍先歸南鄭各相表反留府長史蔣
 琬侍中董允保楊儀疑延延道欲擊儀儀遣平北將軍馬岱討滅延延自以武幹常求將數萬別行依韓信故事亮
 不許以亮為怯及儀將退使費禕造延延曰公雖亡吾見在當率眾擊賊豈可以一人亡廢國家大事乎使禕報儀
 不可故欲討儀儀率諸軍還成都大赦以吳懿為車騎將軍假節督漢中事初亮表後主以儀性狷狹若臣不幸
 可以蔣琬代臣於是以前為尚書令總統國事以儀為中軍師司馬費禕為後軍師征西姜維為右監軍輔漢將軍
 都芝前軍師領兖州刺史張翼前領軍並典軍政廖立在汶山聞亮卒垂泣曰吾終為左社矣李平亦發病死初立
 平為亮所廢安查沒齒常冀亮當自補復策後人不能故感憤焉 十三年拜尚書令蔣琬為大將軍領益州刺史
 以費禕為尚書令時新表元帥遠近危悚琬超登大位既無威容又無喜色眾望漸服侍郎董允兼虎賁中郎將
 宿衛兵軍師楊儀自以年官在琬前雖為參軍長史已常征伐勤苦更處琬下書怨望謂費禕曰公亡際按本傳云
 之際亡歿吾當舉眾降魏處世當當落度如此邪令人悔不可追禕表其言廢徒漢嘉儀又上書激切遂行儀重辟吳以亮
 之卒也增巴邱守萬人蜀亦益白帝軍右中郎宗預使吳吳主曰東之與西共為一家何以益白帝守預對曰東增
 巴邱之戍蜀益白帝之兵俱事勢宜然不足以相問也 十四年夏四月後主西巡至瀘山登坂觀汶川之流武都
 氏王符健請降將軍張尉迎之過期不至大將軍琬憂之牙門將巴西張嶷曰健未附款至必無他變聞健弟校不
 能同功各將乖離是以稽耳健弟東叛就魏健率四百家隨尉居廣都縣 十五年魏景初元年也夏六月皇后張
 氏薨謚曰敬哀是歲車騎將軍吳懿卒以後與軍安漢將軍王平領漢中太守代懿督漢中事懿從弟班漢大將軍
 何進官屬吳匡之子也名常亞懿官至驃騎將軍持節鄉侯時南郡輔匡光弼零陵劉苞南和官亦至鎮南將軍穎

川袁綝南郡高翔至大將軍綝征西將軍 延熙九年春正月立皇后張氏敬哀皇后妹也大赦改元立子璿為太
 子璿為安定王以典學從事巴西譙周為太子家令梓潼李譔為僕射皆名儒也冬十二月大將軍琬出屯漢中更
 拜王平以前護軍署大將軍府事尚書僕射李福為前監軍領大將軍司馬 延熙二年春三月進大將軍琬大司
 馬開府辟治中從事健為楊義蜀書作戲為東曹掾義性簡琬與言時不應答群吏以為慢琬曰夫人心不同各如其面
 面從後言古人所戒義欲贊吾是耶則非李心欲反吾言也則顯吾之非是以默然此義之快也督農楊敏常毀
 琬作事情憤誠非前人也或以白琬琬曰吾信不如前人主者乞問憤憤之狀琬曰苟其不如則憤憤矣復問何也
 後敏坐事下獄人以為必死琬心無適莫是以上下輯睦歸仰於琬蜀猶稱治 延熙三年魏正始元年也輔漢將
 軍姜維領大司馬征西入羌中安南將軍馬忠率越雋太守張嶷平越雋郡 四年冬十月尚書令費禕至漢中與
 大司馬琬論事計歲盡還 五年春正月姜維還屯涪縣大司馬琬以丞相亮數入秦川不克欲順河東下征三郡
 朝臣咸以為不可安南將軍馬忠自建甯還朝因至漢中宣詔旨于琬琬亦連疾動輒計遷忠鎮南大將軍封彭鄉
 侯 六年大司馬琬上疏曰臣既聞弱加嬰疾疾奉辭六年規方無成夙夜憂慘今魏跨帶九州除之未易如東西
 犄角但當營食然吳期二三連不克果輒與費禕馬忠議以為涼州吳塞之要宜以姜維為涼州刺史銜持河內今
 涪水陸四通惟急是赴若東北有虞應之不難冬十月琬還鎮涪以王平為鎮北大將軍督漢中事姜維鎮西大將
 軍涼州刺史十有一月大赦還尚書令費禕大將軍錄尚書事就遷江州都督鄧芝車騎將軍 七年閏月魏大將
 軍曹爽征西將軍夏侯元征蜀王平與護軍零陵劉敏拒興勢圍以大司馬琬疾病假大將軍費禕率軍自成都
 赴漢中掾魏旌起路馬人探甲羽檄交馳嚴鼓將發光祿大夫姜維陽來敏求共圍基禕留音博奕色守自若敏曰
 聊試君耳君信可人必能辦賊也也比至爽等退命鎮南大將軍馬中平尚書事夏四月安平王卒子循嗣秋九月禕
 還大司馬琬以病故讓州職于費禕禕允於是禕加大將軍領益州刺史允加輔國將軍守尚書令允立朝正色處

中上則匡主下帥羣司于時蜀人以諸葛亮將費及允為四相一號四英官人黃皓便僻佞慧畏允不敢為非後主欲採擇按蜀志云後主欲採擇以充後宮允曰妃后之數不可過十二允常與典軍義陽胡濟大將軍禕共期遊宴命駕將出即中襄陽重恢造允修故自以官卑少行求去允曰本所以出者欲與同好遊談耳君以自屈方展闊積舍此就彼非所謂也命解駢止駕允之下士接物皆此類也君子以為有周公之德 八年秋皇太后吳氏薨謚曰穆冬十一月大將軍禕行軍漢中 九年夏六月禕還成都秋大赦司農孟光於眾中責禕曰夫赦者偏枯之物非明世所宜有也今主上賢仁百寮稱職有何旦夕之急數施非常之恩以惠奸宄之惡上犯天時下違人理豈具瞻之高美所望於明德哉禕但顧謝焉初丞相亮時有言公惜赦者亮答曰治世以大德不以小惠故匡衡吳漢不願為赦先帝亦言吾周旋陳元方鄭康成間每見啟告治亂之道備矣曾不語赦也若景升季玉父子歲歲赦宥何益於治故亮時軍旅屢興赦不妄下也自亮歿後制遂虧蜀初關三司之位以待天下賢人其卿士皆勳德融茂太常杜瓊學道行修衛尉陳震忠愍篤粹孟光亮直著聞皆良幹也但光好指摘利病大長秋南陽許慈普記載籍典掌舊文光祿來敏荆楚名族東宮者宿以舉措不慎前後數貶指當世美名不及特進太常唐漢鐔承光祿勳河東裴儻也其朝優游無事乃鳩合經籍開門誘士講論古義不預世務是以上自執政下及童冠莫不宗敬焉冬十一月太司馬琬卒謚曰恭侯中書令董允亦卒超遷蜀郡太守南陽呂又為尚書令進姜維為衛將軍與大將軍禕並錄尚書事維出隴西與魏將郭淮夏侯霸戰克之 十年涼州胡王白虎文治無載等率眾降衛將軍維徙之繁縣汶山平康夷反維復討平之過見廖立意氣自若維還假節 十一年鎮北將軍王平卒以中監軍胡濟為驃騎將軍假節鎮兗州刺史代平督漢中事平始出軍武大不知書按本傳云平不能書性警朗有思理與馬忠並垂事績平同郡句扶亦果壯亞平官至左將軍封宕渠侯後張翼與襄陽廖化並為大將軍故時人為語曰前有何句後有張廖平本養外家何

氏後復姓夏五月大將軍禕出屯漢中 十二年魏嘉平元年也魏誅大將軍曹爽右將軍夏侯淵來降淵子也拜車騎將軍四月大赦秋衛將軍維出雍州不克將軍句安李韶降魏 十三年衛將軍維復出西平不克而還 十五年吳主孫權薨子亮立來告赴之如古義也立子琮為西河王命大將軍禕開府尚書令呂又卒以侍中陳祗守尚書令加鎮東將軍 十六年春正月朔魏降人郭循因賀會手刃殺大將軍費禕于漢壽謚曰敬侯禕當國名譽與將琬比而功業相繼雖典戎于外慶賞刑威咸咨于己承諸葛之成規因循不革故能邦家和一自禕沒後閣官并權衛將軍維自負才兼文武加練西方風俗謂自隴以西可制而有禕常裁制不從至是無憚屢出師旅功績不立政刑失措矣四月維將數萬攻南安魏雍州刺史陳泰採之維糧盡還 十七年魏正元元年也春衛將軍維督中外軍事大赦夏六月維復出隴西狄道長李簡舉縣降維圍襄武魏大將徐質採之維拔狄道河間臨洮三縣民入蜀居于綿竹及繁是歲魏帝齊王廢高貴鄉公即祚 十八年春衛將軍維復議出征征西大將軍張翼廷爭以國小不宜贖武維不聽夏率車騎將軍夏侯霸及翼出狄道大破魏雍州刺史王經于洮西經眾死數萬經退保狄道城翼曰可矣不宜進或毀此成功為蛇畫足維必進魏征西將軍陳泰採狄道維退駐鐘題 十九年魏甘露元年也春進衛將軍姜維為大將軍秋八月維復出天水至上邽鎮西大將軍胡濟失期不至大為魏將鄧艾所破死者甚眾士庶由是怨維而隴以西亦無留歲冬維還謝過引負求自貶削於是維為後將軍行大將軍事立子瓚為新平王大赦 二十年春大赦魏征東大將軍諸葛誕以淮南叛連吳魏分關中兵東下後將軍姜維復從駱谷出長城軍芒水與魏大將軍司馬望鄧艾相持 景耀元年維以誕破還城都復拜大將軍史官言景星見大赦改元宦人黃皓與尚書令陳祗相表裏始豫政皓自黃門丞至今為奉車騎尉中常侍姜維雖班在祗右權任不如蜀人無不追思董允者時兵車久駕百姓疲弊大中大夫譙周著仇國論言可為文王難為漢祖人莫察焉征北大將軍宗預自永安徵拜鎮南將軍領兗州刺史以襄陽羅憲為鎮軍督永安事吳大臣廢其主亮立

孫休來告難如同盟也。大將軍維議以為漢中錯守諸圍，適可禦敵，不獲大利。不若退據漢樂二城，積穀堅壁，聽敵入平，且重關鎮守，以禦大敵。關不克野，無散穀千里，懸糧自然疲退。此殄敵之術也。於是督漢中胡濟、却守漢壽，堅軍王含守樂城，護軍將舒守漢城。又於西安建威武衛石門，武城建昌臨遠，皆立圍守。二年夏六月，立子諶為北地王，恂為新興王，虔為上黨王，以征西張翼為左軍騎將軍，領益州刺史，廣武督廖化為右車騎將軍，領并州刺史。時南郡閻宇為右衛大將軍，秋八月丙子，領中護軍，陳祗卒，諡曰忠侯。祗在朝，上希主指，下接閹宦，後主甚善焉。以僕射南鄉侯董厥為尚書令。三年魏景初元年也。秋九月，追諡故前將軍關羽曰壯繆侯，車騎將軍張飛曰桓侯，驃騎將軍馬超曰威侯，軍師龐統曰靖侯。後將軍黃忠曰剛侯，是歲魏廢高貴鄉公常道鄉公，即帝位。四年春三月，追諡故鎮軍趙雲曰順平侯。冬十月，大赦拜丞相亮子武鄉侯瞻中，都護衛將軍董厥輔國大將軍與瞻輔政，以待中義陽樊建守尚書令。自瞻厥用事，黃皓東權無能正矯者，惟建特不與皓和好。往來而秘書令河南郗正與皓比屋，周旋從微至著，既又不憎，正又不愛之，官不過六百石，常免於憂患。按晉百官表，厥字襲，亦義陽人，建字長元。五年春正月，西河王琮卒，大將軍維惡皓之恣，擅啟後主欲殺之。後主曰：「皓超走小臣耳，往者董允切齒，吾嘗恨之，若何足介意？」維本羈旅自託，而功效無稱，見皓枝附葉連，懼於失言，遂辭而出。後主敕皓詣維謝罪，維誘皓求省中種麥，以避內逼。皓承白後主，秋維出侯和為魏將，鄧艾所破，遷駐省中。皓協比閹宇，欲廢維樹宇，故維懼不敢還。按省中三百里。六年春，魏相國晉文王命征南將軍鄧艾鎮西，將軍鍾會雍州刺史，諸葛緒益州刺史，師纂五道伐蜀。大將軍姜維表後主，遣左右車騎張翼、廖化督諸軍分護陽安關口及陰平橋頭。黃皓信巫鬼，謂敵不來，啟後主寢其事。群臣不知，夏艾將入省中，會將向駱谷。蜀方聞之，遣張翼、董厥為安陽關外助，廖化為維援。維大赦改元，艾興比至，陰平聞諸葛緒向建威，故待月餘。維為艾所摧，還陰平。鍾會圍樂城，遣別將蔣舒開門降。督傳僉奮戰而死。冬會以樂城不下，徑長驅而前，翼厥之至，漢壽也。維化捨陰平，還保劍閣，拒會。會不能，尅糧運懸遠。

議欲還而鄧艾由陰平景谷傍入，後主又遣都護諸葛瞻督諸軍拒艾。至漢涪，不進。尚書郎黃崇權子也，勸瞻速行，固險無令敵得入。坪言至流涕，瞻不從。前鋒已破艾，遲至涪，瞻退保綿竹。艾書與瞻曰：「若降者，必表封琅邪王，瞻怒殺艾，使戰于綿竹。瞻軍敗績，瞻臨陣死，崇及羽林督李球尚書張遵皆必死。沒命瞻長子尚歎曰：「父子荷恩，不早斬黃皓，以致敗國，殄民用生，何為乃驅馬赴魏軍而死？」百姓聞艾入坪，驚逆山野。後主會群臣議欲南入七郡，或欲奔吳。光祿大夫譙周勸降魏，魏必裂土封後主。後主從之，遣侍中張紹、駙馬都尉鄧良、貴璽、綬奉箋詣艾降。北地王謀毒憤殺妻子，而後自殺。艾至成都，後主輿觀面縛，銜壁迎之。艾親釋其縛，受其壁，其觀承志拜驃騎將軍，使止其官。執黃皓欲殺之，受賂而赦之。諸圍守皆奉後主敕令，乃下姜維未知後主降，謂且固城，素與執政者不平，欲使其知衛敵之難，而後逞志。乃由巴西出，鄧五城會，被後主手令，乃投戈釋甲，詣鍾會降。于涪軍士莫不奮擊，以刃斫石。明年春正月，會構艾檻車，見徵會圖異計，奇維雄勇，還其節，蓋印號謂長史杜預曰：「姜伯約比中州名士，夏侯太初諸葛公休不如也。鄧艾亦謂蜀人曰：『姜維雄兒也。』會維每出同車，坐同席，將至成都，自稱益州牧，以叛侍維為爪牙。欲遣維為前將軍伐中國，維既失策，又知會志廣，教會誅北來諸將，將既死，徐欲殺會。盡坑魏兵，還復蜀祚。密書通後主曰：『願陛下忍數日之辱，臣欲使社稷危而復安。』日月幽而復明，魏太后崩，會命將發喪，因欲誅之。諸將半入而南安太守胡烈等知其謀，燒成都東門，以襲殺會及維。張翼後主太子璩等軍眾抄掠數日，乃定。三月，後主舉家東遷洛陽。丁亥，封安樂縣公，食邑萬戶，賜絹萬匹，奴婢百人，他物稱此。兄弟子孫為郡都尉侯者五十餘人，以譙周全國濟民，封城陽亭侯，秘書令郗正舍妻子，隨侍後主，相導威儀，封關內侯。於是尚書令樊建殿中督張通侍中張紹亦封侯。劉氏凡得蜀五十年，正稱尊號四十二年。

蜀郡太守王崇論後主曰：「昔世祖內資神武之大才，外拔四屯之奇將，猶勤而獲濟，然後登天衢，車不輟駕，坐不安席，非淵明引鑿則中興之業，何容易哉？後主尋常之君，雖有一亮之經緯，內無骨肉之謀，外無爪牙之將，焉可包括。」

天下也又曰鄧艾以疲兵二萬遠出江油姜維舉十萬之師案道南歸艾為成禽禽艾已訖復還拒會則蜀之存亡未可量也乃迴道之巴遠至五城使艾輕進徑及成都兵分家滅已自招之然以鍾會之智畧稱為子房姜維陷之莫至冠捷籌策相應優劣惜哉愚以為維徒能謀一會不慮躬兵十萬難為制御美意播越矣

誤曰諸葛亮雖資英霸之能而主非中興之器欲一區區之蜀假已廢之命北吞強魏抗衡上國不亦難哉似宋襄求霸者乎然亮政修民理威武外振爰迄琬禕遵修弗革攝乎大國之間以弱為強猶可自保美維才非亮正志繼洪軌民嫌其勞家國亦喪矣

大同志

晉常璩著

古者國無大小必有記事之史表成者敗以明懲勸稽之前代州郡宜然自劉氏祚替金德當陽天下文明不及曩世近以多故族祖武平府君漢嘉杜府君並作蜀後志書其大同及其喪亂然近在李氏未相條貫又其始末或有不詳第璩往在蜀柳沐艱難備諸故事更序次顯挺年號上以彰明德下以治違亂庶幾萬分有益國史以廣識焉 魏咸熙元年蜀破之明年也以東郡袁邵為益州刺史隴西太守安平牽宏為蜀郡金城太守天水楊欣為隴西太守後主既東遷內移蜀之大臣宗預廖化及諸葛顯等并三萬家於東及關中復二十年田祖董厥樊建並為相國泰軍冬分州置梁州遣厥建兼散騎常侍使蜀慰勞 晉泰始元年春刺史袁邵以治城將被徵故蜀侍郎蜀郡常忌詣相府國陳邵撫郵有方遠國初附當以漸導化不宜改易州將失遐外心相國聽留辟忌為舍人冬十月晉武帝踐祚 二年春武帝宏納梁益引援方彥用故黃金督蜀郡柳隱為西河巴郡文立為濟陰太守常忌河內縣令 四年故中軍士王富有罪逃匿密結亡命刑徒得數百人自稱諸葛都護起臨中轉侵江原江原方畧更李高問術縛富送州刺史童蒙斬之初諸葛瞻與鄧艾戰於綿竹也時身喪死或言生走深逃瞻親兵言富貌似瞻故富假之也 五年散騎常侍文立表復故蜀大臣名勳後五百家皆依故官號為降 六年分益州南中建甯南永昌興古四郡為甯州 七年汶山守兵呂匡等殺其督將以叛族滅之初蜀以汶山西五郡北逼陰平武都故於險要置守自汶江龍鶴冉駝白馬氏種五圍皆置修屯牙門晉初以御夷徵因仍其守 八年三蜀地生毛如白毫三夕長七八寸生數里 十年汶山白馬胡恣縱掠諸種夏刺史皇甫晏表出討之別駕從事王紹等固諫不從典學從事蜀郡何旅諫曰昔周宣王六月北伐者檢狃孔熾憂及諸夏故也今胡夷相殘戎虜之常未為大患而盛夏出軍水潦將降必有疾疫宜須秣冬圖之未晚晏不聽遂西行虜入營中軍占以為不祥晏不悟胡康燒香言軍出必敗晏以為沮眾斬之夏五月軍至都安屯觀坂上旅復諫曰今所安營地名觀坂自上觀下反上之象徵不吉昔漢祖悟栢人以免難彭彭惡彭亡而不去遂陷於禍宜移營他所晏不納其言夜所將中州兵蔡雄宣班張儀等以汶山道險必畏胡之強晏復復諫于時眾庶所怨遂引牙門張宏督張衡等反殺晏眾夜亂不知所為惟兵曹從事健為楊倉營弓力戰射百餘發且言雄擊之盡見殺從事廣漢王紹亦越之死初晏未出蜀中傳相告曰井中有人學士斬普言客入東井并益州之分野夏刺史戒客人耳又有猛風是逆風其日觀卦用事若軍西行護觀坂門人向天井益可慮也故旅勸諫云卒如其言宏等遂誣表晏欲率已共反故殺之求以免罪其眾抄掠百姓廣漢王簿李毅白太守宏農王濬宜急救益州禍亂保晏無惡必為宏等所枉害濬從之而晏主簿蜀郡何攀以母喪在家聞亂釋纓經詣洛訐晏忠孝而宏等惡業事得分明詔書因以濬為益州刺史加輕車將軍濬斬宏等益州平 咸寧三年春刺史濬誅捷為民陳瑞瑞初以鬼道惑民其道始用酒一斗魚一頭不奉他神貴鮮潔其死喪產乳者不百日不得至道治其為師者曰祭酒父母妻子之喪不得撫殯入吊及問乳病者轉奢靡作朱衣素帶朱幘進賢冠瑞自稱天師徒眾以千數百濬聞以為不孝誅瑞及祭酒衣冠等焚其傳舍益州民有奉瑞道者見官二千石長吏巴郡太守捷為唐定等皆免官或除名蜀中山川神祠皆種松柏濬以為非禮皆廢壞燒除取其松柏

為舟船惟不毀禹王祠及漢武帝祠又禁民作巫祀於是俗無淫祀之俗教化大行有木連理嘉禾黃龍甘露之祥三月被詔罷屯田兵大作舟船為伐吳計別駕何攀以為佃兵但五六百人無所辦宜召詣休兵借諸郡武吏并萬餘人造作歲終可成濬從之攀又建議裁船入山動數百里艱難蜀民冢墓多種松柏宜什四市取入山者少濬令攀典舟船器仗冬十月遣攀使詣洛表可征伐因使至襄陽與征南將軍羊祜荆州刺史宋庭論進取計四年春漢中都吏龔祚等謀殺太守姜宗以叛宗覺堅守祚等燒南郡市及平民屋族誅刺史濬當遣大司農至漢壽重遣秦軍李毅諸洛與何攀並表求伐吳五年詔書并濬龍驤將軍假節監梁益二州軍事除何攀郎中秦軍事以典軍從事張任趙明李高徐兆為牙門姚顯却堅為督冬當大舉秋攀使在洛安東將軍王渾表孫皓欲北侵請兵朝議征却須六年攀因表可引今取之策皓必不自送帝乃許焉冬十月有二月濬因自成都帥水陸軍及梁州三水胡七萬人伐吳臨發斬牙門將李延所愛侍將也以爭騎斬眾莫不肅至江州詔書進濬平東將軍都督二州巴東監軍唐彬及平南軍皆受指授別遣秦軍李毅將軍由涪陵入取武陵會巴陵太康元年春三月吳平攀毅以功封各有差以淮南胡熊為益州刺史濬遣輔國將軍初濬將征問斬普今行何如普對曰客星伏南斗中而太白歲星在西方占曰東方之國破必如志矣普學術不貪榮貴卒於布衣三年更以益梁州為輕車騎刺史乘傳奉事以蜀之羌夷置西夷府以平吳軍司張牧為校尉持節統兵州別立治西夷治蜀各置長史司馬五年罷甯州諸郡還益州置南夷校尉持節如西夷皆舉秀才廉良八年武帝子成都王穎受封以封蜀郡廣漢犍為汶山十萬戶為王國易蜀太守郡號成都內史元康六年復以梁益州為重州遷益州刺史梁凱為梁州加封官將軍楊烈將軍趙敏為益州刺史加折衝將軍關中氏及馬蘭羌反寇天水畧陽扶風始平武都陰平發梁州及東羌鎮西討之不克益州遣牙門馬元尹方援之以鹿車運成都米給軍糧八年敏至州雖崇簡約而性質奢秦畧陽天水六郡民李特及弟庠闔式趙肅何巨李遠等及氏僕青叟數萬家以郡土連年軍荒就穀入漢川詔書不聽入蜀益

州勅關禁之而戶曹李芝乃侍御史開關放入蜀布散梁州及三蜀界汶山興樂縣黃石北地盧水胡成豚堅安角成明石等與廣柔平康文降劉紫利羌有讐遂與蜂蠅羌郵達等數千騎劫縣令求助討紫利太守楊郁捷殺豚堅而降其餘類遂叛殺長史冬西夷校尉西平趙炳表出軍遣牙門將孫眺為督護萬人征之戰于常安大為胡所破九年炳以敗軍徵還晉夏用江夏太守陳總為代胡退散永康元年詔徵刺史敏為大長秋遷成都內史中山耿勝為益州刺史折衝將軍因敏所服佩初敏以晉政衰而趙星黃占曰星黃者主陰懷異計蜀土四塞可以自安乃傾倉賑施流民以收眾心以李特弟庠衛六郡人勇壯厚郵遇之流民恃此專為劫盜蜀民患之勝數密表流民剛愎而蜀人懦弱客主不能相制宜遷還其本土不者與東三郡隘地觀其情態漸不可長將移秦雍之禍於梁益矣又言倉庫虛無以應敵萬一告急必益聖朝西顧之慮由是嚴惡勝州被詔書已遣文武士千餘人迎勝勝以敏未出州故在郡嚴募厚黨羅安王利等劫勝大敗於廣漢宣化亭殺傳詔者勝議欲入州城功曹陳洵諫曰今州郡並治兵怨道日深入城必有大禍不如安住少城檄諸縣合村保以備秦氏且觀其變不爾可退住健為西渡江原以防非常勝不從冬十有二月勝入城登西門嚴遣親近代茂取勝茂告之而去敏又遣兵討勝勝軍敗績自投少城上吏左雄負勝子奇依民宋甯藏嚴購千金甯不出敏尋敗得免郡吏皆竄走惟陳洵自縛詣敏請勝死表嚴義而不殺也洵與戶曹掾常敏其備棺塚墓之敏又遣軍逆陳總總至江陽聞敏有異志主簿趙模進曰今州郡不協必生大變惟當速行府是兵要助順討逆莫有動者也總更緣道遲留至南安魚涪津以與嚴軍遇模自總貨募士卒距戰若克州軍則州可得克不克順流而退必無害也總不能更曰趙益州忿耿侯故殺之與吾無嫌何為如此模曰今州起事必當立威雖不戰無益也言至垂涕總不聽眾弛總逃草中模衣總服格戰嚴兵殺模見非總乃搜求總殺之敏自稱大將軍益州牧以武陽令蜀郡杜淑別駕張絜巴西張龜西夷司馬龔尼江原令健為費遠等為左右長史司馬秦軍從健為太守李庠為威冠將軍召臨印令涪陵許牟為牙門將召諸王官莫敢不往

又以廣漢太守張徵汶山太守楊郗成都令費立為軍祭酒時庠與兄弟流驥妹婿李舍天水任回上官鼎按晉書作上官信扶風李攀始平費佗氏符成隗伯董勝等四十騎在北門使庠斷北道庠素東菟良將曉軍陳不用麾職舉牙為行伍斬部下不用命者三人部陣肅然嚴等忌之遂於會所斬庠及其兄子宏等十餘人慮特等為變又命為督將安慰其軍還特庠表其夜特流徹眾散歸綿竹嚴遣故陰平令張衡外邊費起就綏納皆為特所殺牙門將許奔求為巴東監軍杜淑張英固執不許奔怒於州閣下手刃殺淑梁即亦殺奔二子嚴腹心也 太安元年春尚牙門夏庠攻李特於立石失利征西遣督護衙博討特博次梓潼晉復拜前廣漢太守張徵廣漢太守據德陽尚遣督護巴西張龜督四十牙門軍繁城博方遣秦軍蒙紹誘特降尚貽博書曰昔年得李流牋降心欵欵由時威帖得還為寇聞特委誠於下吏而流驥七八千人來寇日王奸凶之態詭譎不測不可不重以持之也博不從故為特所破於陽沔梓潼太守張演委倉庫走巴西巴西郡丞毛植五官襄珍舉郡降特衙博才兼文武征西大將軍河間王深器之初為陰平太守為從事巴郡毛扶所怨梁州人及西征征西許雄以陽沔之沒寇尚未至聞鶴鳴便退博欲委罪梁州託以自不供給梁州治中表之博以是得罪晉乃更用許雄為梁州刺史八月特破德陽流次成都北上李驥在毗橋尚遣將張興為降於驥現士眾虛實還以告尚尚遣精兵龍驥破之流驥并眾攻尚軍軍失利喪其器甲晉梁州刺史許雄數遣軍討特特備峻不得進征西乃遣監軍劉沈將西征以中國有事不果而南夷校尉李毅遣使兵助尚軍數挫特勢日蹙 二年春正月朔特攻尚水上軍特從底波黨徒從赤水渡入郫及水西南緣江守軍皆散走太守徐儉逼降尚保大城流軍進屯江西之檢上蜀民懼先已結村保持分人就主之雄書諫特收質任無得分散猛銳流亦諫之特怒曰大事已定當安民何緣疑動而劫害不止尚從事蜀郡任督按晉書作任明說尚曰侵暴百姓又分人眾散在諸村急沈無備殆天亡特之秋也可告諸村密起戰日內外擊之破持必矣尚從之從縱出督使宣者告諸村期二月十日同時討特手書隱語曰在彼揚水督先詣特降究觀虛實特問城中督曰米穀已欲盡但有貨帛耳因求省家特與啟信諸村悉從歡報還報尚如期出軍討特諸村亦起大殺特眾破退追及於繁之官桑斬特及兄輔遠等李流餘眾還赤祖尚乘勝但施遊軍征蓋傳持首洛陽焚其屍李雄以李離為梓潼太守眾還赤祖推流為大將軍大都督而荊州刺史宋岱水軍三萬助尚次墊江前鋒建平太守孫阜破特德陽守將馮碩太守任斌徑至浩三月尚遣督護張龜何冲左汜等軍繁城而綿竹降涪陵民藥紳杜阿應尚尚又遣督護常深軍毗橋為流驥禦蕩雄攻紳深破驥殺李攀弟恭復為主左汜黃閭逼攻特北營營中民羗因符成隗伯石定叛應汜閭攻蕩雄蕩母羅探甲畧陳伯手刃催傷目壯氣益烈又時成伯戰於內汜閭攻其外自晨至日中營垂欲破會流破深蕩雄破紳還適與汜閭會大破之成伯將其黨突出詣尚蕩策馬追退軍為長矛所椿死羅雄秘不發喪以安眾心流以特蕩死而岱阜並志恐懼李舍勸流降流從之雄與驥諫之不納遣子世及舍子胡質於阜李離聞父舅將降自梓潼還欲諫不及雄與離謀襲阜曰若功成事濟當為人主要三年一更雄曰與君計雖定老子不從若何離曰當制之若不可便行大事雖君叔勢不得已老父在君夫復何言雄乃說六郡人士激以尚之自侵懼以其殘蜀民之禍陳阜可富貴之秋得以破阜阜軍死者甚眾而岱病亡荊州軍退轉攻尚流慙其短軍事任雄雄數破尚軍保大城夏四月尚殺隱士劉敞敞故州牧劉璋曾孫也隱居白鹿山高尚皓首未嘗屈志亦不預世事尚信妖言殺之殺之日雷震人大雨中出水五月李流降于孫阜遣子為質不可乃舉兵與李離襲阜阜軍敗績宋岱病卒墊江州軍退雄逼攻尚尚保大城中六月雄從帛羊頰渡攻汶山太守陳圖据郫城秋七月朔雄入郫城流盡移營据之三蜀民流併南入東下野無烟火鹵掠無處亦尋飢餓唯涪陵民十餘家在江西依青城山處士范賢自守平西參軍涪陵徐與求為汶水太守撫帥江西民與尚犄角討雄尚不許與怨之求使江西因叛降雄雄以為安西將軍給其軍糧雄得以振九月流病死雄復稱大將軍都督州牧尚數攻郫雄使武都朴泰謂尚曰李驥與雄以飢餓孤危日鬪爭相咎驥欲將民江西食穀若潛軍來我為內應可得也尚以為然大與金寶泰曰今事故未

華陽國志

立効後取不晚也又求遣人自隨現向尚從之泰要發火遣隗伯諸軍攻郵驛使道設伏以長梯上伯軍伯軍見火起皆爭緣梯雄因放兵擊之大破尚軍雄徑追退至城下稱萬歲曰已得郾城矣人少城尚乃覺保大城驪別攻捷為斷尚運道獲太守武陵龔恢恢為天水西縣令任回為吏回問曰識故吏不恢曰識汝耳郡吏星散惟功曹楊渾侍衛回謂曰卿表人也吾力恐不能抹壘君不能免卿也宜早去渾曰甘主生何如守義而死遂併見殺以李溥為捷為太守雄生獲伯知其傷死創也伯女為梁雙妻為已用故不殺閏十二月尚糧運不繼而被攻急夜退牛鞞水東下留牙門張羅持城終夜北雄覺去已遠倉卒失節鉞羅持從後得之并護資應雄得成都梁州刺史許雄以討賊不進檻車徵詣詔獄惟護軍與漢國太守杜孟治都戰帥趙汶荆州太守梓潼關守漢中 元興元年春正月尚至江楊軍司卒寶詣洛表狀詔書權統巴東巴郡涪陵三郡供其軍賦冬尚移屯巴郡遣軍掠蜀中斬雄從祖再獲驪妻督子壽兄弟十二月雄太尉李離伐漢中殺戰帥趙汶 永嘉元年春尚施置關戍至漢安楚道時益州民流移在荆湘州及越雋梓柯尚書置郡縣就民所在又施諸村參軍三月關中流民鄧定荀氏等掠漢中冬辰勢以叛巴西太守張燕帥牙門武肇漢國郡丞宣定遣兵圍之氏求救於李雄夏五月雄遣李離李雲李瑋李鳳入漢中救定杜孟治聞難至命燕釋圍保州城初燕攻定定眾飢餓偽降送金一器與燕燕納之居七日氏至定還冬辰勢燕進圍之不聽孟治言離至先攻肇營營破次攻定又破之燕懼戰將自騎走離等大破州軍牙門蔡松退告孟治曰州軍已破賊眾不可待也孟治怖護軍欲城守謂孟治曰賊來雖眾客氣之常奈區區有東南之逼必不宿兵於外不過迎拔定氏耳孟治曰不然雄冒稱帝王縱橫天下以遣重眾必取漢中雖有牢城士民破胆不可與待寇也乃開門退走護軍北還孟治入大桑谷民數千家車數千兩一夜行繞數十里而梓潼荆子以父與孟治有隙合子弟追之及於谷口孟治棄子走荆子獲之及吏民千餘家惟漢國功曹母建荷檐仗曰吾雖不肖一國大夫國亡不能存終不屬賊也餓死谷中積十餘日離等引還漢中民向方白落率吏民還守南鄭 二年詔書錄尚討

特功加散騎常侍都督二州進爵夷陵侯長子宇以佩奉車都尉并次子延壽騎都尉梁州以雄所破壞晉更以皇甫商為梁州商不能之官更用順陽內史江夏張光為刺史治新城漢中民逼李鳳寇掠東州荆河 三年冬天水旬琦張金苟畧陽羅義殺雄太尉李離降尚雄太傅驪李雲李瑋攻義為所破殺雲瑋雄從弟也為司空十有二月琦等送離母子於尚尚斬之分其室 四年天水文石殺雄太宰李國以巴西降尚梓潼巴西還蜀初巴西西譙登詣鎮南請兵鎮南無兵表為揚列將軍梓潼內史義募三巴蜀漢民為兵克復州郡先征宕渠殺雄巴西太守馬脫還住涪折衝將軍張羅進据捷為之合水巴蜀為語曰譙登治涪城文石在巴西張羅守合水巴氏那得前秋七月尚薨于巴郡尚字敬之一名仲字敬真襄陽人也歷尚書丞郎武陵汝南太守徙梁州臨州詔書除長沙太守下邳皮素字泰混為益州刺史兼西夷校尉揚烈將軍領義募人及平西將軍當進治三關時李驥急攻譙登素次巴東勅平西將軍張順楊顯登尚子字恚恨加登糧運不給素至涪欲治執事執事懷懼冬十有二月素至巴郡降人天水趙攀閻蘭等夜殺素建平都尉暴重殺字及攀巴郡亂不果林登三府官屬上巴東監軍冠軍將軍南陽韓松為刺史校尉治巴東 五年春正月李驥破涪城獲登巴西梓潼復為雄有荆湘有亂氏符成隗文作亂宜都西上巴東雄眾攻楚道走捷為太守魏紀殺江陽太守姚襲二月氏隗文等反於巴東暴重討之未下重殺刺史韓松字公治南陽人也魏大司徒暨孫也自領三府事三月三府文武與巴東太守史共囚重及妻子於宜都殺之共表巴郡太守張羅字景治行三府事羅治枳自討隗文於宮圻破降之旬月復叛劫巴郡太守黃龕託以為主龕窮急首殺主簿楊預諫曰文之宿惡江川所知拘劫明府誰不危心虛假之名孰當信之可使張將軍知其丹誠何遽如此龕曰賊已道斷何緣得令景治知之預乃作龕書遣弟逃氏詣羅羅曰子宣宣城吾自明之耳隗文聞怒囚龕執預問遣信狀龕曰不遣也文乃考預一日夜預不言文欲殺龕預死杖下文義之赦龕羅遣軍討之破還羅自討之敗績身死羅字景治河南梁人也巴中無復餘種矣文馳畧吏民西上降雄將信獲捷為太守魏紀三府文武共表

平西司馬王異行三府事又領巴郡太守梁州刺史張光復治漢中六年龍驤將軍江陽太守健為張敞與廣漢羅琦共殺異異字彥明蜀人也敞復行三府事羅琦行巴郡太守敞病亡敞字進明健為人蜀車騎將軍張翼孫也三府文武復共表涪陵太守義陽向沈行西夷校尉吏民南入涪陵建興元年春沈卒涪陵多瘴蜀郡太守江陽程融宜都太守健為楊芬西夷司馬巴郡常敬都安令蜀郡常倉宏等共推汶山太守涪陵蘭維為西夷校尉時中原既亂江東有事採援無所願望融等共率吏民北出枳欲下巴東遂為雄將李恭費黑所破獲五月梁州刺史張光討王如黨涪陵李運巴西王建於盤蛇便作山疑其欲叛也運建走保桐山光遣軍攻破殺之建安犂楊虎保黃金山以叛討之虎夜棄營還趨厄水去州城四十里任光遣其子孟長討之迭有勝負光求助於武都氏王楊茂搜虎亦求採於茂搜初茂搜子難敵遣養子適賈梁州私買良人子一人光怒鞭殺之難敵以是怨光曰使君初來大荒之後兵民之命仰我氏活氏有小罪不能賞也陰謀討光會光虎求採秋八月茂搜遣難敵將騎入漢中外言助光內實應虎至州城下光以牛酒饗勞遣與孟長共討之孟長自處前難敵繼後與虎戰久難敵從後擊孟長大破生禽孟長殺之九月光悉死州人共推始平太守胡子序領州冬十月虎與氏急攻州城子序不能守安城退走氏虎得州城發光塚焚其屍喪難敵得光鼓吹妓樂自號刺史虎領吏民入蜀漢中民張咸等討難敵退還咸復入蜀於是三州沒為雄矣蜀自太康至于太安頗怪異成都北鄉有人嘗見女子僻入草中往視物如人有身形頭目口無手足能動搖不能言廣漢有馬生角長大各半寸又有驢無皮毛袒肉飲食數日死繁什那郡江原生草高七八尺莖葉赤子青如牛角內史耿勝以為朱草表美於成都王元康三年正月申中啟一夜有火光地仍震童謡曰郫城堅蓋底穿郫中細子李特細又曰江橋頭闕下市成都北門十八字及尚在巴郡也又曰巴郡葛當下美巴郡皮素之西上也又曰有客有客來侵門陌其氣欲索武平府君云譙周言巴沒三十年後當有異人入蜀蜀由之亡蜀亡之歲去州三十三年又曰宋岱不死則孫卓不交市三百之間流離之首懸於轅門愚以為宋岱方進卓見符質及更

推敗設俗生在無所保據也杜弢自相中與柳監軍書曰前諸人不能寬李特一年又不以徐士權為汝山太守而屯故如此謂失之毫釐差以萬里斯言有似然必不以杜漸為恨者流民初西當承詔書閉關不入其次易代趙敏選宜內遣平西綿竹之會聽王敦之計少可以甯毫釐之覺非彼之謂也

譚曰先王規方萬國必兼親尊賢能而任宗盟者蓋內藩王室外禦叛侮故元牧有連率之職奉貢無失職之愆爰及漢氏部州必卿佐之才郡守皆台鼎之望是以王尊王褒著名前世第五倫蔡茂徑登三司斯作速之准格不凌之令範也自大同後能言之士無不以西土張曠為憂求王皇宗樹賢建德于時莫察視險若夷缺垣不妨任非其器啟戎長寇遂復三州詩所謂四國無正不用其良也

李特

晉常璩著

李特字元休畧陽臨渭人也祖世本巴西宕渠賈民種黨勁勇俗好鬼巫漢末張魯居漢中以鬼道教百姓賈人敬信值天下大亂自巴西之宕渠移入漢中魏武定漢中曾祖父虎與杜朴胡約楊車李黑等移于畧陽北上復號曰巴人特父慕為東羌獵將特兄弟五人長兄輔字元政次特特弟庠字元序庠弟流字元通流弟驥字元龍皆銳驍有武幹特長子湯字仲平好學有容觀少子雄字仲儁初特妻羅氏夢雙虹自門昇天一虹中斷羅曰吾二兒若有先亡在者必大貴雄少時辛冉相當貴有劉化者道術士也言關隴民皆當南移李氏子中惟仲儁天姿奇異終為人主鄉里人多善之與叔父庠並以烈氣聞人多歸之既克成都眾皆飢餓驥乃將民入郫王城食穀芋雄遣信奉迎范賢欲推戴之賢不許更勸雄自立永興元年冬十月楊驥楊珪共勸雄稱王雄遂稱成都王追尊曾祖庸曰巴郡桓公祖慕龍西王父特景王母曰太后追謚世祖輔齊烈王仲父庠梁武王仲父離秦文王兄湯廣漢壯文公以叔父驥為太傅庶兄始為太保外兄李國為太宰國弟離為太尉從弟雲為司徒璜為司空闕式為尚書令驥為僕

射發為侍中珪為尚書洪為益州刺史徐興鎮南王達軍師具置百官下赦建元大武迎范賢為丞相從弟置流子
 也以不陪列誅之賢既至尊為天地太師封西山侯復其部曲軍征不預租稅皆入賢家賢名長生一名延年又名
 元重一曰支字元涪陵丹興人也光熙元年雄稱皇帝改元晏平永嘉三年羅叢司琦等殺李離於梓潼時閬武去
 雄依離并見殺驩攻不克時李雲李璜皆戰死明年文石殺李國以巴西梓潼為晉平寇將軍李鳳在晉壽梁州先
 以為雄所破不守而譙登在涪平西參軍何奮屯漢安之宜福張羅屯平無後漢書趙德逼雄將張寶弟全在司
 琦中雄遣寶反為奸許以代離寶素勇先殺人而後奔梓潼密結心腹會羅尚遣使慰勞琦等出送其使寶從
 後閉城門琦等奔巴西雄得梓潼拜寶為太尉雄自攻奮奮走遣驩攻登登初將驩子壽欲以誘驩被攻急救援不
 至還驩壽五年春驩獲登遣李始督李鳳攻巴西殺文碩是歲雄姨弟任小受張羅募手刃雄頭雄既死改元玉
 衡是後扶風鄧芝楊虎等各率流民前後數千家入蜀以鳳為征北梁州任回鎮南南夷賓州李恭征東南蠻荊州
 皆大將軍校尉刺史雄驩勤卹百姓於內鳳回恭招流民於外稱有功氏符成隗文既降復叛手傷雄母及其來也
 咸釋其罪厚加待納皆以為將天水陳安舉龍石來降武都氏王楊茂搜奉責稱臣杜弢自相州使使求援晉涼州
 刺史張駿遣信交好漢嘉夷王冲遣李入質頃之朱提番昭率民歸降建寧蠻量蒙嶮委誠其餘附者日月而至雄
 乃虛已受人寬和政役速至適安年豐穀登乃興文教立學官其賦民男丁一歲設三斛女丁一斛五斗疾病半之
 戶調絹不過數文綿不過數兩事少役稀民多富實至乃問門不閉路不拾遺獄無滯囚刑不濫及但為國威儀無
 則官無秩祿職署委積班序無別君子小人服章不殊貨賄公行懲勸不明行軍無號令用兵無部伍其戰勝不相
 讓敗不相救攻城破邑動以虜獲為先故網紀莫稱李鳳在北數有戰降之功時蕩子雄也晉壽害其功大興元年
 鳳以巴西叛驩討之久住梓潼不敢進雄自至涪驩遂斬鳳以壽代鳳以知州征事二年驩伐越雋又分伐朱提
 三年獲太守西夷校尉李釗夏進伐賓州大敗於螻螂還初氏王楊茂搜子難敵堅頭為劉曜所破奔晉壽晉壽守
 將李推湯第二子也受其賂遺不送成都曜既引還難敵兄弟還武都遂即叛難敵失計連白雄求代氏雄

許之羣臣多諫雄不從遣稚兄珍以待中中領軍統稚攻難敵由白水道壽遣田稚弟珩由陰平入二道討氏難敵
 等先拒壽珩壽不進而珍推徑至下辦以深入無繼大為氏所破稚珩皆死者千餘人雄深自咎責以謝百姓
 珍蕩之元子有名望志尚雄欲傳以後世甚痛惜之雄妻任無子養珍弟班為子雄自有庶子十五人群臣上立嗣
 雄曰孫仲謀劉有江東伯符其兆子止侯爵國志恥之宣公舍子立弟君子以為知人吾將彌縫國志之恥以繼
 宣公之美驥與司徒王達諫以為不可雄不從永昌元年冬立班為太子驥泣曰亂始於是矣泰甯元年越雋斯
 叟反攻圍任回及太守李謙遣其征南費黑敵之咸和元年夏斯叟破二年謙移郡民於蜀三年冬驥死追贈相國
 謚曰漢獻王壽以長還拜珩征北梁州代壽以班行撫軍將軍修晉壽軍屯五年拜壽都督中外諸軍大將軍中護
 軍西夷校尉錄尚書總統如驥冬壽率征南費黑征東任邵伐巴東至建平監軍母邱與退保宜都六年春壽還遣
 任邵屯巴雄以子越為車騎任廣漢秋壽伐陰平冬城浩陵七年秋壽南征賓州以費黑為司馬與邵擊等為前
 軍由南廣入又別遣任回子調由越雋冬十月壽黑至朱提朱提太守董炳固城賓州刺史尹奉遣建甯太守霍彪
 大姓嬰深等助炳時壽已圍城欲逆拒之黑曰料城中食少霍彪等雖至齋糧不多宜令人入城共消其穀猶嫌其
 少何緣拒之彪等皆入城城久不下壽欲急攻之黑諫曰南道險俗好反亂宜必待其詐勇已困但當日月制之全
 軍取勝以求有余濶牢之物何足汲汲也壽必欲戰果不利乃悉以軍事任黑八年春正月炳彪等出降威震十三
 郡三月刺史尹奉舉州委質遷奉於蜀壽領賓州南夷初平威禁甚肅後轉凌掠民秋建甯州民毛衍羅屯等反殺
 太守邵擊梓柯太守謝恕舉郡為晉壽破之九年春分賓州置交州以霍彪為賓州建甯蠻深為交州刺史封壽建
 甯王張駿使恭軍傳穎治中張滔遣雄書勸去尊號稱藩於晉雄引見謂曰吾過為士大夫所推然本無心於帝王
 也貴州將令行河沙常所希冀進思共為晉室元功之臣退思共為守藩之將掃除氛埃以康帝宇而晉室凌遲德

聲不振引領東望有年月矣會獲來貺情鈞閣室有何已已穎浩以為然使聘相繼巴郡嘗告急云有東軍雄曰吾常慮石勒跋扈侵逼瑯琊以為耿耿不圖乃能舉軍使人欣然雄之雅談多如此類三月壽還夏六月癸亥雄疾病卒時年六十一偽諡曰武帝廟稱太宗凡自立三十年冬十二月丙寅葬成都墓號安都陵也

班字世文蕩第四子也少見養於雄年十六立為太子好學愛士每觀書傳謂其師友天水文慶隴西董融等曰吾見周景王太子晉魏太子丕吳太子孫登文章鑒識超然卓絕未嘗不有慙色何古人之難及乎進止周旋動於咨問但性輕躁失在田獵甲子襲位珩來奔畏勸遣雄子越還江陽而欲令期代已知北事班以未差不許遣珩還浩冬十月癸亥期越殺班於臨次并殺班仲兄領軍都弟珩奔晉期偽諡曰戾太子壽追諡曰哀皇帝十幽顯為期所殺班兄弟五人皆兵死四人無後珩在晉歷巴郡襄陽宜都太守龍驤將軍永和三年從征西於山陽戰死也

期字世運雄第四子也母再賤雄妻任養為子少攻學問有容觀雄時令諸子各募合部曲多者纔得數百人而期獨得千餘人為安東將軍雄亡越自江陽來赴喪兄弟怏怏既以班非雄所生又慮珩不利已與兄越密謀圖班太史令韓豹上言宮室有陰謀兵氣戒在親戚班不悟遂因夜哭越殺班期自立以越為相國與壽并錄尚書事進壽大都督徙封漢王使討珩於浩封越建寧王以仲兄霸為中領軍鎮南弟保鎮西西夷校尉汶山太安從兄始征東代越皆大將軍珩走即拜壽梁州知北事咸熙元年春正月立妻閻氏為后下赦改元玉恆秋以司隸景騫為尚書令征南費黑為司隸班舅羅演為僕射舅羅演與漢王相天水上官渡謀襲期立班子幽謀泄殺渡并誅班母羅瑤子穰稚妻咎二年忌從子載多才藝記他事誅之而霸保皆暴病死於是大臣自疑骨肉不相親而期志益廣忽慢父時公卿政刑失錯四年夏四月壽自浩還襲期假以誅越騫為言越請散財募士格戰期謂壽不自薄不許既誅越騫初廢期為印都縣公五月乃殺期及誅李始等殺兄弟十餘人期死時年二十四諡曰幽王五年徙其妻子於越舊勢又使人就越舊誅其子

壽字武考有幹局愛尚學義志度少殊於諸子雄奇之自代父為將志在功名故東征南伐每有敘事雄疾病侍疾左右左右侍臣造雄顧命寄託於壽期之殺班也李始初欲附壽圖共討期壽不敢始怒說期取壽憚李珩在北欲藉壽討之故不許壽既受漢封北伐珩告以去就利害假道故珩得由巴順水東下吳壽雖代珩鎮浩歲終當入朝觀常自危嫌輒造漢中守將張才急書告方外寇警咸康二年冬北入漢中破走司馬勳壽見期越兄弟十餘人年方壯大而手下有強兵懼不自全數聘命高士巴西龍壯壯雖不應恐見害不得已數見壽時岷山崩江水竭壽緣劉向之言而惡之每謀壯以自安之術壯之父及叔皆為特所殺欲假手報讐未有其由因說立事何如舍小從大以危易安開國裂土長為諸侯名高桓文勳流百代矣壽從之陰與長史畧陽羅恆巴西解思明共謀據成都為晉稱藩會養弟攸從成都病還死道中乃伴言越樂殺之又詐造妹婿任調書言期越當廢壽以惑群下群下信之乃誓文武許賞城中資財得數千人南攻成都子勢為開門內應遂獲期越誅其宗族十餘人兵入虜掠民家姦淫雄公主及李氏諸婦多所殘害數日迺定恆與思明及李奕王利等勸壽稱鎮西將軍益州牧成都王以壯為長史告下又勸令送期於晉任調與司馬蔡興侍中李艷及張烈等勸壽自立壽亦生心遂背思明所陳之計稱漢皇帝尊父驥曰獻帝母督氏曰太后下赦改元漢興以恆為尚書令思明為廣漢太守任調鎮北梁州知東羌校尉李奕鎮西西夷校尉更代諸郡及卿佐皆用宿人及已參佐省文州以從子權為鎮南南夷賓州於是成都諸李子弟無復秉兵馬形勢者雄時舊臣及六郡人皆斤廢也秋七月李奕從兄乾與大臣合謀欲廢壽壽懼使子廣與大臣盟要為兄弟進李闕為征東荊州移鎮巴郡八月天連陰雨禾稼傷損百姓飢疫草莽臣龔壯上封事曰臣聞陰德必有陽報故于公理獄高門待封伏惟獻皇帝寬仁厚惠宥罪甚眾靈德洪洽誕鍾陛下陛下天性忠篤愛遺建節志齊周霍誠貫神明而志緒違理顛復顧命管蔡既興讒譏滋蔓大義滅親撥亂濟危上指星辰昭告天地歃血盟眾舉國稱藩天應人悅白魚登舟震震助威烈風順義神誠允暢日月光明而論者未喻權時定制淫雨沍潰垂向百

日木稼損傷加之飢疫百姓愁望或者天以監示陛下又前日之舉止以救禍陛下至心本無大圖而今久不變天下之人誰復分明知陛下本心者哉且元宮之讖難知而盟誓顧違一旦疆場有急內外騷動不可不深思長久之策承為子孫之計也愚謂宜遵前盟誓結授吳會以親天子彼必崇重封國歷世雖降階一等承為靈德宗廟相承福祉無窮君臣名勳於上生民富息於下通天下之高理宏信慎之美義垂拱南面歌詩興禮上與彭章爭美下與齊晉抗德豈不休哉論者或言二州人附晉必榮六郡人事之不便昔豫州人蜀荆楚人貴公孫述時流民康濟及漢征蜀殘民大半鍾鄧之役放兵大掠誰復別楚蜀者乎論者或不達安固之基惜其名位在昔諸侯自有卿相司徒司空宋魯皆然及漢潘王亦有丞相今義歸彼但當崇重豈當減削昔劉氏郡守令長方仕州郡者國亡主易故也今日義舉主榮臣賴當可同日而論也論者又謂臣當為法正陛下復臣如天養臣如地恣臣所安至於名榮漢晉不處臣復何為當侔法正論者或言晉家必責質任及徵兵伐胡何以應之案晉不煩尺兵一國來附威卷四海廣地萬里何任之責胡之在北亦此之憂今平居有東北之虞縱令徵兵但援漢川猶差二門耳臣託附深重忘疲病之穢實感殊遇冀以微言少補明時常懼殞歿不寫愚心辜負恩顧謹進控控伏願罪戮壽不悅然拘前言秘藏之九月僕射任頴雄妻弟也謀反誅并殺雄子約等五年春二月晉將伐巴郡獲李閔閔恭子也初受許自牛鞞以東土斷與閔執政者以為不可乃止復不益兵故復沒閔弟艷以是怨故與朝右有隙是時壽疾病恆思明等復議奏晉計尋巴郡破壽以為附晉晉當以兵威故不能自斷遂報計三月拜李奕鎮東代閔夏建甯太守孟彥率州人縛甯州刺史霍彪於晉舉建甯為晉遣右將軍李位都討之時權在越雋秋又遣尚書廣漢李攄為御史入南中攄祖毅晉故甯州刺史以向與南人有舊故遣之攄從兄演自越雋上書勸壽歸正返本釋帝稱王壽怒殺之車騎將軍王韜為參軍右車騎將軍王韜為參軍九字前後文不相屬不知何事也今仍舊本存此九字於後以待考

謂之漢勢之弟大將軍廣以勢無子求為太弟勢不許馬當解思明固請許之勢疑與廣有謀收當思明斬之廣自殺思明破收歎曰國之亡以我數人在也今其殆矣思明有智畧敢諫諍馬當素得人心及其死士民無不哀之冬李奕自晉壽舉兵反單騎突門門者射殺眾潰勢大散境內改年嘉甯勢驕淫不卹國事中外離心蜀土無僚切西南夷別族至是始從山出自巴至健為梓潼布滿山谷大為民患加以飢饉境內蕭條三年春二月桓溫伐蜀軍至青衣勢大發兵遣督堅等將之皆姓也自山陽趣合水諸將欲設伏江南以待晉兵督堅不從引兵自江北督壽碛渡向健為時渠羅切溫自將步卒直至成都督堅至健為乃知與溫異道還自沙頭津濟北至溫已軍於成都之十里陌堅眾自潰勢悉眾出戰于笮橋音中中書監王嘏散騎常侍常璩勸勢降勢乃夜開東門走至葭萌使散騎常侍王幼送降文於溫勢至建康封歸義侯 李氏自起事至亡六世四十七年正月號四十二年蜀中亦有怪異期時有狗豕交木冬祭時涪陵民樂氏婦頭上生角長三寸凡三截之又有民馬氏婦姓身而脇下生其母無恙兒亦長育有馬生駒一頭兩身相着六耳一牡一牝又有大雨血於江南數畝許李漢家春米自中跳出遂斂於箕中又跳出寫於篋中又跳出有猿居鳥巢至城下地仍震又連生毛其天譴不能詳也

譏曰特流乘釁險害雄能推亡固存遭皇極不見遇其時與期倡為禍階而壽勢終之詩所謂亂離瘼矣矣其適歸者也長老傳譙周識曰廣漢城北有大賊曰流曰特攻難得哉在元宮自相賊終如其記先識預覩何異古人乎歷觀前世偽僭之徒縱毒虐劉未有如茲每惟殷人邱墟之歎賈生過秦之論亡國破家其監不遠矣

張佳胤曰常璩華陽國志目錄及序志皆云述李特雄期壽勢志則先固有志也今諸本皆無之意者傳寫脫漏因循不錄遂失之爾今本諸通鑑所述參以載記所書續成勢志用補其缺以俟後之博洽君子云又史載散騎常侍常璩實勸李勢降桓溫璩必作志者因續記此云

漢中士女志

華陽國志

三

鄭子真襄中人也元靜守道履至德之行乃其人也教曰忠孝愛敬天下之至行也神中五徵帝王之要道也成帝元舅大將軍王鳳備禮聘之不應家谷口世號谷口子真亡漢中與立祠神中五徵未詳其義衛衡字伯梁南鄭人也少師事隱士同郡樊季齊以高行聞郡九察孝廉公府州十辟公車三徵不應董扶任安從洛還過見之曰京師天下之市朝也足下猶之人耳何其在遠以虛名屢動徵書若至中國則價盡矣衡笑曰時有險易道有汗隆若樊季齊楊仲桓雖應徵聘何益於時乎苟無所則尼軻恟恟是以君平子真不屈其志其子之徒也哉吾何虛假之有安扶服之敬其言也

鄧先城固人也景帝時御史大夫晁錯患諸侯強大建議減削會吳楚七國謀反假言誅錯故吳相來盪諧帝殺之拜盪太常使赦七國七國遂叛鄧公為謁者入言軍事問曰七國聞晁錯死罷兵不對曰吳王即山鑄錢煮海為鹽謀反積數十年錯患之故欲削弱為萬世策諸侯憂之計畫始行身死東市諸侯莫憚囚杜忠臣之口外為諸侯報怨臣竊為陛下不取也帝歎息曰吾亦恨之武帝初為九卿

張騫城固人也為人強大有謀能涉遠為武帝開西域五十三國窮河源南至絕遠之國拜校尉從討匈奴有功遷衛尉博望侯於是廣漢緣邊之地通西南之蹇豐絕遠之貨令帝無求不得無思不服至今方外開通蹇之功也張猛字子游襄孫也師事光祿勳周堪以光祿大夫給事中侍元帝帝當廟祭濟渭欲御樓船御史大夫薛廣德當車免冠乞頸血汚車輪陛下不得廟祭矣帝不悅猛進曰主聖則臣直今乘船危就橋安聖主不乘危故大夫言之帝曰曉人不當如是也後與周堪俱以中正為幸臣宏恭石顯所譖毀乍出乍徵堪平和猛卒自殺

楊王孫城固人也治黃老家累千金厚自奉養臨終告其子曰我死裸葬以復吾真但為布囊盛尸入地七尺既下從足脫之以身親土其子不忍見王孫友人祁侯諫之王孫曰厚葬無益死者也夫儻財送死今日人明日發此真無異暴骸中原裹以幣帛隔以棺槨哈以珠玉後腐朽乃得歸土不可故吾欲早就真宅祁侯無以易卒葬蓋如其言

李邵字孟節南鄭人也少明經術為郡侯吏和帝遣使者二人微行至蜀宿節侯舍節為出酒夜飲露坐節問曰君來時宜知二使何日發來耶二人怪問之節指星言曰有二使星入益部後一人為漢中太守命為功曹察孝廉遂馳名為尚書郎從左丞趙遷至尚書僕射尚書令拜司空又進司徒清公直亮當世稱名順帝世薨

李固字子堅節子也陽嘉三年以對策忠元拜議郎大將軍梁高后父也表為從事中郎授荊州刺史值州部有亂至州先友共賢者南陽鄭叔躬宋孝節零陵支宣雅表薦長沙桂陽太守趙歷卒已奏免江夏南郡太守孔疇高賜等州土自然安靜按本傳固奏高賜等賜等懼徙太山太守克甯盜賊人為將作大臣多致海內名士南陽樊英江夏黃瓊廣漢楊厚會稽賀純光祿周舉侍中杜喬陳留楊倫河南尹存東平王暉陳國何臨清河房植等皆蒙徵聘轉太司農順帝崩太后臨朝拜太尉與后弟大將軍梁冀太傅趙峻並錄尚書冲帝崩時徐揚有盜賊太后欲不發喪須召諸王至固爭不可言國家多難宜立長君太后欲專權乃立樂安王為質帝質帝崩太后復與梁冀謀所立固與司徒南郡胡廣司空蜀郡趙戒書與冀引周勃霍光立文宣以安漢之策闔鄧廢立之禍言國統三絕

期運厄會與崩之漸在斯一舉宜賢求王親迎不可寢嘿也冀得書召公卿列侯議所立三公及鴻臚杜喬會舉清河王蒜莫然之奏御太后中常侍曹騰私恨蒜說冀明日更議廣戒從冀固與喬必爭蒜宜立中興才也且年長識義必有厚將軍莫不聽策免固喬戒餘取下獄以無事出之京師市邑皆稱千萬歲冀惡其為人所善更奏擊之固書與二公曰吾欲扶持漢室使之比隆文宣何圖梁將軍迷謬諸子曲從以吉物為凶成事為敗漢家哀微從是始矣將軍亦有不利吾雖死上不慚於天下不愧於人求義得義死復何恨遂自殺三公得書歎息流涕士民咸哀哭之桓帝無道冀受誅漢家遂微政在閭宦無不思固也

張亮則字元修南鄭人也為梓柯太守威著南土永昌越雋夷謀欲反畏則換臨其郡相諫而上疏曰卧虎以成狀
動邊護羌校尉徵拜扶風又換臨桂陽皆平盜賊已郡板楯反拜隆集校尉鎮漢中徙梁州刺史又為魏郡太守所
在稱治靈帝崩後大將軍袁紹表為長史不就丞相曹公拜度遼將軍

趙宣字子雅南鄭人也出自寒微以溫良博雅太守掾為楊文方深器異之遂察孝廉官至掾為太守

趙瑤字元珪瑛字稚珪凡七兄弟宣子也皆以令德著聞瑤少有公望瑤始為族氏表趙二公相與書曰趙瑤在維
氏猛虎歸迷百里均耳叔平何難遷扶風太守徙蜀郡司空張溫謂之曰昔弟五伯魚徙蜀郡為司空掃吾第以待
足下矣瑤曰諾尋換廣漢卒瑛始為青州刺史部下清肅徙梁伯徵拜尚書不就卒

陳綱字仲卿成固人也少與同郡張宗受學南陽以母喪歸宗為安眾劉元所殺綱免喪往復之值元醉卧還須醒
乃殺之自拘有司會赦免三府並辟舉茂才拜宏農太守初至有兄弟自相責引退是後無訟者在官九年卒天子
痛惜賜家錢四十萬

李法字伯度南鄭人也桓帝時為侍中光祿大夫素表宦官太盛椒房太重史官記事無實錄之才虛相褒述必為
後笑帝怒免為庶人恬然以咎失為己責久之徵拜汝南太守遭司隸校尉湛然無自得之容

李燮字德公太尉固子也父死時二兄亦死燮為姊所遣隨父門生王成亡命徐州傭酒家酒家知非常人以女妻
之延熹二年梁冀誅後月經陽道暈五車史官上書昔有大星升漢而西捲舌揚芒迫月熒惑犯帝座則有大臣枉
誅星在西方太尉固應之令暈如之宜有赦命錄其遺嗣以除此異於是下赦燮得返舊四府並辟公車徵議郎
與趙元珪穎川賈偉節荀慈明張伯慎為友伯慎為穎川太守與慈明交相言論偉節與馬京師以為臧否伯慎問
趙元珪曰德公所言何元珪曰無言也伯慎追歎曰當如德公兒輩徒靡沸耳慈明亦寤而心變拜東平相國王為
黃巾所沒得出天子復封之燮以為不可果敗遷京兆尹時人為之語曰李德公父不欲立帝子不欲立王

陳雅字伯臺成固人也靈帝時為諫大夫閹宦用事上疏曰昔孝和帝與中常侍鄭眾謀誅大將軍竇憲由是宦官
秉權安帝幼冲和熹太后兄大將軍鄧騭輔政太后適崩中常侍江京等殺騭安帝登遐黃門孫程又殺車騎將
軍閻顯孝桓帝又與中常侍單超等共誅大將軍梁冀陛下即祚太傅陳蕃大將軍竇武尚書令尹勳等欲誅宦
官絕其奸擅盡忠王室建萬世策機事不密為中常侍朱瑀等所殺此即陛下所見今宦官強威傾人主天下鉗
口莫敢言者海內怨望妖異並作四方兵起萬姓辛苦陛下尚可以安泰後嗣何帝不省納出為已郡太守年七十
五卒臨終戒其子曰期運推之天下將大亂雄夫力爭無以資財為意吾亡依山薄塋亡歲餘靈帝崩大將軍何
進復為黃門所殺海內果亂終成三國也

閻憲字孟度成固人也名知人為綿竹令以禮讓為化民莫敢犯男子杜成夜行得遺物一囊中布錦一十五足求
其主還之曰縣有明君何敢負其化童謠歌曰閻尹賦政既明且景去苛去辟動以禮讓遷蜀郡民泣涕送之以千
數

李歷字季子太尉固從弟也少修文學性行清白與鄭康成陳元方齊名弱冠拜新城令朝請都督

程苞字元道南鄭人也光初二一年上計吏時已郡板楯反軍旅數起征伐頻天子患之訪問益州計考以方畧苞對
言板楯忠勇立功先漢為帝義民羌入漢中輒蒙其力東征南戰世有功勞由不料郵以致叛亂非有借盜能相群
殺兵臨之未必卒得不如但選明能太守恩信懷服自然安定矣天子從之卒如其言後在道卒

祝龜字元靈南鄭人也年十五遠學汝隸及太學通博鴻達能屬文太守張府君奇之曰吾見海內士多矣無如祝
龜者也州牧劉焉辟之不得已行授段萌長撰漢中者舊傳以著述終

段崇字禮高南鄭人也太守河間鄭廙命為主簿永初四年涼州羌反溢入漢中從廙屯褒中廙東攻廙欲戰崇諫
不可願固墨待之廙不聽出戰敗績崇與門下吏王宗原展及子勃兄子伯生推鋒死戰眾寡不敵崇等皆死羌遂

得屋殺之

程信字伯義南鄭人也時為功曹守居馳來赴難殞殮屋喪送還鄉里訖乃結故吏冠蓋子弟二十五人言共報雋各募敢死士以待時太守鄧成命信為五官元初二年虜復來信等將其同志率先奮討大破之信被入創死天子咨嗟元初五年下詔書賜信崇家穀數千斛有王宗原展及嚴李容姜濟陳已曹廉句矩劉旌九人皆以令義為鄭廬所命王宗原展與廬同死李容等七人與信共并命詔書既賜崇信家又賜九子家穀各五百斛給死事燕邠字元侯趙嵩字伯高南鄭人也陳調字元化仲卿孫也邠為刺史卻儉從事使在葭萌與從事董頤張盾同行儉為黃中賊王饒趙播等所殺邠聞故哀慟說頤盾趙難二子不可邠難曰使君已死用生何為獨死之牧劉馬嘉之為圖象學宮誅馥等嵩事太守蘇固固為米賊張修所疾殺嵩痛之仗劍直入修營殺十餘人幾獲修死陳調少尚遊俠聞固死聚賓客百餘人攻修大破之進攻修營乃與戰以傷死又有陳術字申伯作者舊傳者也失其行事歷新城魏興上庸三郡太守及錫光等不列也

穆姜安眾令程祇妻司隸校尉李法姊也祇前妻有四子興敦觀豫穆姜生二子淮基祇亡興等憎惡姜姜視之愈厚其資給六子以長幼為差衣服飲食凡百如之久興等感寤自知失子道謁南鄭獄受不受親罪太守嘉之復除門戶常以二月八月社致肉三十斤酒米各二斛六斗六子相化皆作令士五人州郡察舉基字稚業持雋免為南郡太守

秦瑛南鄭楊相妻大鴻臚劉巨公女也有四男二女相亡教訓六子動有法矩長子元珍出行醉母十日不見之曰我在汝尚如此我亡何以帥群弟子元珍叩頭謝過次子仲珍白母請客既至無賢者母怒責之仲珍乃革行交友賢人兄弟為名士秦瑛之教流於三世四子才官隆於先人故時人為語曰三苗口止四珍復起杜泰姬南鄭人趙宣妻也生七男七女若元珪稚珪有望五人皆令德其教男也曰中人情性可上下也在其檢耳

若放而不檢則入惡也昔西門豹佩韋以自寬宥子賤帶弦以自急故能改身之恆為天下名士戒諸女及婦曰吾之委身在乎正順及其生也恩自於撫愛其長之也威儀以先後之體貌以左右之恭敬以監臨之勤恪以勸之孝順以內之忠信以發之皆是以成而無不善汝曹度幾勿忘吾法也後七子皆辟命察舉牧州守郡而漢中太守南鄭令多與七子同歲季考上計無不修敬泰姬執子孫禮

禮珪成固陳省妻也楊元珍之女生二男長娶張度遼女惠英少娶荀氏皆貴家豪富從婢七八資財自富禮珪教二婦曰吾先姑母師也常言聖賢必勞民者使之思善不勞則逸逸則不才吾家不為貧也所以粗食給吾者使知苦難備獨居時二婦再拜奉教從孫奉上微慢珪抑絕之感吾輩行遭亂流行宗表欲見之必自嚴飾從子孫侍婢乃引見之曰此先姑法也四時祭禮自親養牲釀酒曰夫祭禮之尊也年八十九卒惠英亦有淑訓母師之行者也

文姬南鄭趙伯英妻太尉李固女也父為梁冀所免兄憲公季公罷官歸文姬數曰李公滅矣乃與二兄議匿弟燮父門生王成亡命徐州涕泣送之謂成曰託君以六尺之孤若李氏得嗣君之名義參於程杆久之遇赦燮得還行喪服闋勅之曰先公為漢忠臣雖死之日猶生之年梁冀以族弟幸得濟豈非天乎慎勿有一言加梁氏加梁氏則連主上是人又撥禍也奉行之從成在徐州各異處傭賃而私相往來成病亡燮四時祭之

陳順謙成固久也順謙適鄧令曹甯十九寡居長育遺孤八十餘兄弟陳規著書歎述之惠謙適張亮則在扶風官下吏白欲重禁嚴防以肅非元修訪於惠謙惠謙曰法宏德教養廉免恥五刑三千益亦多矣又何加也兄弟伯思學仙道惠謙戒之曰君子疾沒世名不稱不志年不長也且夫神仙愚惑如繫風捕影非可得也伯思乃止陳伯臺稱云女尚書之後耳

禮修趙嵩妻張氏女也姑酷惡無道遇之不以禮修終無愠色及甯父母父母問之但引咎不道姑卒感寤更慈愛

之鄉人相訓曰作婦不當如趙伯高婦乎使惡姑知變可謂婦師矣後姑病女來省疾姑却之曰我死固當絕於賢婦手中後遭米賊蒿死乃碧塗面亂首懷刀託言病賊不通也養遺生女依父叔立義終身者也
韓樹南南鄭人趙子賤妻也子賤初為郡功曹李固之誅詔書下郡殺固二子憲公李太守知其枉過之甚寬二子託服藥死具棺器欲因出逃子賤畏法救更驗實就殺之及固小子變得還子賤慮變報仇賃人刺之愛覺告郡殺子賤初樹南諫子賤子賤不從及臨死許共并命兄弟婢侍婢視守之經百餘日乃息曰兄婢念一死萬不得生不敢復圖死也上下以為信然無幾時於幕下自殺
梓潼士女志

晉常璩著

文齊字子奇梓潼人也孝平帝末以城門校尉為捷為屬國遷益州太守造開稻田民咸賴之公孫述時拒郡不服述拒其妻子許之公侯招之不應乃遣使由交趾貢獻河北述平世祖嘉之徵拜鎮遠將軍封成義侯南中咸為立祠子忱有令德為北海太守
李業字巨遊梓潼人也少執志清白太守劉咸慕其名召為功曹不詣咸怒欲殺之業徑入獄咸釋之公孫述累聘不應述怒遣鴻臚尹融持毒藥酒逼之業笑曰名不可毀身可殺不可辱也遂飲藥死述恥殺名士賜錢百萬子輩逃匿不受建武中察孝廉為遂久令
景毅字子文堅梓潼人也太守丁羽察舉孝廉司徒舉治劇為沅陽侯相高陵令立文學以禮讓化民遷太守上封吏守闕請之三年不絕以子顧師事少府李膺膺誅自免久之拜成都令遷益州太守上封吏民涕泣送之至沮者七百八白水縣者三百人值益州亂後米斗千錢穀至恩化暢洽比去米斗八錢鳴鳥巢其廳孕育而去三府表薦徵拜議郎自免歸州牧劉焉表拜都尉為人廉正疾淫祠教子孫惟修善為禱仁義為福年八十一而卒

楊克字盛國梓潼人也少好學求師遂業受古學於扶風馬季長呂叔公南陽朱明叔穎川白仲職精究七經其朋反則穎川荀慈明李元禮京兆羅叔景漢陽孫子夏山陽王叔茂皆海內名士還以教授州里常言圖緯空說去事希畧疑非聖不以為教察孝廉為郎卒

景鸞字漢伯梓潼人也少與廣漢郝伯宗蜀郡任叔本穎川李仲渤海孟元叔遊學七州遂明經術還乃撰禮畧河洛文集風角雜書月令章句凡五十餘萬言太守口貺命為功曹察孝廉舉有道博士徵不詣然上陳時正言經得失又戒子孫人紀之禮及遺令期死墓不設衣襟務在節儉甚有法度卒終布衣

張壽字伯禧涪人也少給縣丞楊放家放為梁賊所得壽求之積六十始知其生存乃賣家鹽并得三十萬市馬五匹往蜀放道為羌所劫掠盡凡往三年計道遠不可得數乃單身詣虜涕泣自說虜哀其屢來遣放隨還郡召為中侯詔書除丞尉以身佩印畫襲所有財物與二弟復為郡掾音平賦後歲出三百五十萬遷功曹吏徙五官掾卒李餘涪人父早死兄夷殺人亡命母慎當死餘年十三問人曰兄弟相代能免母否人曰趣得一人耳餘乃詣吏乞代母死吏以餘年小不許餘因自死吏以白令哀傷言郡郡上尚書天子與以財幣圖畫府廷

寇祺字宰朝梓潼人也與邑子侯曼俱學涼州曼後為渤海王象所殺祺仗劍至象家值象病象謝曰君子不掩人無備安有為友報讐殺病人也祺乃還久之復往殺象由是察孝廉為瀘陵令濟陰相

王晏字叔博涪人也與廣漢張昌甯叔受業大學昌為河南呂條所殺晏叔殺條事在叔解

李助字翁君涪人也通名方技醫術作經方頌說名齊郭王以上多闕文

李仁字德賢涪人也益部多貴今文而不崇章句仁知其不博乃遊學荊州從司馬德操宋仲子受古學以修文自

終

杜微字國輔涪人也任安弟子先定蜀當梅龍閣門不建安年丞相亮領州牧選為主簿與而致之亮引見與書誘勸發使以德輔時微

固辭焉亮表拜諫議大夫從其所志

尹默字思潛涪人也少與李仁俱受學司馬徽宋忠等博通五經專精左氏春秋自劉歆條例鄭眾賈逵父子陳元方服虔注說畧皆誦述希復案本以左傳授後主後主立拜諫議大夫丞相軍祭酒子宗亦為博士耳

李譔字欽仲仁子也少愛父業又講問尹默自五經四部百家諸子伎藝算計卜數醫術弓弩機械之功皆致思焉為太子中庶子右中郎將著古文周易尚書毛詩三禮左氏注解太元指依則賈馬異於鄭元與王肅初不相見而意歸多同

李福字孫德涪人也先生初為成都令建興九年遷巴西太守後為江州都督陽武將軍入為尚書僕射封平陽亭侯延熙初以前監軍司馬福同郡梓潼文恭仲寶亦以才幹為牧亮治中從事丞相參軍

季姜梓潼文氏女將作大匠廣漢王敬伯夫人也少讀詩禮敬伯前夫人有子博女紀流二人季姜生康稚芝女始示凡前後八子撫育恩愛親紀若一堂祖母性嚴子孫雖見官二千石猶杖之婦跪受罰於堂歷五郡祖母隨之官

後以年老不願遠鄉里姜亦常侍養左右紀流出適分已侍婢給之博好寫書姜手為作衣於是內門相化動行推讓博妻健為楊進及博子遵婦蜀郡張叔紀服姑之教皆有賢訓號之三母堂亡姜勅康稚芝婦事楊進如舅姑中外則之皆成令德季姜年八十一卒四男棄官行服四女亦從官舍交赴內外冠冕百有餘人當時榮之王氏遂世興

杜慈涪杜季女巴郡虞顯妻也十八適顯顯亡無子季欲改嫁與同縣楊上慈曰受命虞氏虞氏早亡妾之不幸當生事賢姑死就養成室存亡等但欲在終供養亡不有限願不易圖季知不可告而奪也乃密謀與強逼迫之慈縊復死

敬楊涪郭孟妻楊文之女也始生夫母八歲父為口盛所殺無宗親依外祖鄭行年十七適孟孟與盛有舊盛數往來孟家敬涕泣謂孟曰盛凶惡薄命為女非男比但惡讐未報未嘗一日亡也雖婦人拘制然父子恩深恐卒狂或益君禍志君宜誅之孟以告盛盛不納安漢元年盛至孟家敬揚以大杖打殺盛將自殺孟止之與俱逃涪令雙勝出追聞其故而止安慰二門會赦得免中平四年涪令向遵為立圖表之

譔曰二州人士自漢及魏二百四十八人而已一百九十七人後賢二十人合二百六十八人以示來世之君子焉如其遺脫及後世可書者願貽後雋又春秋穀梁傳首敘曰成帝時議立三傳博士巴郡胥君安獨馭左傳不祖聖人後漢時魏郡太守王牧薦尹方為三公天子詔尚書即蜀郡張俊策之然不詳其行事

譔曰二州士女自漢及魏可謂眾矣何者世宗多士則相如麟遊伯司鳳翔洛下雲翳叔文龍驤在孝宣則王褒蔚炳中和作詠屬文甘泉詔為世鏡在元成則君公塞塞心恩國病慮經劉危直許王聽其高者則嚴君味道易俗移風仲元端委居為人宗若夫秉心寒淵與物盈沖則揚子雲也名重泰山華夏仰崇則鄭子真也不屈其身志高青雲則譔元也不恥惡君混道推運則楊宣也降及建武明章以來出者則能內貫朝揆外播五教贊和鼎味經綸治要上荅太階下允民熙處者則利居盤桓皓然元蹈天爵斲之人爵則笑懸車門肆夷惠齊紹若斯之倫海內服其英名洙泗方其煥燿矣故曰漢徵八士蜀出其四又曰漢其四義蜀選其二可謂不眾乎然巴郡胥君安以儒學與雅稱於義成蜀郡張俊策問尹方不出五經常議健為呂孟有托孤之節若斯之類郡邑往往垂象刊銘見有苗裔據晚生長亂故老以沒莫所咨質不詳其事但依漢書國志陳君所載凡士女二百四十八人而已後賢二十人合二百六十八人以示來世之好事者如能詳其遺脫及有可書願附於左其傳志父祖子孫及有名失事失官位者不列甯州人事亦不列別為目錄至晉元康末凡三百九十二人也

西州後賢志

晉常璩著

聞之善志者述而不作序事者實而不華是以史遷之記詳於秦漢班生之書備乎哀平皆以世及事適可得而言也西州自奉聖晉後俊瑋個儻之士或修德讓行止從事或播功立事羽儀上京策勳王府甄名史錄伴於先賢會於喪亂軌遺華夏顛墜典藉多缺族祖武平府君愍其若斯乃操簡援翰拾其遺闕然但言三蜀巴漢未列又務在舉善不必珍異揆之者舊竹素宜闡今更僕次損益足銘後觀凡二十八綴之斯篇雖行故隆沒大較舉其一

隅

衛尉散騎常侍文立廣休 散騎穆穆誠感聖君 西河太守柳隱休然 西河列東義居真

漢嘉太守司馬勝之興先 漢嘉克讓謙德之倫 耶令州主簿常助修業 耶君謇謇自固底身

江陽太守何隨季業 江陽皎皎命世清瀟 梓潼太守王化伯遠 梓潼矜矜在險能平

太子中庶子承壽承祚 庶子稽古遠固並聲 漢中太守李安令伯 漢中建睦才益群生

捷為太守杜軫起宗 捷為邛邛友于是令 給事中任熙伯遠 給事溫恭尚德茂榮

中書郎王長文德雋 中書淵識寶道韜明 大長秋壽良文淑 長秋忠肅明允篤誠

大司農西城公何攀惠興 司農運籌思存良平 少府成都威侯李毅允剛 少府果壯文武是經

衡陽內史楊郢岐之 衡陽固節隱然不傾 尚書三州都費立建熙 尚書准繩古之遺直

湘東太守常審季慎 湘東汎愛仁以接物 武平太守常寬秦恭 武平疊疊水清玉巖

揚烈將軍梓潼內史譙登慎明 關 江陽太守侯復世明 關

文立字廣休巴郡臨江人也少遊蜀太學治毛詩三禮兼通群書州刺史費禕命為從事入為尚書郎復辟禕大將軍東曹掾稍遷尚書蜀并于魏梁州建首為別駕從事咸熙元年舉秀才除郎中晉武帝方欲懷納梁益引致雋彥秦始二年拜立濟陰太守武帝立太子以司徒李膺為太傅齊王驃騎為少傅選立為中庶子立上疏曰伏惟皇

太子春秋美茂盛德日新始建幼志誕陟大繇猶朝日初暉良寶耀僕侍從之臣宜簡俊又妙選賢才使視觀則禮容棣棣之則聽納當受嘉話駭耳之言靜應道軌動有所采性清初陽緝與天光其任至重聖王詳擇終非冀休能可堪任臣聞之人臣之道量力受命其所不諧得以誠聞帝報曰古人稱與田蘇遊非舊德乎立上故蜀大官及盡忠死事者子孫雖仕郡國或有不才同之齊民為劇又上諸葛亮將琬費禕等子孫流徙中畿宜見敘用一則以慰巴蜀民之心其次傾東吳士人之望事皆施行十年詔曰太子中庶子立忠貞清實有恩理器幹前在濟陰政事修明後事東宮盡輔導之節昔光武平隴蜀皆收其才秀所以援濟殊方伸叙幽滯也其以立為散騎常侍累辭不許上疏曰臣子之心願從疏以求昵人情貪從幽以致明斯實物性賢愚所同臣者何人能無此懷誠自審量邊荒遺燼犬馬老甚非左右機納之器臣雖至愚處之何顏詔曰常伯之職簡才而受何謙虛也立自內侍獻可替否多所補納甄致二州人士銓衡平當為士彥所宗故蜀尚書捷為程瓊雅有德望素與立至厚武帝聞其名以問立立對曰臣至知其人但年垂八十稟性謙退無復當時之望不以上聞且瓊聞之曰廣休可謂不黨矣故吾善夫人也西界馱馬帝問立馬何如對曰乞問太僕帝每善其恭慎遷衛尉猶兼都職中朝服其賢雅為時名卿連上表年老乞求解替還桑梓帝不聽咸甯末卒帝緣立有懷舊性乃送葬于蜀使者護喪事郡縣修墳塋當時榮之初安樂思世子早沒次子宜嗣而思公立所愛者立亟諫之不納及愛子立驕暴二州人士皆欲表廢立止之曰彼自暴其一門不及百姓當以先公故得爾也後安樂公淫亂無道何攀與上庸太守王崇涪陵太守張寅為書諫責稱當思立言凡立章奏集為十篇詩賦論頌亦數篇同郡毛楚楊崇皆有美德楚梓何守崇武陵太守柳隱字休然蜀郡成都人也少與同郡杜貞柳仲並知名隱直誠篤亮交友居厚達于從政數從大將軍姜維征伐臨事設計當敵陷陣勇略冠軍為牙門將巴郡太守騎都尉遷漢中黃金圍督景耀六年魏鎮西將軍鍾會伐蜀入漢川圍成多下惟隱堅壁不動會別將攻之不能克後主既降以手令勅隱乃詣會晉文帝聞而義之咸熙元年內

移河東拜議郎武帝踐祚以為西河太守在官三年以年老去官乞骸還蜀卒於家時年八十長子充連道令次子初舉秀才杜貞字文然柳仲字雅厚州牧諸葛亮辟為從事禎符節令梁益二州都督仲度支禎子珍字伯重畧陽護軍仲漢嘉巴東太守大同後並舉秀才珍子彌字景文仲子純字偉淑有名德幹器舉秀才巴郡宜都建平太守西夷長水校尉巴東監軍

司馬勝之字興先廣漢綿竹人也學通毛詩治三禮清尚虛素性澹不事榮利初為郡功曹甚善綱紀之體州辟從事進尚書左選郎從秘書郎時蜀國州書佐望與郡功曹參選而從事伴臺郎時重察舉雖位經朝要還為秀孝亦為郡端右景耀末郡請察孝廉大同後梁州辟別駕從事舉秀才歷廣都新繁令政理尤異以清秀徵為散騎侍郎以宗室禮之終以疾辭去職即家拜漢嘉太守候迎盈門固讓不之官閉居清靜諫卑自牧常書世人不務求道德而汲汲於爵祿若吾者可少以為有餘榮矣訓化鄉閭以恭敬為先年六十五卒於家子尊賢佐皆有令德常勗字修業蜀郡江原人也祖父負牂柯永昌太守父高廟令從父閔漢中廣漢太守勗少與閔子志齊名安貧樂道志篤墳典治毛詩尚書涉治羣籍多所通覽州命辟從事人為光祿郎中主事人為尚書左選郎郡請迎為功曹時州將董軍敗置從事職典刑獄以勗清亮復為督軍治訟平當還察孝廉除郡令為政簡而不煩魏征西將軍鄧艾伐蜀破諸葛瞻於綿竹威振西土諸縣長吏或望風降下或委官奔走勗獨率吏民固城拒守後主檄令乃詣艾故郡殺帛全完刺史表鄧嘉勗志節辟為主簿勗善儀容翔集動為表觀言論壯烈州里重之然交友惟賢不交下已者汎愛之恩猶不足鄧征還道卒志字艾通蜀謂者黃門侍郎畏親以致孝聞察孝廉為郎使吳稱職歷長水參軍什邡令大同後刺史邵生治城被徵忌詣洛陳訴遠國初附君民始結不宜改易又表脩治城池居安思危邊將常職事皆中情晉文帝時為相國辟忌舍人武帝踐祚拜騎都尉除河內令州名為難治忌挫折豪勢風教大行縣有姦嫂殺兄者群黨蔽匿前令莫得忌皆窮治入為州都方議為郡守會卒忌為人信道任數不從下人故

為貴勢所不善是以作詩著論先攻已短臨喪與樂歡哀俱至為士類所稱忌友人廣漢段宗仲亦有學行蜀時官與忌比表邵為主簿與忌共理郡事文帝善之梁州辟別駕從事舉秀才稍遷官至雲南建甯太守

何隨字季業蜀郡郫人也漢司空武後世有名德徵聘入官隨治韓詩歐陽尚書研精文緯通星歷郡命功曹州辟從事光祿郎中主事除安漢令蜀亡去官時巴上饑荒所在無穀送吏行之輒取道則民羊隨以綿繫其處使足所取直民視羊見綿相語曰聞何安漢清廉行過從者无粮必能爾耳持綿追還之終不受因為語曰安漢更取粮令為之償察孝廉大同後臺召不諧除河間王郎中令不就居貧固險衣弊蔬食躬耕耨夕修誦諷鄉族饋及禮厚皆不納目不視色口不語利著諱言十篇論道德仁義常有屠羊猪過隨門猪索斷失之強認淵中猪隨便牽猪與之屠人出門尋得其所亡猪謝隨還猪遂以包之有家養竹園人盜其笋隨行見之恐盜者覺怖走竹中傷其手足羣履徐步而歸其仁如此太康中即家拜江陽太守民思其政年七十一卒官後州鄉人言議平當者皆相謂何江陽至于汶山夷有正直廉讓者亦號夷中何江陽杜景文何興仁皆為作傳長子觀字巨忠清公叔慎知名州里察孝廉西都南安令平西長史張昌作亂荆州從黨西上郡守無不望風降下至江陽平西江軍羅尚表為安遠護軍討賊平珍除巴郡太守朝議欲以為甯州刺史會病卒次子遊治中從事隨時同郡繁令張崇清廉推讓見稱當時

王化字伯遠廣漢郡人也漢將作大臣王堂後也祖父商字文表州牧劉璋時為蜀太守有懿德高名在者舊傳父彭字仲巴郡太守化兄弟四人少有令望化治毛詩三禮春秋公羊傳郡命功曹州辟從事光祿郎中主事尚書即除閬中令為政清靜察孝廉大同後復端右察孝廉為樂涇令按晉書樂涇縣名屬酒泉郡縣近邊塞值胡虜反化率吏民積穀堅守虜斷道重圍孤絕七年伺虜怠惰出軍討之民得野掠大軍至虜退以功封閬內侯遷朱提太守撫和殊俗得夷隸懼心轉在梓潼復有稱績為人謹重言論方雅臧否尤哀州里服其誠亮年七十二卒官弟振字仲

遠亦有德望廣都令巴西太守叔弟位字季遠洛居官次歷廣陽作唐令早亡少弟宗字幼遠學業淵博雅性洪粹蜀時東觀即大司徒梁州辟別駕別舉秀才尚書郎與壽良李安陳壽李驥杜烈同入京洛為二州標雋五子情好未必能終惟崇獨以寬和無所彼此著蜀書及詩賦之屬數十篇其書與陳壽頗不同官至上庸蜀郡太守陳壽字承祚巴西安漢人也少受學於散騎常侍譙周治尚書三傳銳精史漢總警敏識屬文富豔初應州命衛將軍主簿東觀秘書郎散騎黃門侍郎大司徒後察孝廉為本郡中正益部自建武後蜀郡鄭伯邑太守趙彥信及漢中陳申伯祝元靈廣漢王又表皆以博學洽聞作巴蜀者舊傳壽以為不足經遠乃并巴漢撰為益部耆舊傳十篇散騎常侍文立表呈其傳武帝善之再為著作郎平後壽乃鳩合三國史著魏吳蜀三書六十五篇號三國志又著古國志五十篇品藻典雅中書監荀勗令張華深愛之以班固史遷不足方也出為平陽侯相華又表令次定諸葛亮故事集為二十四篇時壽良亦集故頗不同復入為著作鎮南將軍杜預表為散騎侍郎詔曰作通用蜀人壽良具員且可以為侍御史上官司論七篇依據典故議所因革又上釋諱廣國論華表令兼中書郎而壽魏志有失最意勗不欲其處內表為長廣太守繼母遺令不附差以是見譏數歲除太子中庶子太子傳從後再兼散騎常侍惠帝謂司空張華曰壽才宜真不足久兼也華表欲兼九卿會受誅忠賢排擯壽遂卒洛下位望不充其才當時究之兄子符字長住亦有文才繼壽著作佐郎上兼令符弟滂字叔度梁州別駕驃騎將軍齊王辟掾洛下滂從弟階字達之州主簿察孝廉復中令永昌西部都尉建寧興古太守階辭章燦麗馳名當世凡壽所述作二百餘篇符滂階各數十篇二州先達及華夏文士多為作傳大較如此時梓潼李驥叔龍亦俊逸器知名當世舉秀才尚書郎拜建平太守以疾辭不就意在州里除廣漢太守初與壽齊望又相暱友後與壽情好携隙還相詎攻有識以是短之亦自別傳

李安字令伯犍為武陽人也祖父光朱提太守父早亡母何更行見養祖母治春秋左傳博覽五經多所通涉機略辨捷辭義響起事祖母以孝聞其侍疾則泣涕側息日夜不解帶膳飲湯藥必過目嘗口本郡禮命不應州辟從事尚書郎大將軍主簿太子洗馬奉使聘吳吳主問蜀馬多少對曰官用有餘民間自足吳主與群臣汎論道議謂甯為人弟必曰願為人兄吳主及群臣稱之大同後征西將軍鄧艾聞其名請為主簿及書招欲與相見皆不往以祖母年老心在色養拒州郡之命獨講學立柱授生武帝立太子徵為洗馬詔書累下郡縣相逼必上疏疏在武帝覽之曰安不空有名也嘉其誠款賜奴婢二人下郡縣供其祖母奉饌從尚書郎河內温令敦德陳教政化嚴明太傅鉅平侯羊公薨無子帝令宗子為世子嗣之不時赴喪必遣戶曹贛移推轂遣之中山諸王每過温縣必責求供給更民恚之安至中山王過縣徵留交新蒸必引高祖過沛濱老幼桑梓之供一無煩費伏惟明王孝思惟則動職先戒本國望風式歌且舞誅求煩碎所未聞命後諸王過不敢煩温縣盜賊發河內餘縣不敢近温追賊者不敢經界隴西王司馬子舒深敬友之而貴家憚其公直安去官為州大中正性方亮不曲意勢位者失荀張指左遷漢中太守諸王多以為寬一年去官年六十四卒著述理論論中和仁義儒學道化之士凡十篇安東將軍胡羅與皇甫士安深善之又與士安論夷齊及司馬文中杜起宗却令先文廣休等議論往返言經訓詰眾人服其理趣釋河內趙子聲誅詩賦之屬二十餘篇壽良李驥與陳承祚相長短安公議其得失而切責之常言吾獨立於世顧影為儔而不懼者心無彼此於人也故安六子皆英挺秀逸號曰六龍長子賜字宗碩州別駕舉秀才汶山太守少與東海王司馬元超友昵每書詩往返雅有新聲少子興字雋碩太傅參軍幼子威碩富浦太守安同時蜀郡高玩字伯珍少受學於太常杜瓊術藝微妙博聞強識清尚簡素少與安齊名官位相比大同後察孝廉除曲陽令單車之縣移檄縣網紀不使遣迎以明三材徵為太史令送者亦不出界朝廷稱之方論大用會卒杜軫字超宗蜀郡成都人也父雄字伯休安漢雒令軫少師譙周發明高經於譙氏之門郡命為功曹鄧艾既破蜀被徵鍾會進成都時太守南陽張府君不肯出官軫進曰征西因執鎮西在近必有所遣軍亂之際不害無常

給事中梁州刺史遷散騎常侍大長秋卒葬洛北邙山徵字建興張翼子也篤志好學官至廣漢太守緝字文平清檢有治幹舉秀才歷城令涪陵太守遷謀內史

何攀字惠與蜀郡郫人漢司空汝鄉侯武弟顯後也父包字休揚舉孝皆不行除郫郡王中尉不就攀兄弟五人皆知名攀少夙成奇姿卓逸弱冠郡主簿上計吏州辟從事刺史皇甫晏稱攀王佐才也以為主簿泰始十年養母歸家晏為才門張宏等所害攀操表徑詣洛訟釋事得清刺史王濬復辟主簿別駕咸甯三年濬被詔罷屯田兵作船為伐吳計攀進曰今見佃兵但六百人計作船六七年才可勝萬人後者未成前者已腐無以輔成國意宜輒召四守休兵及諸武吏并萬餘人造作歲終可辨濬疑輒召萬兵欲先上須報攀曰家官雖欲伐吳疑者尚多幸聞召萬兵必不見聽以佃兵作船不時成當輒召以速為機設當見却功夫已成勢不得止濬善之議欲入山裁船動數百里艱難攀曰今家墓多種松柏當什四市取以速為機濬悅之任攀典舟船器仗冬遣攀使洛攀曰聖人之功可成使人信之不可必也夫高祖之大畧猶未察於韓信晏敬因蕭何子房而後用之今進非常之功或莫之信羊公使君同盟國家所重加曩日失策江陵思有夙駕宜與相聞此一助也濬曰何但羊叔子亦宋元亮為優君至洛官家未有舉意便前至襄陽與羊祜論之攀既至洛拜表獻策因至荊州與刺史宋庭論宋未許乃見羊祜累日共畫用兵之要攀曰若令循清海以趣京口壽春揚州直指秣陵充豫踰海並據桑浦則武昌以東會稽以西駭矣荊州平南徑造夏口巴東諸軍固守西陵益梁之眾身浮江東下封樂鄉要巴邱則武陵零桂長沙湘東從風而靡矣但明信賞首尾俱會旌旗耀天四面雲合乘勝席捲傳檄南極吳會不盡平者未之有也羊祜大悅遂表請伐吳尋徵濬大司農至晉壽詔以濬為龍驤將軍除攀郎中參濬軍事攀頻奉使詣洛時未婚司空裴公奇其才以女妻之五年秋攀使在洛安東將軍王渾表孫皓欲北上邊戍警戒朝議征伐必須六年攀上疏策皓必不敢出宜因令戒嚴掩取甚易中書令張華命宿下舍設諸難攀皆通之又濬性在忠烈受命必果宜重其位號詔書遷濬平東將軍督二州事吳平封關內侯濬入拜輔國攀為司馬上論時務五篇除榮陽令進廷尉詳有盜開城門下關者法據大辟攀駁之曰上關執信之主下關儲備之物設有開上關何以加刑遂減死多所議讞遷散騎侍郎太傅楊駿謀逆請眾官攀與侍郎傅祗侍郎王愷等往惠帝從楚王瑋殿中即孟觀策戒嚴誅駁駿外已匆匆攀與祗踰墻得出侍天子天子以為翊軍校尉領熊渠兵一戰斬駿社稷用安封西城公邑萬戶策曰於戲在昔先王光濟厥世罔不開國列土建德表功也故逆臣楊駿謀危社稷橫兵飛矢集于殿庭白刃交于宮闈攀受命奮討凶逆速殄忠烈果毅朕甚嘉焉今以魏興之西城為攀封國錫茲元社苴以白茅永為晉藩輔往欽哉敬乃有土惠康黎元無或以隳爾顯烈又賞絹萬匹攀固辭受五千足又賜拜弟逢平鄉侯兄子夔關內侯遷宣關內史不就轉東羌校尉西虜寇邊遣長史楊威討之違攀指受失利徵還領越騎校尉武庫災百官皆赴火攀獨以兵衛宮復賞絹五百足領河南尹遷揚州刺史假節在官數年德教敷宣征虜將軍石崇表東南有兵氣不宜用遠人徵拜大司農兼三州都自表以被疾錯忘不堪銓量人物讓都職於任熙費緝不聽遷兖州刺史錫寶劍赤烏固辭不之官時帝室政衰多害忠直又諸王迭起好結黨徒攀聞治疾不與世務朝議欲以為公會薨時年五十七天子愍悼追贈司農印綬謚曰桓公道令教世子務行恭儉引荀公曾諸葛德林為模範子璋嗣李毅字允剛廣漢郫人也祖父朝字偉南州別駕從事父旦字欽宗光祿郎中主事毅少散達不治素檢年二十餘乃詣郡文學受業通詩禮訓詁為學主事太守宏農王濬臨學講試問祭酒姬豔曰學中有可成進幾百人豔對曰可有百人濬怒曰豈冠八百而成者百人教少何為毅對曰如豔之言明府之教盛於孔氏不為少也濬奇之命為主簿濬嘗夢得三刀刀人以未益之手持不得以問郡丞與掾史莫能知毅對曰吉祥也三刀者州字也益之未持不得未傍失者秩字明府秩當至益州濬笑曰如卿言當相以為秀才張宏殺益州刺史皇甫晏証表晏反殺白濬曰皇甫侯起自諸生位極方州久當何求且廣漢與成都密邇而統梁州者矜益州之領

須防在今日也益州有禍乃此郡之憂加張宏小豎眾所不與宜時赴討濟欲先上後行毅曰大夫出疆苟利社稷專之為賢何況殺主賊急當不拘常宜濟從之發兵與牙門滿泰等共討宏斬之詔書遷濟益州刺史毅復為州主簿別駕舉秀才及濟伐吳與何攀並為參軍吳平封關內侯除隴西護軍以疾去官徙繁令遷雲南太守濟臨薨上表後武帝思濟勳問毅所在徙捷為使持節南夷校尉久之捷為民毛詵李叡與朱提民李猛共逐太守杜俊雍約以叛眾數萬毅討破之斬詵猛首馘走依五茶夷亦叛晉朝復置甯州以毅為刺史加龍驤將軍封成都內侯夷遂大反破沒郡縣攻圍州城中原亂而李雄寇蜀救援不至疾病薨於窮城懷帝嘉其忠節追贈少府謚曰威侯毅性通博居情雅厚賑卹寒貧篤於故舊人咸愛歸之但好談論德量猶少從弟必字叔平脩身砥礪名行數諫毅宜自於嚴毅笑應之曰吾小來不治名素終杖節故可至九卿卿清儉履道卒不失成都令也時毅始受南夷而苾歷城令果作成都遷捷為太守位官不及毅毅子劍世秉儒學有格望以父任為謁者除書林侯相不就為尚書外兵郎自表赴難至梓潼夷斷道不得進經年以甯州城中無穀父疾病未知吉凶不食穀惟茹草迨至奔喪官至朱提越雋太守西夷校尉毅女秀適漢嘉太守新都王載有才智父亡後州文武推領州三年二州當太清中位至方州節將者壽良何攀及毅永嘉中巴張亦希祖為州刺史南蠻長水校尉蜀郡張峻紹茂為監南中八部事西夷校尉持節事

楊邠字岐之捷為武陽人也少好學志古操厲名行州辟主簿別駕刺史王濬舉秀才安漢雋令國王中尉以選為尚書郎遷汶山太守值夷復讐失殊俗和徙受巴東轉廣漢永嘉初進衡陽內史遇流民叛亂攻沒長沙湘東邠輒救助賊眾侵破遂破郡城獲邠欲以為主邠不許賊晝夜執守邠侯其小忿夜急走比覺已去速收餘眾軍重安欲投湘州刺史荀眺共圖進取會眺降賊邠孤軍固城賊攻圍之誓死不移遂卒城中時年六十九帝為鎮東大將軍嘉其忠節死義遣使弔贈策曰惟永嘉七年四月己未使持節都督江陽諸軍事鎮東大將軍卿郡王濬謹遺板命前衡陽內史楊君忠肅貞固守正不移雖危迫節義可嘉不幸殞卒孤城甚悼之今列上尚書贈君淮南內史魂而有靈嘉茲寵榮嗚呼哀哉邠同郡楊稷文曹泰始初為交趾太守平九真蠻林日南四郡斬吳交州刺史劉峻大將軍脩則武帝方授交州會孫皓遣大將軍薛瑁陶璜十萬人攻稷被攻八月救援不至眾寡不敵遂為瑁璜所獲因稷欲送皓稷歐血死帝嘉其忠烈死命追贈交州刺史也

費立字建熙捷為南安人也父楫字君讓巴西太守立學義冲遠元靜沈嘿察孝廉王國中尉王年少好輕行遊觀立常正色匡諫及上疏風喻辭義剴切合箴規之體出為成都令縣君難治立蒞之垂績以性公亮入為州大中正除巴西太守不就轉梁益甯三州都督兼尚書值大駕西幸長安常與大臣居守在洛加員外散騎常侍封關內侯每准正三州人物品格褒貶帥意方見無復疏親莫不畏敬然委曲者多恨其繩墨數辭諸郡意在河秦汝穎久之朝議欲以為荊州永嘉六年與子并沒于胡寇立時漢國呂毅叔偉德以清彥辟別舉秀才尚書即秦國內史長水校尉員外常侍梁州都督與立同沒胡寇

常璩字季慎蜀郡郫原人也祖父竺字代文南廣太守侍中父偉字公然閬中令璩治毛詩三禮以清尚知名州辟部從事主簿郡清功曹察孝廉淳鄉令以選為國王侍郎出為縣竹令國王歸之復入為郎中令從王起義兵有功封關內侯遷魏郡太守加材官將軍以晉政衰觀中原不靜固辭去官拜新都內史時蜀亂民皆流在荆湘徙湘東太守疾病未拜卒年六十八璩性泛愛敦敬友宗族當官修理恕以撫物好咨問動必謙讓州郡以為儀範二州清官見述者先有宜都太守捷為唐定義葉隴西太守巴西馮企休胡而後璩云

常寬字泰恭騫族弟郡令勗弟子也父廓字敬業以明經著稱早亡闔門廣學治毛詩三禮春秋尚書尤耽意大易博涉史漢強識多聞而謙虛清素與俗殊務郡命功曹及察孝廉不就州辟主簿別駕舉刺史羅尚秀才為侍御史除繁令隨民安縣零陵以舉將喪去官湘州叛亂乃南入交州交州刺史陶咸表為長史固辭不之職雖流離

交城衣弊縕袍冠皮冠乘牛往來獨鳩合經籍研精著述依孟揚宗盧師矩著典言五篇撰蜀後志及後賢傳續陳壽書舊作梁益篇元帝踐祚嘉其德行潔白拜武平太守民悅其政以榮貴非志在官三年去職尋梁碩作亂得免難卒於交州凡所著述詩賦論議二十餘篇子長生字彭祖亦有學行州主簿資中令治中從事早亡時蜀郡太守巴西黃容亦好述作者家訓梁州巴紀姓族左傳抄凡數十篇漢嘉太守蜀郡杜龔敬修亦著蜀後志及志趙獻李特叛亂之事及喪紀禮式後生有取焉

譙登字慎明巴西西克國人譙周孫也仲父熙察孝廉本郡大中正沔陽令叔父同字孝紹少知名拒州郡之命梁州刺史壽良與東羌校尉何攀責之三司及大將軍幕府為尚書即除錫令亦有為作傳者登少以公亮義烈聞郡命功曹州辟主簿別駕從事領陰平太守郡五官素大姓豪擅侵凌羌晉登誅之郡中皆肅後以李特作亂本郡沒寇父為李雄巴西太守馬晚所殺乃東詣鎮南劉公請兵時中原亂守公三年不能得兵表拜楊烈將軍梓潼內史使合義募登凡募巴蜀流士得二千人鎮西將軍羅尚以退住巴郡登從尚索益軍討雄不得乃往攻宕渠斬晚食其肝巴西賊破復詣尚求軍尚泰佐多以必無利登憤恚數凌折之又加責於尚尚但下之而已會羅美殺雄太尉李離舉梓潼來降登徑進涪城雄自攻登為登所破而尚將張羅進屯犍為之合水文碩殺雄太宰李國以巴西降羅遣軍掠廣漢破雄叔父驤虜其妻子募人斫雄頭賊以向困而尚本參佐恨登之見於侮不供其軍食益州刺史皮素至巴東救平西送故遣將張順楊顯救登至墊江素遇害顯還雄知登之食遣驃致攻兵窮士餓誓死不退眾亦餓死而無去者永嘉三年為驃所生得以登致雄言辭慷慨涕泣款飲無服降臣折情雄乃殺之囚其軍士皆以為奴虜界兵士而連陰雨百餘日雄中以登為枉而所領無辜怒氣感天下赦出登軍士湮沒者初尚之在成都也與雄攻戰郡令犍為張昕欽明每推破雄雄眾戰之而救助不能并心為雄所殺雄常言羅尚將均如張昕輩吾族早無遺矣時牙門左記亦有戰功尚不能益其兵穀記志恨以母喪歸尚累召不往尚怒曰微左記當不滅賊乎遂殺之雄聞記死大小相賀登同郡縣李高亦有武幹平吳時與牙門將處前獲孫皓封縣侯官至金城鴈門太守

侯馥字世明江陽人也察孝廉平西參軍關薨後巴郡亂避地入牂牁州刺史王遜鎮平西將軍復取為參軍遜議欲遷牂牁太守謝恕為涪陵太守出屯巴郡之把口表馥為江陽太守住江陽之沱源撫郵蠻祿克復江陵請通長江雄征東大將軍李恭已在江陽馥招降夷獠修繕舟楫為進取計預白遜請軍移恕俱出涪陵不能自前恭舉眾攻馥眾寡不敵為恭所破獲生虜馥送雄雄下廷尉責曰事君有死無二其次破家與國今縱不死又無益國反沒其分守口而已無他顧望雄必欲屈之使馥同郡人張迎曉喻之馥怒罵迎曰吾等國亡不能存大難不能死依眉海內何面目相見也且王甯州治亂才也以吾有桑梓之恥故遠上尚書遣吾討賊受命之日實忘寢食但裁船未辦請軍未至牽揣不及為他所先當滅身隕碎以謝不及冀上不負日月下不愧王侯吾豈苟生如卿兒女之人乎迎還白雄雄義而赦之時雄眾寇所獲犍為太守建寧魏紀漢國太守梓潼文段巴郡太守巴西黃龕涪陵太守巴西趙弼永昌謝俊牂牁文猛皆區區稽顙無如馥者數年卒

譔曰文王多士才不同用孔門七十科行相揆百行殊塗貴於一致若斯諸子或挺珪璋之質或苞瑚璉之器或

限外服膺日淺負荷榮顯未克其能假使植幹華宇振條神區德行自有長短然三趙兩李張何之軌其有及之者乎謹登侯馥忠規奮烈美志不遂哀哉

晉常璩著

漢魏叢書

華陽國志

序志

- 五公 司空何武 司空趙戒 太尉趙謙 司徒趙溫 司空張皓

益梁甯三州先漢以來士女

高尚逸民嚴遵字君平成都 林閻字公孺臨邛人揚雄 德行治中從事李宏字仲元成都 給事黃門侍郎

楊雄字子雲成都 文學神童楊烏 雄子七歲預父 侍中楊州刺史張寬字叔文成都人始受文翁遺業 中郎

將司馬相如字長卿成都 諫議大夫王褒字子淵 尚書郎楊壯揚子方見 美秀中郎將何霸字翁若

人 執政大中司空汎卿侯何武字君公 霸弟以忠正為三公王 頴川太守何顯武弟五人皆在漢書武子

黃門侍郎鄧通 蜀人孝文帝時為 卓王孫 臨邛人見食貨志姑仍 政事左衛護軍陳立字少遷 詳柯巴郡

天水三郡太守 節士太中大夫章明字公孺繁 尚書郎侯剛字宣孟 新繁 尚書郎王嘉字公卿 江原 美

陽令王皓字子離 江原 右二十人在前漢 其侍即田儀楊得

知士博士羅衍字伯紀 成都 德政益州太守王阜字世公 成都 長沙太守任循字伯度 成都人少失父後為長

為郎五宮父之母識知 公亮大司農司隸校尉任昉字文始 涪州刺史任愷字文悌 助弟 文學侍中漢

五更張霸字伯饒 益曰文父 成都 校書郎楊終字子山 成都 聘士張楷字公超 文父子 張光超 公超弟 尚

書張陵字處沖 公超子自陵之後 義士趙定 成都人 以延仁為義 保貴太尉司徒司空特進尉亭侯趙戒字

志伯 子 文學國師太常趙典字仲經 成都 忠亮太尉司徒郎中郎趙諫字彥信 成都 侯其子孫 道德司徒

司空趙溫字子柔 謙弟自是後 義烈侍中長水校尉常洽字茂尼 江原人見 道德侍御史常詡字孟元 江原

趙太尉公者 述作謁者僕射何英字叔俊 成都 經治捷為屬國何汶字景田 成都 高士揚由字哀侯

成都人見後 篤愛高士侯祚字升用 繁人父 揚 博士揚班字仲桓 成都人 何 公府辟士羅衡字仲伯 郡人

漢方述傳 至孝孝廉龔堅字孟由 成都 推賢美陽令柳宗字伯審 成都 求次方 王仲曾 張叔遠 殷知孫

並蜀人伯焉所拔皆 匡正治中從事張充字伯春 江原 司空辟士李幾字孟元 江原 猛畧部從事楊球字

致郡字失其官名 守憲陳湛字小伯 成都 節士仲呈 成都 高士王廣 成都 述破後郡及州命察舉皆不往曰吾

子恭 成都人子統為 仁義志士任未字叔本 成都 烈士嚴道主簿李磬字文寺 嚴道 義烈郡功曹史朱普字伯禽

不能復譽敢當 世榮科也無傳 述作漢中太守鄭廩字伯邑 臨邛人作者舊

廣都 巴郡太守朱辰字元燕 廣都人 述作漢中太守鄭廩字伯邑 臨邛人作者舊

右四十人在後漢 尚書郎張俊失其行事不載學張留見朱

大鴻臚何宗字彥英 郡 雙柏長何雙字漢偶 郡 雙柏相乃建甯 頴逸廣漢捷為太守何祇字君肅 郡 忠敦輔

漢將軍張喬字君嗣 成都 元寂太常杜瓊字伯瑜 成都 侍中常竺字代文 本志無傳 安南將軍張表字伯達

成都人伯父肅 廣漢太守兄 永昌太守王伉 成都人見蜀

子喬 州牧劉璋別駕從事無傳 右八人在劉氏世

五更張霸夫人司馬敬司 成都 公乘會婦張氏 廣都 健為楊鳳珪妻陳助 臨邛 廣漢便敬賓婦常元常 江原

郡令常 殷氏婦常靡常 仲山女 趙侯夫人常紀常 江原人常 景奇妻羅賁 郡人羅 趙憲妻何玳 郡 朱

叔賢妻張昭儀 繁 廣柔張姚超二女姚妣 饒 廣漢王遵妻張叔紀 郡 朱

右十一人列女

右蜀郡士女七十九人 六十八人 文學聘士洛下宏字長公 閬中 元始侍御史任文孫 閬中 文學司

明畧漢河侯范目 閬中人以下士女 雖無傳 文學聘士洛下宏字長公 閬中 元始侍御史任文孫 閬中 文學司

空掾任文公 弟 先生肯君安 傳 京兆尹徐誦字子產 閬中 忠正侍中譙隆字伯司 閬中 高清太中

大夫譙元字君黃 閬中 潔白尚書郎譙瑛 授 明帝 公車令趙璋字孫明 閬中 公府掾趙毅字仲都 子 公

車臧太伯 宕渠人 雋才涼州刺史趙宏字溫柔 閬中

漢魏叢書

右十三人在前漢

政事揚州刺史嚴遵字王思... 徐州牧嚴羽字子翼... 長安令王偉卿... 政事大司農元賀字... 文和字渠... 將軍大鴻臚龐雄字宣孟... 政事幽州刺史馮煥... 明畧使持節車騎將軍馮緄字鴻卿... 澄... 別駕從事陳實字盛先... 尚書郎馮遵字文衡... 政事司隸校尉陳禪字紀山... 忠貞魏郡太守趙晏字平仲... 善畫益州太守李暉字德印... 志士荊州刺史龔調字叔侯... 度遼將軍桂陽太守然溫... 美化越雋太守張翕字叔陽... 越雋太守張瑞... 巴郡太守龔陽... 上落令趙邵字泰伯... 孝子嚴永... 名儒陳髦... 隱士黃錯... 茂才孟彪... 日南太守黎景... 茂才王澹... 文學掾龔策... 桂陽太守李溫... 戶曹掾趙芬... 上庸太守陳宏... 忠義宕渠主簿典庾... 宕渠主簿馮湛... 郝伯都... 右三十五人在後漢... 義烈江陽太守程畿字季默... 程祁字公宏... 汰字季儒... 儼... 韜... 壯烈... 將軍嚴顏... 元真徵士周舒字叔布... 文學儒林校尉周群字仲直... 博士周巨... 雅重車... 騎將軍首陽景侯黃權字公衡... 尚書郎黃崇... 勇壯折衝將軍西陵太守甘寧字興霸... 政事鎮南大將軍彭鄉亭侯馬忠字德信... 將略鎮北大將軍安漢侯王平字子均... 果壯左將軍宕... 渠侯句扶字孝興... 將畧盪寇將軍關內侯張毅字伯岐... 尚書僕射姚弋仲... 別駕從事馬勳字威衡... 尚書馬參字承伯... 越雋太守龔祿字德緒... 鎮

軍將軍龔璣字德光... 徵士譙岍字榮始... 淵通散騎常侍城陽亭侯譙周字允南... 右二十三人在劉氏三國之世... 馬妙祁妻義... 趙雲君妻華... 王元憤妻姬... 趙瓊妻姬... 童女趙英... 趙萬妻娥... 耿東... 妾行... 尼母姜... 右八人烈女... 右巴郡凡士女七十九人... 道德三老楊統字仲通... 光祿大夫楊序字仲達... 文學侍中楊序字仲桓... 父弟... 高士寇懼字文儀... 昭約字節宰... 術藝使持節交州牧楊宣字君緯... 學士嚴象... 大儒趙翹... 烏丸校尉郭堅... 光祿大夫侍中衛尉鐘顯字子誦... 廬江太守蔡弓字子騫... 善績司隸校尉郭賀字喬卿... 永昌太守鄭純字長伯... 文學高士王祐字平仲... 才不悉行事... 文才樂安相李允字伯仁... 尚書郎李克... 文才東觀郎李勝字茂通... 作大匠翟輔子超... 聘士王稚字叔起... 隱士夫子段賢字元章... 明廉侍御史洛陽令王渙字稚子... 校尉王堂字敬伯... 元烈辟士段恭字節英... 越雋太守馬顯字叔罕... 武威太守南陽折侯張江... 蔚林太守折國... 高士折像字伯式... 治中祭酒朱倉字雲卿... 政事祥柯太守劉寵字世... 信... 孝子江陽符長姜詩字士遊... 陰德郡令王忱字少林... 交州牧羊甚... 推讓野王令羊... 晉字仲魚... 文學侍中董扶字茂安... 聘士任安字定祖... 高讓義士杜真字孟宗... 精誠五官諒輔字漢儒... 義士楊寬字叔仲... 義士張鉗字子安... 烈士賈相字

漢魏叢書

元集什邡節士富叔字茂秦廣漢人忠義綿竹主簿韓揆字伯彥壯童左喬雲綿竹人孝廉汝敦新都人周

右五十二人馳名漢世

別駕從事李朝字永南南郡人丞相西曹掾李邵世偉南朝人文才大司農秦宏字子叔綿竹人益州太守王士字

義疆蜀人別駕從事王甫字國山文表優游特進太常關內侯罽承字公文南郡人才雋江陽太守彭羨字

永年廣漢人忠謀從事鄭度綿竹人忠烈從事王累新都人見

右九人在劉氏世及二牧時

聘士任安母姚綿竹人姜詩妻龐行維姜墳字義舊綿竹人狄道長江廖伯妻殷紀廣漢人便敬妻王和

新都李珥字進娥蜀人李氏女王輔妻彭非廣漢人李平字正流廣漢人表雅妻相烏德陽人王上妻

袁福德陽人汝敦妻何郡人不知

右十一人烈女

右廣漢郡凡士女七十二人六十一人女

知術光祿大夫關內侯王延世字長叔資中揚州刺史楊莽字翁君武陽人忠壯復漢將軍朱遵字孝仲

武陽隱知徵士任永字君業資中秀穎司隸校尉楊渙字孟文武陽人精密上黨太守趙松字君喬武陽人文

學城門校尉董鈞字文伯資中清秀大司空張皓字叔明武陽人正直光祿大夫廣陵太

守張綱字文紀南郡人郎中張植南郡人尚書張續南郡人豫州牧張方公始正直司隸校尉趙旂字子鸞資中

別駕從事王元斌陽人刺史張喬見揚州傳義士公車令杜撫字叔和資中新都令趙敦字建侯武陽人孝士尚書郎

陽相字叔通武陽人呂孟南安人不詳吳順字叔和武陽人學士韓子方武陽人謝褒南安人見

右二十四人在漢世

政事蜀郡太守關內侯楊洪字季休武陽人直率諫議大夫費詩字公舉南安人忠正車騎將軍都亭侯張翼字伯

恭蜀人文學五官中郎將伍梁字德山南安人文才射聲校尉楊義字文然武陽人

右五人在劉氏世悉其事不錄相登妻周度武陽人曹敬字敬姬周安人程貞玦字瓊玉中郎人尹仲

漢中太守楊文方妻陽姬武陽人趙媛妻資中趙張貞妻黃帛武陽人楊進武陽人王博妻

讓妻韓姜武陽人儀成妻謝姬南安人趙媛妻資中張貞妻黃帛武陽人楊進武陽人王博妻

右九人烈女

右捷為郡士女凡三十八人二十九人女

忠正城陽中尉鄧先景帝時楊王孫致遠衛尉博望侯張騫咸陽人爽郎給事中張猛蜀人高尚逸

氏鄭子真咸陽人聘士衛衡字伯梁南郡人大儒李頴南郡人文學司徒李邵字孟節南郡人執正太尉

李固字子堅南郡人雅望京兆尹李燮字德公固奉車都尉李歷字季子固善績司隸校尉李法字伯度

南郡健為太守趙宣字子雅南郡人德望廣漢太守趙璜字元珪南郡人温雅尚書趙瑗字稚珪南郡人義壯宏農

太守陳緡字仲卿咸陽人義烈從事陳調字元化緡知思巴郡太守陳雅字伯壹咸陽人南郡太守程基字稚

業南郡人大鴻臚劉巨公南郡人廣漢屬國張泰字伯疆南郡人政事度遼將軍張亮則字元修南郡人

愷涕綿竹令閻憲字孟度咸陽人隱士樊志張南郡人籌畫計曹史程苞字元道南郡人文才段萌長

祝龜字元靈南郡人義烈郡主簿段崇字禮高南郡人義烈功曹程信字伯義南郡人嚴孳李容陳巳王宗

姜濟曹廉勾矩劉柱原展九人太守程信南郡人從事燕邠字元侯南郡人主簿趙高字伯高南郡人

漢魏書

華陽國志

三

右三十九人在後漢

陳術字申由歷二郡太守見蜀書

右一人在劉氏世

李穆姜安眾姑也子基

陳順謙鄧令曹備妻陳伯臺從女

右九人烈女

右漢中郡士女凡四十九人四十八人

忠義鎮遠將軍義侯文齊字子奇梓潼人平帝用為益州太守遂

遂久令李暉梓潼人 益州太守景毅字文堅梓潼人

壯烈濟陰相冠祖字宰朝梓潼人

李助字翁君梓潼人

右十二人在漢世

尚元諫議大夫杜微字國輔梓潼人

丞相參軍文恭字仲實梓潼人

右六人在劉氏世

文極字季姜梓潼人將作大

右烈女三人

右梓潼郡士女凡二十一人十八人

脩慎少府太常關內侯王謀字元漢漢嘉 雲南太守張休

右二人漢嘉人士在劉氏世

文學荆州刺史尹珍字道真母歛

右三人牂牁人士

忠義大將軍朝侯祭酒錫光字長沖

右一人西城人士

忠義雲南太守陽遷亭侯呂凱字季平不章

右一人永昌人士

義正安漢將軍建甯太守李恢字德昂 領軍襲習 御史中丞孟獲

右三人建甯人士

輔漢將軍孟琰字休明

右一人朱提人士

先泥和女絡符

右一人烈女江陽人

大凡三州十三郡自漢興至三國之終士女載傳記者三百五十九人二百九十八人

公七人 大將軍二十二人 侯二十人 卿佐十四人 侍中七人 尚書五人 司隸校尉六人 州刺史十

三人 郡守四十八人 國師三人 光祿大夫四人 尚書郎十二人 中書郎將御史六人 公車令諫議

太中十一人 公府辟士八人 高士一人 聘士七人 徵士四人 節士四人 烈女五十二人

益梁甯三州三國兩晉以來人士目錄添立目錄

明畧大司農西城公何攀字惠興郾人 清秀大長秋壽良字文淑成都人 果烈西河太守柳隱字休然成都人 梁益

二州都督杜貞成都人 都督度支巴東太守柳仲字雅厚成都人 德行江陽太守何隨字季業郾人 令德隗為太

守杜軫字超宗成都人 隗為太守杜烈字仲武韋 建甯太守杜良字幼倫 益州刺史杜毗字長基 德行給

事中任熙字伯遠成都人 涪陵太守任蕃字憲祖熙 義正郾令常勗字修業江原 州都常忌字茂通韋 令

才太史令高玩字伯真江原 閔才湘東太守常鸞字季慎江原 述作武平太守常寬字泰恭從 使持節

西夷校尉張岐字紹茂成都人 征西將軍西夷校尉益州刺史王異字彥明成都人 勇畧雍州刺史南中郎將重

安開國侯李陽字文叔郾人 征虜將軍廣漢梓潼太守楊謙字令志成都人

右三十二人蜀郡人在晉

強濟少府成都威侯李毅字允綱郾人 西夷校尉李到字世康郾人 仁讓漢嘉太守司馬勝之字興先綠竹 德義

梓潼太守王化字伯遠郾人 表孫 巴東太守王振字仲遠韋 作唐令王位字季遠韋 述作蜀郡太守王崇字

幼遠從 素隱中書郎王長文字德儁郾人 建甯太守耿容字宗仲屬漢

右九人廣漢人在晉世

漢中太守李安字令伯武陽 汶上太守李賜字宗碩郾 太傅恭軍李興字儁碩賜 廣漢太守張徵字建興

子翼 譙國內史費緝字文平南安 見壽良傳 執義衡陽太守楊邠字岐之武陽 清正尚書費立字建熙南安

右七人隗為人士在晉世

衛尉文立字廣休臨江 武陽太守楊守臨江 祥柯太守毛楚郾

右三人巴郡人在晉世

述作太守中庶子陳壽字承祚安漢 驃騎府掾陳蒞字叔度壽 兄 上廉令陳符字長住壽 兄 建甯太守陳階

字遠之益 正直漢中太守閻續伯安 卓叟長水校尉荊州刺史張奕字希祖南 義烈楊烈將軍梓潼內

史譙登字順明調 令德錫令譙同字彥紹周 子見

右八人巴西人士在晉世

清重長水校尉呂淑字偉德

右一人漢中人

廣漢太守李驥字叔龍福

右一人梓潼人

忠義江陽太守侯馥字世明

右一人江陽人

三州後賢五十一人并前賢三百九十一人

誤曰凡此人士或見漢書或載者舊或見郡紀或在三國書并取其秀異表之斯篇其洪伐張顯並附載者齊之

其但見名目而不詳其行故或有以傳無珍善闕之以副直文為實錄矣

序志後語

晉常璩著

巴蜀厥初開國載在書籍或因文緯或見史記久遠隱沒實多疎略及周之世侯伯擅威雖與牧野之師希同盟

要之會而秦資其富用兼天下漢祖階之奄有四海梁益及晉分益為甯司馬相如嚴君平楊子雲素成子元鄭

伯邑尹彭城譙常侍任給事等各集傳記以作本紀畧舉其隅其次聖稱賢仁人志士言為世範行為表則者名

漢魏叢書

華陽國志

挂吏錄而陳君承祚別為耆舊始漢及魏煥乎可觀然三州土地不復悉載地理志頗言山水歷代轉久郡縣分建地名改易於以居然辨物知方猶未詳備于時漢一本無晉方隆官司星列提封圖簿歲集司空故人君學士蔭高堂騎帷幙足綜物土不必待本紀矣襄遺沉運函夏滔堙李氏据蜀兵連戰給三州傾陸生民殲盡府庭化為狐狸之窟城郭尉為熊羆之窟宅遊維鹿田棲虎豹平原鮮麥黍之苗千里茂鷄狗之響邱城蕪邑莫有名者嗟乎三州近為荒裔桑梓之域曠為長野反側惟之心若焚灼懼益遐棄城隍靡聞迺諸舊紀先宿所傳并南裔志驗以漢書取其近是及自所聞以著斯篇又畧言公孫述蜀書咸熙以來喪亂之事約取舊書女英彦又肇自開闢終乎永和三年凡十篇號曰華陽國志夫書契有五善達道義章法成通古今表功勳而後旌賢能恨才短少無逮及不早援翰執素廣訪博咨流難因察方資腐帛於顛墻之下求餘光於灰塵之中劇滅者多故有所闕猶愈於遺志焉 蜀紀言三皇乘車出谷口秦安曰今之斜谷也及武王伐紂蜀亦從行史記周貞王之十六年秦厲公城南鄭此谷道之通久矣而說者以為蜀王因石牛始通不然也本紀既以炳明而世俗間橫有為蜀傳者言蜀王蠶叢之間周迴三千歲又云荆人鼈靈死屍化西土後為蜀帝周長宏之血變成碧珠杜宇之魄化為子鵲又言蜀推髻左衽未知書文翁始知書學按蜀紀帝居房心決事參伐則蜀分野言蜀在帝議政之方帝不議政則王氣流於西故周失紀綱而蜀先王七國皆王蜀又稱帝此則蠶叢自王杜宇有帝皆周之叔世安得三千歲且太素資始有生必死死終物也自古以來未聞死者能更生當世或遇有之則為怪異子所不言况能為帝王乎碧珠出不處地也相距動數千里一人之血豈能致此子鵲鳥今云是舊或曰舊周今按說文云蜀王望帝姬其相妻也亡去為子鵲鳥故蜀人聞子鵲皆起云望帝萬戶主切所言與蜀志所述相似爾雅亦云為周子鵲鳥也出蜀中 四海有之何必在蜀昔唐帝萬國時雍虞舜光宅八表大禹功濟九州后稷封殖天下井田之制序序之教由來遠矣孔子曰述而不作信而好古竊比於我老彭則彭祖本生蜀為殷太史夫人為國史作為聖則僂自上世見稱在昔及周之末服事于秦首為郡縣雖演戎夷亦有

冠冕故蜀紀曰大人之鄉方大之國也至于漢興反當荒服而無書學乎漢書曰郡國之有文學因文翁始若然翁以前齊魯富無文學故漢末時漢中祝元靈性滑稽用州牧劉焉談調之末與蜀士燕胥聊著翰墨當時以為極歡後人有以為惑恐此之類必起於元靈之由也惟智者辨其不然幸也綜其理數或以為西土峻固於帶易守世亂先違道治後服若吳楚然故通逃必萃奸雄閭閻蓋帝王者統天理物必居土中德膺命運非可資能恃險以干常亂紀雖饗竊名號終於絕宗殄祀何者天命不可以詐詭而邀神器不可以僥倖而取也是以四獄三塗陽城太室九州之險而不一姓莫之北土馬之所產古無興國夫恃險憑危不階歷數而能傳國垂世所未有也故公孫劉氏以敗於前而諸李踵之復亡於後天人之際存亡之術可以為永鑒也千運犯歷破家喪國可以為京觀也今齊之國志實之一揆同見不臣所以防狂狡奸萌以崇春秋敗絕之道也而顯賢能著治亂亦以為獎勸也其序曰 先王經畧萬國剖分厥甸巴梁式象縣辰九俊述職賦政以均佐周覽紂相漢亡秦實繁其民世載其俊述巴志第一 維天有漢鑒亦有光寶司群臣表我華陽矣劉是應洪祚攸長述漢中志第二 井絡啟耀文昌契符茫茫禹蹟畫為九州功冒普天率土以休光靈遐照慶祚爽流邦家濟濟世德球球述蜀志第三 蠡爾南域在彼要荒漢武德振蠻貊是攘開州列郡幽裔來王柔遠能通實須才良甄德表失以明紀綱述南中志第四 赤德中微巨猾于篡白虜乘釁致民塗炭爰迄靈獻皇極不建牧后失圖英雄迭進覆車齊軌蒙此艱難述公孫劉二牧志第五 政去王室權流二桀瓜分天壤宰割民物舍彼信順任此智計大道既隱詭詐競設並以豪持力爭當世居正慮明名號絕替身兼萬乘藉同列國述劉先主志第六 乾坤渾始樹君立王天工人代萬邦是望明不二地不二皇苟非其器窮高必亢濛濛後主弗慮弗臧負乘致寇世業以喪述劉後主志第七 陽升三九品物始亨帝紘失振任非其良趙昌禍階亂是用長羅州播蕩朱荏莫元皮張不造戎醜攸行衣衣元黎碩瞻靡望述大同志第八 素精南飄大維弛綱堯堯持流肆其豺狼蕩雄篡承繼我益梁牧守顛摧

黔首幸嘗三州毀曠悠然以荒終結王綱民亦流亡述李特雄期壽勢志第九華嶽降精江漢吐靈濟濟多士命世克生德為世雋幹為時貞譽舉士女表諸賢明世濟其美不隕其名述先賢士女總讚論第十 皇皇大晉下土是覆化澹教洽誕茲秀茂峨峨俊又疊疊五秀如嶽之崇如蘭之臭經德秉哲綽然有裕述後賢志第十一博考行故總厥舊聞班序州部區別山川憲章成敗旌招仁賢抑絀虛妄糾正謬言顯懲惡以杜未然述序志第十二

謨曰駟牡駸駸萬馬龍飛陶然斯猶阜會景畿鷹獲西守鹿從東虞郎伯勞之旬不從辰嘗茲珍嘉甘心庶幾中為令德一行可師瓊璋淑儻貴韜光輝據中體正平揖宣尼宣以禮樂教化齊木訥剛毅有威有懷錡錡宮縣磬筦諧諧金奏石附降福孔皆總括道檢總覽幽微選賢與能人遠乎哉

附江原常氏士女志

蜀郡 張佳 允 輯

侍中長水校尉常洽

字茂尼

侍御史常翊

南廣太守常世

閩中令常偉

字公然

廣都令常良 郫令

常勗

字修業

河內令常忌

常仲山

湘東太守常騫

戶曹掾常敞

字季真

中郎常美 都護常俊 都

護常深

武平太守常寬

字恭恭 恭從弟

治中從事常長生

字彭祖 寬子

散騎常侍常璩

字道將 璩孫

右士十六人

便敬賓婦常元常

女 殷仲孫常靡常

仲山 趙侯夫人常紀常

右女三人

佳允曰江原常氏代有明德故大姓也道將立志僅書其半豈以私親自嫌哉夫岷瀆委靈哲又作則倘資國器才璧是尊今考出土女共十九人自立錄目又見道將承源家學修辭有經斯龍門世業良史稱材聞有行實詳略

不佞然英名遺烈垂在竹素庶幾尚友遐心著龜孔邇者矣

識

右常璩華陽國志十二卷史通云璩為李勢散騎常侍撰漢書十卷後人晉秘閣改為蜀書璩又撰華陽國志具記李氏興滅今考本志十二卷前四卷述巴蜀漢中南中地理沿革中五卷述公孫氏李氏僭竊以及劉氏偏安事跡末三卷述益梁甯三州漢晉以來士女非專記李氏興滅也故史通又與盛氏荆州記辛氏三秦記同入地理書而自隋唐志通致皆以之入霸史偽史總之不離乎雜史者近是志本多采前人傳記要自具有史家三長謨嘗讀左太冲蜀都賦碧出長宏之血鳥生杜宇之魂李太白蜀道難謂四萬八千歲不與秦塞通人烟輒疑其山川風氣幽昧詭怪大異中土道將乃獨能援經据典辨析群言以壹之乎中和而文之以雅馴非學識兼至能如是乎惜乎偏方短祚無以展其著作之才故不得稱良史蜀書既已亡矣國志亦復殘缺今本李志乃前明蜀人張佳允所補其第十卷先賢論讚又僅存漢中梓潼二方士女而巴蜀廣漢犍為諸郡士女傳皆闕焉中間名次前後復多倒亂此又後人傳寫脫誤非本書乖駁也往時

閣學翁曹漢溪先生提學江右嘗為謨言家有華陽國志全本惜未携入行篋無憑抄補今故祇仍原本校刊惟叢書舊編載籍今入別史汝上王謨識

江表集

五

